

清金陵寶華山傳律比丘福聚編輯

華山宗統

楊昭傑題



佛陀教育基金會印贈

一切佛經，及闡揚佛法諸書，無不令人趨吉避凶，改過遷善。明三世之因果，識本具之佛性。出生死之苦海，生極樂之蓮邦。讀者必須生感恩心，作難遭想。淨手潔案，主敬存誠。如面佛天，如臨師保。則無邊利益，自可親得。若肆無忌憚，任意褻瀆。及固執管見，妄生毀謗，則罪過彌天，苦報無盡。奉勸世人，當遠罪求益，離苦得樂也。

——恭錄自《印光大師文鈔三編卷四：靈巖山寺念誦儀規題辭》

影印南山宗統及律宗燈譜啓

夫宗教之有統系猶家族之有淵源祖孫紹業即衣鉢之相承師弟授受即血統之繼續律學者如未付法之家業也寶華道場歷千載而靡替者良以律學尚得正傳耳時丁末劫魔強法弱律典虛懸木又高末慧燈緣是而失曜人愆因此而撲沈豈不大可悲歟。粵稽中土律堂南有寶華之隆昌北有潭柘之岫雲戒名高峙輝映娑婆宏宣毘尼法燭常熾高僧輩出不可勝紀在清初乾隆七年寶華福聚律師編有南山

宗統詳述寶華一派乾隆二十七年潭柘源諫律師著有
律宗燈譜以叙律門宗脈當時盛行而年湮必遠乃成
孤帙今者海內大德鑑於佛教前途之暗淡遂多以提
倡戒律為前題則此二書者實為重要之譜牒人各宜
手一編也南山宗譜計十卷分訂四冊實有二百八十八頁律
宗燈譜凡八卷分裝四冊實三百七十七頁以連史帑影印者
五百部約須洋一千四百元每部工料洋約二元八角 乾成
寺擬與海內大德醵資影印分供同志以續祖燈所有分
配書籍辨片以各戶出資多寡為權衡時會難得家風

在振所望於

海內同志弘戒上人努力而贊助焉謹啓

釋普泉 釋侯虛

發起人釋慈舟 釋現明

釋清池 釋乾成

民國二十五年十二月 日

--	--	--	--	--	--	--	--	--

序

粵自迦維利見雙樹拂衣二莊逢夜景
之光兩明爲信心之始由是邈矣西音
發皇中夏而苾蒨日盛誕啟元關木於
一乘分爲三學然而穿殘蠹簡幾曾悟
幡動風吹坐破蒲團祇不過磨磚作鏡
惟戒能生定律是慧基是乃防非止惡

之宗實諦真如不空不礙殆猶吾儒之
行用規繩下學上達而不致如高者之
遁於虛無昧者之流爲記誦也惟是支
分派別各闡宗風秉教傳心燈燈相續
律宗則權輿曹魏至唐而南山中興嗣
後顯晦不恒法幢幾折有明慧雲大和
尙乃一起而振興之用波離尊者化身

受文殊法戒顯揚宗旨弘紹前修毘尼
一燈光明海寓繼其盛者爲三昧大師
辯啟河源行高冰雪符坡公之斷碣應
遠公之再來教闡東南時推律虎而南
山宗派盡在千華矣昔雲公達識謂當
戒嗣如麻而分其正偏別其主賓嫡庶
之分旣嚴真贗之差始現故自法嗣見

公精研四分博究二持迦羅妙法如日
中天五傳以來戒雷響徹嗚呼律宗之
盛盛於寶華自非沿波溯源標明統系
雖元津不閉精進者自得其涯而飲水
知香可忘却曹溪一滴善哉文海聚師
獨究本宗毋慚慧命此燈譜一輯所爲
尙述薪傳儼如家乘自曇摩迦羅至於

雲公歷代律師而有傳載而昧公以下
支岐蕃衍世系日昌者皆賴有賢孝爲
之總持以流於勿壞也愧予轉迹風埃
未窺月相山門握手正當看雪而來淨
席論心屢發拈花之笑得親律範輒生
無量喜心如有夙契然者聚師不疑其
心雜乃出其律宗統要問序於予予自

維多生結習本來難證無言而文字因緣抑亦千華公案也爰齋心合十而讚歎成之至於戒幢慧日直接瞿曇了義微言特高律部因茲傳系而大暢門風聚師其卽昧公之馬鳴龍樹乎吾欲起南山而問之矣

時

雍正癸丑年太簇月上浣既朔

賜進士出身中議大夫

欽命巡視福建臺灣等處地方監察御史
協辦福建鹽務管都轉運使事吏科給
事中巡視中城協理河南道山東道監
察御史癸卯科湖廣主考戊戌科癸卯
科會試同考官丁酉科甲辰科順天鄉

試同考官甲辰科

殿試

御纂尚書館纂修官翰林院編修翰林院

庶吉士中州景考祥拜撰



華山世譜序

書之稱譜者有二焉世譜家譜也世譜者何推本之系之所起而迄及百千萬世之久由本宗嫡傳以暨分支旁出其間繼承世次相續莫不釐然可辨

又于代之中名著其人之品
格與夫立學立德行道濟世
之規模俾奕禩而後閱斯譜
者曉然于所自出而緬夫流澤
之孔長典至重也舉世三教九
流法子百家亘古迄今豈容無

耶其所謂家譜者與世譜名異而實同者也冒言乎名異而實同也以譜之總括者言之自一世至百千萬世稱為世譜迨夫奕葉相承至繁不極衍之沒名于本宗旁出者立為一支一派之

家譜較之譜源流有間矣然
其歸宿要在聯宗盟別上下又
何嘗異于世譜哉歲壬戌我華
山文公和尚創奉宗之譜而
通徵分派別傳者詳著于篇以
見授受源流之極致名曰世譜

蓋統會其全而不心為支流之別
者也。歲將盡，余冒雪渡大江，
回山詣丈室，對闔山大衆，合十
而稱善。曰：「大哉！是舉也，名爲慧
時，節因緣，云々矣。何以故？不出于
六世之前，屈指可數，而知出乎？」

七世之後指將不可勝屈寶華
律宗之盛日蓋繁衍倘既至
會同問其原由彼此茫然以致
上下次序紊淆莫辨由此而
更數傳焉誰復知淵源之自出
乎是譜之在此時烏可少哉

夫人之所為契乎當然之理即
質之往哲無不協焉吾知此
舉不但余一人與當來繼起
者歡喜讚歎即一歷世之
祖之將印可徵笑于常寐
光中也已

寄

乾隆七年歲次壬戌嘉平月除
夕前三日隆覺七十老人治牧建
題于華山之歡喜堂



燈譜緣起

自我昧祖樹立千華戒幢而律制
復明於天下矣爾時正法陵夷支
歧雜出以模稜影響為宗機辨敏
給為教邊裂戒源幾微燈脉昧祖
力挽頽波弘宣正法作梵網直解
啟迪昏蒙嘉惠來學而天下僧徒

乃復知有戒法嗣皆大德名宿弘
規宗旨遍傳海內卓然可紀律宗
之盛照古騰今功莫大焉我見祖
紹席嗣興六時行業修持罔間率
衆御下身為之式四方衲子聞風
趨化千華法衆雲擁星羅乃作止
持作持以明律法之精微又為廣

置規條防非革弊至嚴至密以故
論叢林之威儀矩則寶華寶冠於
天下祖之誨人也惟恐弗及而人
之皈祖也惟恐後期然於衣法授
受之際若有所靳逮化緣既盡以
衣鉢戒本付我定祖而命之曰無
濫授非人謹守律制無徇於俗自

今衣法相承無別立字派、各從
其剃度示不忘本也我定祖會兩
祖之徽義復作關要一書垂諸法
席教演逾精嗣以是傳之松祖松
祖傳之閔祖閔祖傳我本師珍老
和尚我老和尚遞傳於聚於今七
代矣自唯德薄未足振紹前徽惟

蚤暮冰淵秉持戒法率衆清修以
期無忝先訓第念我諸祖相傳支
分派別各違法幢溯其本源實皆
我千華一脉嘗欲考其遺行錄其
道範繫之譜牒山乘以示永久適
際

世宗憲皇帝調元御世總持三寶崇興戒

律甲寅春

詔聚入都於大法源寺傳授三壇大戒
以造就天下釋子五閱月而戒期
始畢

陛辭還山正欲搜羅散失遍訪遺踪纂
成一帙用垂不朽而山寮客堂又
燬於火當事入告

特賜帑金鳩工庀材官董其成復

賜齋田以資僧衆人事未遑願莫之遂及

今上龍飛

特旨將昧祖之梵網直解見祖之止持

作持定祖之關要

命入大藏且

詔天下有司凡僧之不受具戒者不可

以爲僧

聖天子加意護持彌天塞地方外衲臣然
頂然身未足云報善見律言以律
師持律故佛法住世五千年惟躬
行實踐符合制教而擔荷斯任者
庶幾垂範將來陰翊

皇化聚矧忝嗣主祖山隕越滋懼是以

勤求宗本彙緝律源叅覈編刊匪
伊朝夕既開南山宗統之新面則
千華世系抑亦知有梗概焉其略
傳中止錄其行德搯履與夫異跡
竒勲以開來哲並俟後之纂修僧
史者或取諸於疆理攷徵未必無
小補於本宗百世云

昔

乾隆七年歲次壬戌佛成道日
賜紫傳戒京都大法源寺

千華第七世福聚題並書于
觀西丈室



千華法派說

吾佛出興一代時教若半若滿統攝薩婆若海
後五百應真於賓鉢羅窟推阿難多聞總持集
修多羅藏優波離持律明究集毘柰耶藏迦葉
波集阿毘達磨藏而諸尊者或先或後各闡化
源金剛薩埵於遮那前受瑜伽五部法謂秘密
章句無着天親杏叅慈氏相與造論發明唯識
宗旨龍勝得毘羅法要弘之謂中觀論燉煌法
順深入華嚴不思議境大宣玄旨謂法界觀薩

垂以瑜伽授龍猛猛授智智授金剛智唐開元
中智始來中國大建曼荼羅法事大智道氣大
慧一行及不空三藏咸師尊之是謂瑜伽微妙
秘密之宗唐貞觀三年三藏玄奘往西域諸國
會戒賢法師於那蘭陀寺受唯識宗旨歸授慈
恩窺基基乃網羅舊說廣制疏論是謂三乘法
相顯理之宗梁陳之間北齊惠同因讀中觀論
旨遙禮龍勝爲師開空假中止觀法門以法華
宗旨授惠思思授天台國師智顛顛授灌頂頂

授智威智威授惠威惠威授玄朗朗授湛然是
謂四教法性觀行之宗隋末杜順以華嚴法界
觀授智儼儼授賢首法藏至清涼大統國師澄
觀追宗其學著華嚴疏及演義鈔數百萬言圭
峯宗密繼之而其化廣被聖凡是謂一念圓融
具德之宗其並行於今者天臺慈恩賢首此世
之所謂教者也瑜伽息焰決疑經載世尊拈花
迦葉微笑遂以正法眼藏涅槃妙心實相無相
付囑摩訶迦葉是謂教外別傳之宗自迦葉二

十八傳至菩提達磨悲震旦之學佛者纏蔽於
竹帛間乃不立文字以心印心直指單傳期妙
悟者爲的骨兒孫達磨傳慧可可傳僧燦燦傳
道信信傳弘忍忍傳曹溪大鑒禪師慧能而其
法始大能二弟子懷讓行思皆深入其闢奧讓
傳道一一之學江西宗之其傳爲懷海海傳爲
希運運傳臨濟慧照大師義玄玄立三玄門策
厲學徒是爲臨濟宗海之次出潞山大圓禪師
靈佑佑傳仰山智通大師慧寂父唱子和微妙

玄機不可湊泊是爲滄仰宗思傳希遷遷之學
湖南宗之其傳爲道悟悟傳崇信信傳宣鑒鑒
傳義存存傳雲門匡宗大師文偃偃之氣宇如
王三句之設如青天震雷聞者掩耳是爲雲門
宗元沙師備偃之同門友也其傳爲桂琛琛傳
法眼大師文益益雖依華嚴六相唱明宗旨迥
然獨立不涉凡情是爲法眼宗遷之次出爲藥
山惟儼儼以寶鏡三昧五位三種滲漏傳曇晟
晟傳洞山悟本大師良价价傳曹山元證大師

本寂而復大振是爲曹洞宗今推原五宗真傳則法眼早入高麗瀉仰絕響雲門在宋尚存而曹洞則濟又擅焉至若正枝旁出皆莫可考此世之所謂禪者也夫禪教得果雖從佛轉法輪妙堪遺囑而苟非嚴淨毘尼何以弘範三界所以諸佛垂教莫不以戒定慧爲三無漏學是則行事防非止惡之宗本雖欲求其異而終不可得也金河顧命之後優波離尊者集毘尼藏言言皆佛口所宣雖法王子如文殊師利不敢措

贊一辭波離口誦聖言十過衆證無差然後宣
布爾時迦葉阿難和修邈多四尊者傳法莫不
皆具禪法律三藏邈多有五弟子皆得道果分
河飲水各宗其見遂將一毘尼藏爲五部焉自
此宗者殊難惟授禪宗及與經論也曹魏之初
尊者曇摩迦羅遙承曇無德爲宗主秉四分法
而來此土準用十僧綱維佛制北臺聰律師遠
秉迦羅而授雲中道覆覆律師授大覺惠光光
律師授高齊道雲雲律師授河北道洪洪律師

授弘福智首律師傳南山澄照惟宣律師在
齊爲僧護在梁爲僧祐乘法智悲再轉願輪上
承諸祖之大統依律建壇雖崇四分而實則
並行五部撰述戒疏羯磨疏及行事鈔等書木
义戒法大章明於震旦所以法礪懷素諸家雖
前後弘律而西天東土獨推南山爲律學正宗
也宋元以降斷續幾希神廟間古祖崛起至我
大清聖世昧祖繼起開法千華見祖集大成而中
興南山一脈盡在千華祥發體授定庵基祖基

授松隱義祖義授閔緣松祖松授我本師珍老
和尚我老和尚通傳於聚於今七代矣夫律得
佛之行教爲佛之語禪是佛之意蓋此三者世
謂三學然佛之一身旣分爲三則各家之若子
若孫而各有秉授各有傳持則各有源流各有
世系又信乎不可少矣果不可少而門庭各建
其枝分幹布派溢源深理自應爾無足怪者今
海內列刹如雲在在僧徒皆曰本出某宗某宗
但以字派爲嫡而未聞以心印觀法之傳亦可

慨矣余嘗考諸古者僧依師姓而命名故有支氏竺氏之分帛氏于氏之異至彌天安法師則以爲大師之本莫尊釋迦乃以釋命氏後驗經果懸符遂爲永式然而法派之稱無有也其起於中古之世乎按一徃世之所謂鶖頭祖師派賈菩薩派碧峯祖師派及雲棲等派各各遵行已久若臨濟所謂祖道戒定宗曹洞廣從妙普云云但不知來自何代立自何人及今海內之傳受者紛紛籍籍不及徧考詳辨一槩置而勿

論只就余千華尚未行派者蓋自律祖慧雲馨
老人派依攝山棲霞圓通寺素庵節法師下第
十如字所謂智慧清淨道德圓明真如性海寂
照普通云云至昧祖依瓜渚淨源大師下寂字
又去如三字慧祖未嘗立派昧祖於匡廬衍十
九字曰寂戒元常定云云至見祖派依亮如法
師卽鶩頭孚祖第九讀字所謂成佛弘道本興
儒廣讀書云云定祖因檢見祖日錄有香師開
示余同戒求和尚改法名以便常隨任事衆同

戒依言詣方丈競先禮拜求名惟余獨退於後
頂禮和尚跪白云某因披剃師指示方得離滇
南詢和尚乞受大戒若無披剃師則不能剃髮
出家亦不能受具爲僧懇求和尚大慈允聽仍
呼舊名令某不忘根本願終身常侍座前和尚
語云吾初受戒已諸上座亦勸求律祖更名思
律祖諱如字吾是寂字披剃師諱海字亦不敢
忘本改性字超於海字我弘戒三十餘年今見
汝存心與吾同不自欺也作善知識唯重行德

不在乎名許汝仍稱舊名云云所以定祖以下
凡四世俱未立派派各從其剃度也卽禪宗源
流派亦起自宋圓悟大慧二祖然未之前聞也
而見祖况值毘尼慧命絲懸之際何暇意於立
派究其分枝之說竊觀方今天下凡一剃度莫
不有派及問其所自茫然不知又兩浙或有無
派及剃度時隨立一字凡有志叅學者於秉戒
時請定派於得戒和尚徃徃如是他處又不得
知其所以然也

福聚

恭承先師遺命忝居法席

已閱廿有四載雖不能昌明續緒輝暎後先自
惟千華爲律學淵源若不準行字派一任各嗣
其嗣復子其子將來法流汎濫浩瀚無歸若隨
人紊立則變亂自生譬夫王綱失紀而僭者橫
出迷方者衆誰得而正之哉卽見祖若在今日
亦所當務之亟聚故不揣愚昧已有兩次會衆
修譜之舉及馳函力爲聯合本宗先後之次緝
爲譜系正名分以垂後裔然雖假名是亦因名
立教倘亦賴此以存僧徒上下之分無敢僭越

而不致於蔑倫犯義者尤足以保我子孫亦存
羊之意尚亦有利哉千華法系從慧雲如馨律
祖下出三昧寂光祖爲此山重興開千華律社
第一代原以如寂爲始福字下擬衍四十八字
乃爲千華法派偈曰

如寂讀德真常實福性圓明定慧昌海印發光
融戒月優曇現瑞續天香支岐萬派律源遠果
結千華宗本長法紹南山宏正脈燈傳心地永
聯芳

於乎飲泉水貴地脈特以假名說實相可使後
世宗嗣不失前人脈絡且亦待繼起者而不昧
佛祖垂教之意足以嗣宗風乎蓋由福聚溯洄
以上直至慧雲馨祖則昧祖以下諸祖在是矣
由馨律祖溯洄以上直至南山澄照宣祖則宣
祖以下諸祖在是矣由宣祖溯洄以上直至曇
無德曇摩迦羅祖則曇摩祖以下諸祖在是矣
由曇摩迦羅祖溯洄而上至西竺優波鞠多祖
則鞠多祖以下諸祖在是矣由鞠多祖溯洄而

上至優波離始祖波離祖以上至釋迦文佛則
西天東土凡傳律弘戒諸祖以下散而在外不
得記傳編入者俱在是矣提綱挈領攝本歸源
一無遺漏是故承之以如庶古祖之流不斷系
之以寂讀將千華之葉益蕃至若福字後之聯
芳起而作者其丕顯與丕承與夫在祖德之厚
積而流光自遠又不可以法派世系記焉故著
爲說以志之

告

乾隆九年歲在甲子秋八月朔旦

千華第七代律學苾蒞福聚謹述



南山宗統卷之一

清金陵寶華山傳律比丘福聚編輯

七佛

毘婆尸佛

尸棄佛

毘葉羅佛

拘留孫佛

拘那含牟尼佛

迦葉佛

釋迦牟尼佛

敘七佛

古佛應世綿歷無窮不可以周知而悉數也

世尊有云我以如來知見力故觀彼久遠猶
若今日故按佛名經紀過見二劫千如來暨
于釋迦但標七佛阿含經云七佛精進力放
光滅暗冥各各坐樹下於中成正覺又曼殊
室利爲七佛祖師金華善慧大士登松山頂
行道感七佛引前維摩接後今之撰述斷自
七佛而下

毘婆尸佛

過去莊嚴劫第九百九十八尊

亦云維衛此云勝觀

是過去九十一劫人壽八萬歲時出現於世

刹利王種姓拘樓父字槃裒刹利王也母字槃頭末陀王所治國名刹末提佛有子名方膺侍者名無憂有二大弟子一名騫茶二名提舍佛身長六十由旬圓光一百二十由旬坐波陀羅樹下成道三會說法初一會時度比丘有百十六萬八千二會時有十六萬第三會時有十萬比丘皆得阿羅漢道佛壽八萬歲百歲之中衆皆清淨恒以一偈而爲制戒頌曰忍辱第一道佛說無爲最出家惱他

人不名爲沙門

尸棄佛

莊嚴劫第九百九十九尊

亦云式棄此云火是過去

三十一劫人壽七萬歲時出現於世刹利王

種姓拘樓父字阿輪拏刹利王也母字波羅

訶越提王所治國名阿樓那和提佛有子名

無量侍者名忍行有二大弟子一名阿毘浮

二名三叅佛身長四十由旬圓光四十五由

旬通身一百由旬坐粉滌利樹下成道三會

說法初一會時度比丘有十六萬衆第二會

時有十四萬衆第三會時有十萬衆皆得阿
羅漢佛壽七萬歲八十年中衆皆清淨恒說
一偈而爲禁戒頌曰譬如明眼人能避嶮惡
道世有聰明人能遠離諸惡

毘葉羅佛

莊嚴劫第一千尊

亦云隨葉亦云毘舍浮此

云徧一切處是過去三十一劫人壽六萬歲
時出現於世刹利王種姓拘樓父字須波羅
提和刹利王也母字耶舍越提王所治國名
阿耨憂摩佛有子名妙覺侍者名寂滅有二

大弟子一名扶遊二名鬱多佛身長三十二
由旬圓光四十二由旬通身光六十二由旬
坐菩薩羅樹下成道亦三會說法初一會時
度十萬衆第二會時八萬衆第三會時七萬
衆皆阿羅漢佛壽七萬歲七十年中衆皆清
淨復以一偈而爲禁戒頌曰不謗亦不嫉當
奉行於戒飲食知止足常樂在空閑心定樂
精進是名諸佛教

拘留孫佛

見在賢劫
第一尊

此云所應斷又翻作用莊

嚴是此賢劫中第九箇小劫減時人壽六萬
歲出現於世婆羅門種姓迦攝父字阿枝達
兜母字隨舍迦國名輪訶喇提那王字須訶
提佛有子名上勝侍者名善覺有二大弟子
一名薩尼二名毘樓佛身長二十五由旬圓
光三十二由旬通身光五十由旬坐尸利沙
樹下成道二會說法初會之時度七萬衆第
二會時度六萬衆皆阿羅漢佛壽六萬歲於
六十年中衆皆清淨爾時以二偈以爲禁戒

頌曰譬如蜂採華不壞色與香但取其味去
比丘入聚然不違戾他事不觀作不作但自
觀身行若正若不正

拘那含牟尼佛

賢劫第二尊

此云金寂是此賢劫人

壽四萬歲時出現於世婆羅門種姓迦攝父
字耶睺鉢多母字鬱多羅國名差摩越提王
字差摩佛有子名導師侍者名安和有二大
弟子一名舒般那二名鬱多樓佛身長二十
五由旬圓光三十由旬通身光四十由旬坐

優頭跋羅樹下成道二會說法初會之時度
六十萬衆第二會時度三十萬衆皆阿羅漢
佛壽四萬歲三十年中衆皆清淨以一偈而
爲禁戒頌曰心莫作放逸聖法當勤學如是
無憂愁心定入涅槃

迦葉佛

賢劫第三尊

此云飲光是此賢劫人壽二萬

歲時出現於世婆羅門種姓迦葉父字阿枝
達耶母字檀那越提耶國名波羅私王名其
隋佛有子名進軍侍者名善友有二大弟子

一名提舍二名婆羅婆佛身長十六丈圓光
二十由旬坐尼拘律樹下成道亦二會說法
初會之時度四十萬衆第二會時度三十萬
衆皆阿羅漢佛壽二萬歲二十年中衆皆清
淨恒以一偈而爲禁戒頌曰一切惡莫作當
奉行諸善自淨其志意是則諸佛教

釋迦牟尼佛

賢劫第四尊

於此劫中人壽百歲時出

現於世利利王種姓瞿曇父字閱頭檀刹利
王也母字摩訶摩耶王所治國名迦羅維衛

佛子名羅睺羅侍者名阿難陀二大弟十一
名舍利弗二名目犍連佛身長一丈六尺圓
光一尋坐阿沛多羅樹下成道亦云畢鉢羅
樹一會說法千二百五十人皆阿羅漢佛壽
七十九歲十二年中衆皆無有瑕穢亦以一
偈而爲禁戒頌曰善護於口言自淨其志意
身莫作諸惡此三業道淨能得如是行是大
仙人道後爲有漏因緣發起隨制二百五十
戒法也如來弟子中有五百大阿羅漢各稱

第一而尊者優波離於持律中佛稱第一論云所以稱優波離持律第一者謂自從佛得戒已來未曾犯如毫釐故稱第一佛言乃爲將來比丘能設禁法使知輕重得濟危厄汝真持律以律付汝勿令漏失不可示以沙彌白衣復稱第一也世尊及化緣周畢仍遺教云汝諸比丘於我滅後當尊重珍敬波羅提木又如闇遇明貧人得寶當知此戒則是汝等大師若我住世無異此也普曜經云佛初

生剎利王家放大智光明照十方世界地湧
金蓮華自然捧雙足東西及南北各行於七
步分手指天地作師子吼聲上下及四維無
能尊我者卽周昭王二十四年甲寅歲四月
八日也至四十二年十九欲求出家而自念
言當復何遇卽於四門遊觀見四等事心有
悲喜而作思惟此老病死終可厭離於是夜
子時有一天人名曰淨居於窗牖中叉手白
言出家時至可去矣太子聞已心生歡喜卽

逾城而去於檀特山中修道始於阿藍迦藍處三年學不用處定知非便捨復至鬱頭藍弗處三年非非想定知非亦捨又至象頭山同諸外道日食麻麥經於六年故經云以無心意無受行而悉摧伏諸外道先歷試邪法示諸方便發諸異見令至菩提故普集經云菩薩於十二月八日明星出時成道號天人師時年三十矣卽穆王三年癸未歲也旣而於鹿野苑中爲憍陳如等五人轉四諦法輪

而證道果至二十一年辛丑佛始檢約徒衆
規制戒律說法住世四十九年後告弟子摩
訶迦葉吾以清淨法眼涅槃妙心實相無相
微妙正法將付於汝汝當護持并敕阿難副
貳傳化無令斷絕而說偈曰法本法無法無
法法亦法今付無法時法法何曾法爾時世
尊說此偈已復告迦葉吾將金縷僧伽梨衣
傳付於汝轉授補處至慈氏佛出世勿令朽
壞迦葉聞偈頭面禮足曰善哉善哉我當依

敕恭順佛故爾時世尊至拘尸那城告諸大
衆吾今背痛欲入涅槃卽往熙連河側娑羅
雙樹下右脇累足泊然宴寂復從棺起爲母
說法特示雙足化婆耆并說無常偈曰諸行
無常是生滅法生滅滅已寂滅爲樂時諸弟
子卽以吞薪競荼毘之燼後金棺如故爾時
大衆卽以佛前以偈讚曰凡俗諸猛熾何能
致火爇請尊三昧火闍維金色身爾時金棺
從座而舉高七多羅樹往返空中化火三昧

須臾灰生得舍利八斛四斗卽穆王五十三年壬申歲二月十五日也自世尊滅後一千一十七年教至中夏卽後漢永平十年戊辰歲戒律始於曹魏嘉平二年庚午歲也

西天六祖

優波離尊者

摩訶迦葉尊者

阿難尊者

旁出末田尊者不列

商那和修尊者

優波毘多尊者

律源

佛在世時唯優波離秉持第一爲軌範師首
傳迦葉三學總持西竺授受宗律相資遞傳
五代一無所遺邇多弟子分別支岐曇無德
部四分爲基法水東漸曇摩戒施大行佛制
十僧相宜聰師繼起九世綱維弘傳律法南
山道丕文綱相紹慧命懸絲宋代元末斷續
幾希復興明代道孚律司萬壽戒臺天下共
知戒雷少震律祖興慈千華振起悲運二持
父父祖祖大闡毘尼律學之盛莫過于斯源

流稽考傳廿餘奇法門大任莫不追思燈分
繼祖燄續蕃枝正法久住攝化威儀聊序統
系是其箴規

優波離尊者佛爲太子時尊者爲親近執事之
臣也因翻云近執或云優波釐又云鄔波離
此翻化生亦翻上首以其持律爲衆紀綱故
名優波離律云諸苾芻白佛此鄔波離作何
福業證阿羅漢持律第一佛言其鄔波離斯
有因緣汝等善聽我今爲說乃往過昔於賢

劫中人壽二萬歲時有佛出世號曰迦攝波
如來十號具足時佛有一弟子是阿羅漢持
律爲最鄔波離爲彼弟子終身梵行不獲果
利臨終之時而發誓願我所持福業善根願
我當來釋迦牟尼如來出現世時與彼世尊
作持律弟子如我鄔波馱耶無異其弟子者
卽鄔波離是爲先發願故今獲斯果尊者於
圓通會上卽從座起頂禮佛足而白佛言我
親隨佛踰城出家親觀如來六年勤苦親見

如來降伏諸魔制諸外道解脫世間貪欲諸
漏承佛教誡如是乃至三千威儀八萬微細
性業遮業悉皆清淨身心寂滅成阿羅漢我
是如來衆中綱紀親印我心持戒修身衆推
爲上佛問圓通我以執身身得自在次第執
心心心得通達然後身心一切通利斯爲第一
西域記云王舍城迦蘭陀竹園西南行五六
里南山之陰大竹林中有大石室是尊者摩
訶迦葉波於此與諸大阿羅漢結集三藏前

有故基未生怨王爲集法藏諸大阿羅漢建
此堂宇阿難聞持如來稱讚集素咀纜藏優
波離持律明究衆所知識集毘柰耶藏迦葉
波集阿毘達磨藏雨三月盡集佛三藏訖律
云三藏者一毘尼藏二修多羅藏三阿毘曇
藏取要言之律經論三藏也按餘諸部多云
先集經藏今本律與五分皆言先集律藏如
善見律云大德迦葉問諸長老曰爲初說法
藏毘尼藏耶諸比丘荅曰大德毘尼藏者是

佛法壽毘尼藏住佛法亦住是故我等先出
毘尼藏據此則先集律藏今以文便故譯者
宣次在後又以三學言之律亦授在初也通
載尊者波離結集律藏訖欲涅槃時付弟子
陀寫俱乃至僧伽跋陀云云者此又西竺旁
承之說茲不纂列

摩訶迦葉尊者摩竭陀國人姓婆羅門摩訶梵
語此云大迦葉波云飲光名也父飲澤母香
志師生而金色因昔爲鍛金師善明金性過

去有佛名毘婆尸入滅起塔塔中像壞時有
貧女將金珠往金師所換金飾像因捨之二
人發願爲無姻夫婦由是因緣感九十一劫
身皆金色久在天上後生摩竭陀國身色金
明故號爲飲光見佛志求出家佛言善來比
丘鬚髮自除袈裟着體常於衆中稱歎第一
習頭陀行是稱金色頭陀西域記云迦葉波
者聲聞弟子也得六神通具八解脫如來化
緣斯畢垂將涅槃告迦葉波曰我於曠劫勤

修苦行爲諸衆生求無上法昔所願期今已
果滿我今將欲入大涅槃以諸法藏囑累於
汝住持宣布勿有失墜姨母所獻金縷袈裟
慈氏成佛留以傳付我遺法中諸修行者苾
芻苾芻尼鄔波索迦鄔波斯迦皆先濟度令
離流轉迦葉承旨三番結集任持正法涅槃
經云爾時迦葉告諸比丘佛已荼毘金剛舍
利非我等事我等宜當結集法眼無令斷絕
於是如來弟子得神通者悉集王舍耆闍崛

山賓鉢羅窟後阿難比丘亦證阿羅漢果多
聞總持自大智慧梵行清淨佛所讚歎聰敏
第一夙生世世從事諸佛受持法藏故今從
佛出家爲侍者佛所說法一字不遺故佛滅
後結集法藏皆從口宣迦葉問諸大衆阿難
所言不錯謬乎皆曰不異世尊所說迦葉乃
告阿難我今年不久留今將正法眼藏付囑
於汝汝善護持聽我偈言法法本來法無法
無非法何於一法中有法有不法說偈已迦

葉乃持僧伽黎入雞足山入定候慈氏下生
是爲禪宗初祖

阿難尊者王舍城人姓剎利帝父斛飯王實佛
之從弟也梵語阿難陀此云慶喜亦云歡喜
如來成道夜生因之爲名多聞博達智慧無
礙世尊以爲總持第一加以夙世有大功德
受持法藏如水傳器無有遺餘佛故命爲侍
者及欲趣滅度乃以法付其弟子一名商那
和修二名末田底迦而說偈曰本來付有法

付了言無法各各須自悟悟了無無法傳法
眼藏竟入風奮迅三昧

商那和修尊者摩突羅國人也姓毘舍多父林
勝母憍奢在胎六年而生梵語商諾迦此云
自然服卽西域九節秀草名也若聖人降生
則此草生於淨潔之地尊者生時瑞草斯應
出家爲阿難之徒預受佛記居優留荼伽藍
先伏其地二火龍然後領衆處之將入涅槃
以法付弟子優波鞠多偈曰非法亦非心無

心亦無法說是心法時是法非心法說偈已
卽隱於罽賓國南象白山中

優波鞠多尊者亦名優波崛多又名鄔波鞠多
此翻近護吒利國人也姓首陀父善意十七
出家二十證果受商祖心印隨方行化至摩
突羅國得度者甚衆由是魔宮震動波旬愁
怖遂竭其魔力以害正法尊者卽入三昧觀
其所由波旬復伺便密持瓔絡縻之於頸及
尊者出定乃取人狗蛇三屍化爲華鬘輒言

慰喻波旬曰汝與我嬰珞甚是珍妙吾有華
鬢以相酬奉波旬大喜引頸受之卽變爲三
種臭屍蟲蛆壞爛波旬厭惡大生憂惱盡已
神力不能移動乃升六欲天告諸天主又詣
梵王求其解免彼各告言十力弟子所作神
變我輩凡陋何能去之波旬曰然則奈何梵
王曰汝可歸心尊者卽能除斷乃爲說偈令
其回向曰若因地倒還因地起離地求起終
無其理波旬受教已卽下天宮禮尊者足哀

露懺悔尊者告曰汝自今去於如來正法更
不作燒害否波旬曰我誓回向佛道永斷不
善尊者曰若然者汝可口自唱言皈依三寶
魔王合掌三唱華鬘悉除乃歡喜踊躍作禮
尊者而說偈曰稽首三昧尊十力聖弟子我
今願回向勿令有劣弱尊者在世化導證果
最多佛昔記云我涅槃後優波邈多無相佛
大作佛事我後教化弟子此最第一於是隨
方行化每度一人以一籌置於石室其室高

二十餘尺廣三十餘尺四寸細籌所記人數
充滿其中最後有一長者子名曰香衆來禮
尊者志求出家尊者問曰汝身出家心出家
荅曰我來出家非爲身心尊者曰不爲身心
復誰出家荅曰夫出家者無我我故無我我
故卽心不生滅心不生滅卽是常道諸佛亦
常心無形相其體亦然尊者曰汝當大悟心
自通達宜依佛法僧紹隆聖種卽爲剃髮授
具足戒仍告之曰汝父常夢金日而生汝可

名提多迦乃以法付之偈曰心自本來心本
心非有法有法有本心非心非本法而爲禪
宗五祖邈多尊者時有五弟子各宗一見分
如來一大律藏爲五部焉一曇無德法名四
分二薩婆多三迦葉遺四彌沙塞五婆蹉富
羅然斯部類雖殊佛親預記是故五天諸國
隨宗一律皆獲道果尊者傳正法已乃踊身
虛空呈十八變却復本座跏趺而逝弟子以
室內籌用焚其軀收舍利建塔供養

宗統

卷一

十七



南山宗統卷之二

清金陵寶華山傳律比丘福聚編輯

東土二十一祖

曇無德尊者

曇摩迦羅尊者

北臺法聰律師

雲中道覆律師

大覺惠光律師

高齊道雲律師

河北道洪律師

弘福智首律師

南山澄照宣律師

崇聖文綱律師

崇福滿意律師

長安大亮律師

會稽曇一律師

開元辯秀律師

章信道澄律師

相國澄楚律師

真悟允堪律師

靈芝元照律師

普慶光教聞律師

戒臺萬壽孚律師

天隆慧雲馨律師

宗本

律藏源流秉承金口仰稽娑羅唱寂波離嗣
宣誦如來言詞滿八十因號八十誦律後雖
支部流派生起不同皆會歸八十誦律而爲

鼻祖是以摩訶迦葉與五百應真結集三藏
唯一毘尼藏師資授受而無增減初則飲光
頂受次則阿難荷持難授商那和修與末田
底迦修授毘多尊者此之五師體權通道遞
相傳持一百一十餘載授受不異多有五弟
子皆得道果各執所見遂分一毘尼藏爲五
部焉第一曇無德部而爲宗主法名四分後
曇摩迦羅遙承其宗北臺法聰律師遠稟迦
羅而授雲中道覆覆律師授大覺惠光光律

師授高齊道雲雲律師授河北道洪洪律師
授弘福智首首律師授南山道宣唯宣律師
懸受佛記大弘律教祖曇摩而本四分廣集
五部異同而製事鈔爲毘尼之大成作佛法
之司南其所說行咸依律制盛述條章深明
持犯自唐迄今律學咸紹其宗故世系授受
爲南山宗也

曇無德尊者天竺國人也此云法正或云曇摩
毘多此翻法鏡又翻法藏亦云法密尊者采

菽氏之裔體毘履之支通達理味含藏正法
大集經云我涅槃後我諸弟子受持十二部
經書寫讀誦顛倒宣說故隱覆法藏言隱覆
者卽密義也法名四分乃魏多祖之弟子述
義云蓋佛滅度後百年之中西土傳法者皆
具禪法律三藏因尊者鄔波魏多弟子五人
各宗其見開張毘尼分爲五部宗者殊難自
後傳法惟授禪宗及與經論也從是以後律
燈漸晦慧命懸絲至盛唐宣祖撰行事鈔建

南山宗遙依四分宗主爲始祖

曇摩迦羅尊者此云法時乃中天竺沙門善誦
諸部毘尼秉承四分妙善律宗齊尚統傳云
漢明初感摩騰法蘭惟有二人初來至此不
得受具但與道俗剃除鬚髮被服緞條惟受
五戒十戒而已伏惟如來出世八年始興羯
磨震旦在白木調東二萬七千餘里開持律
五人得受大戒自後至漢第十桓帝一百餘
年內猶三歸五戒十戒迭相傳授桓帝已後

北天竺國有五西國僧支法領等來至漢地
始于長安與人受具足戒其時大律未有支
法領口誦出戒本一卷羯磨一卷流行此土
今時名舊羯磨是後至曹魏嘉平二年曇摩
迦羅尊者至洛陽又譯出戒律而以戒心爲
日用立羯磨受法準用十僧於是佛制大行
震旦爲中夏授受戒律之始也至姚秦義學
及耶舍佛念譯四分十誦等自此律儀大備
法聰律師南陽人也元魏時世稱律匠稽傳載

元魏以前諸受戒者用四分羯磨納戒及乎
行事則依諸律爲隨何異乎執左氏經本專
循公羊之傳文也至魏孝文世師于北臺山
始手披口釋覆公隨聽抄記遂成義疏權輿
旣爾肯構繁乎天輪而只候中星大鼎而唯
提附耳師本學僧祇因考受體則首傳四分
遠承法時三藏

釋雲中道覆者聰師之弟子也後秦有耶舍梵
僧於逍遙園傳誦四分共羅什法師翻譯至

元魏北臺始爲演說師親承授最初於聰師
講下纂成疏科六卷以釋四分

大覺寺釋惠光姓楊氏定州長盧人也年十三
隨父入洛四月八日往佛陀禪師所從受三
歸陀異其眼光外射如談深惟必有奇操也
苦邀留之且令誦經光執卷覽文曾若昔習
旁通博義窮諸幽理兼以劇談譎詭態出新
奇變動物情時談逸口至於夏末隨度而出
家所習經誥便爲人說辭旣清靡理亦高華

時人號之聖沙彌也然其雅量弘方不拘小節讚毀得失聲色不渝衆益器之而美其遠度陀曰此沙彌非常人也若受大戒宜先聽律律是慧基非智不奉若初依經論必輕戒網邪見滅法障道之源由是因循多授律檢先是四分未廣宣通有道覆律師創開此部製疏六卷但是科文至於提舉宏宗無聞於世故光之所學惟據口傳及年登冠肇學行畧周常聞言不通華登戒便阻乃往本鄉進

受具足博聽律部隨文奉行四夏將登講僧
祇律初以唱高和寡詞理精玄漸染津流未
遂聽徒雲合光知學功之所致也

高齊道雲律師早依師稟奉光遺令專弘律部
造疏九卷爲衆所先成匠極多流行彌遠加
以威容嚴肅動止有儀談吐慈和言行相檢
後又道暉者連衡雲席情智傲岸不守方隅
畧雲所製以爲七卷聞以意會韃度推焉故
諺云雲公頭暉公尾洪理中間著所以是也

光諸學士翹楚如林衆所推仰者十人師其一也

河北道洪律師從習羣經唯以律學名著師據相州紹道雲亂容止沉正宣解有儀學門七百亟程弘量故諸經論之士將欲導世者皆停洪講席觀其風畧採爲軌躅所著律鈔時共同祕而成授於世焉

京師弘福寺釋智首姓皇甫氏其源卽安定玄宴先生之後也首二十有二方稟大戒雖從

師授而得不未知乃於古佛塔前請祈顯證
蒙降佛摩頂身心安泰方知感戒有實自爾
旦夕諮訪挺出恒標雖教所未聞而行儀先
備及尋律部多會其文明若夙知首素奉僧
祇後從洪授學撰疏二十卷夫持律之賓日
填堂宇

南山澄照律師諱道宣京兆人姓錢氏吏部尚
書申之子母夢月輪貫懷而孕生時母夢梵
僧語之曰所孕者梁僧祐律師也處胎彌十

二月而生九歲徧覽羣書十二善習文墨十五師日嚴顓公十六誦法華兩旬而徹十七落髮二十依首師進具戒三衣惟布常坐一食唐武德四年再依首師學律性好禪那期修正定顓曰戒淨定明慧方有據始聽未聞持犯焉識七年徙居終南紵麻蘭若宗承首法始製行事鈔建南山宗正觀四年行般舟三昧於清宮精舍經九十日龍化人形禮覲聽法沙彌染心顓盼其女龍怒欲害之念師

教誠頓息惡心攝毒吐井白師勿飲此水及
往視之其井涌沸又於雲際寺行此三昧前
後二十一會常感天童爲之給侍行道心勞
疾作忽毘沙門天王授於補心之方卽今之
補心丹也師以戒壇而未合律躬自負土準
律新之師行道中夜臨砌礮仆有少年介冑
擁衛之師問汝爲誰神曰弟子博叉天王子
張瓊也以師戒德故給侍耳師問以世尊在
世及滅度之事瓊一一言之計三千八百事

隨問隨錄爲感通傳神又以所寶佛牙授之
宣保錄供養十九年偕樊公翻經弘福筆受
潤文推爲上首永徽元年復居紵麻乾封二
年春天人告師曰師報緣將盡當生彌勒內
宮十月三十日衆見空中旛花交列異香天
樂同聲請師歸彌勒上聞之詔天下寺院圖
形奉祀穆宗製讚曰代有覺人爲如來使龍
鬼歸降天人奉侍聲飛五天辭驚萬里金烏
西沉佛日東舉稽首歸依肇律宗主懿宗朝

諡澄照律師師之春秋七十二僧臘五十二
德號法辯大師塔名淨光由其始終隱居終
南故世人皆稱南山聖師也宣從登戒壇及
當泥洹間受法傳弟子可千百人其親度曰
大慈律師授法者文綱等其天人付授佛牙
密令文綱掌護又傳云宣律師嘗築一壇俄
有長眉僧談道知者其實賓頭盧也復三果
梵僧禮壇讚曰自佛滅後像法住世興發毘
尼唯師一人也宣之持律聲振竺乾宣之編

修美流天下是故無畏三藏到東夏朝謁帝
間自遠而來得無勞乎欲於何休息三藏奏
曰在天竺時聞西明寺宣律師秉持第一願
往依止焉敕允之師撰有內典錄感通錄釋
迦譜四分羯磨戒本律疏續高僧傳廣弘明
集等書八十一卷並行於世是爲南山律宗
第九祖匡廬憨山師贊曰如來設教三學爲
師定慧所發以戒爲基大法東流此教未光
南山杰出一振其綱

京師崇聖寺文綱律師姓孔氏會稽人也綱誕育之日白鶴翔集若臨視焉比襁褓中午後不受乳哺猶堅持齋者童齷隨師訪道十二出家冠年受具精慮苦行專念息心藜羹糗糧麻衣草薦操有彝檢口無溢言尋詣京兆沙門道成律師稟毘尼藏二十五講律三十登壇中宗孝和皇帝延入內道場行道送真身舍利往無憂王寺入塔其年於乾陵宮爲內尼受戒復於宮中坐夏爲二聖內尼講四

分律一遍中宗嘉尚爲度弟子賜什物綵帛
三十匹因奏道場靈感之事六月七日御札
題榜爲靈感寺者也以開元十五年八月十
五日怡然長往時春秋九十有二其年九月
四日塔於寺側傳律上足咸乃法字棟梁智
河舟楫並唱南山祖道焉

崇福滿意律師風神峭拔識量寬和經論旁通
專於律學師初從文公法席已臻壹奧武德
未所遇鄴都法礪律師作疏解曇無德律遂

往摳衣復明授受如是講導三十許年乃傳
付大亮律師亮方授越州曇一盛化之間出
龍象之資無過意之門也矣

長安大亮律師幼而明敏學通經肆乃後遊詣
上京探蹟律範棲依崇福得升意公堂奧由
是道尊戒潔聲振京師後居觀音寺大爲唱
導紀綱人天師表至開元五年印可毘尼藏
於曇一上首弘播戒宗前後講四分律三十
五遍刪補鈔二十餘帙師資表率何莫由斯

會稽開元曇一律師姓張氏蓋韓人也曾祖隋
太常恒始家于越梁肅製其碑銘曰越水漫
漫崇山回合大師化滅式建靈塔緬慕上士
誕修淨法有威有儀不窪不雜德溥化洽雲
從海納勒石垂後千萬億劫遷化時大曆六
年十一月十七日也

蘇州開元寺律師辯秀姓劉氏漢楚王交三十
一代孫也秀幼孤諸父哀字禮如教立孝自
天生而宿植緣深心田欲稔因請伯氏出家

長行哀而捨旃事靈隱謀禪師便能問津圖
入道之意所聞指訓如涼風入懷醒然清悟
天寶四年受戒於東海鑒真大師傳律於會
稽曇一至德中舉高行隸名於吳郡開元寺
乾元中下詔天下二十五寺各定大德七人
長講戒律秀應其數也

京師章信寺道澄律師姓梁氏京兆人也生而
奇表輒惡葷餼出家如歸無所顧戀忽遇禪
僧摩頂與立名曰道澄餅錫常隨冥合律範

號律沙彌也受具之後習聽南山律於諸學處微其玷缺然性都率畧住寺不恒或奉恩莊嚴草堂等寺所到便居護生爲切建中二年坐夏於雲陽山有虎哮吼入其門澄徐語之其虎搖尾禰耳而退徙居章信寺或問其故澄曰出家者可滯一方乎西域三時分房俾無貪着觀門易立也

東京相國澄楚律師俗姓宗氏母妊楚之時畏羶臊之臭及乎誕生之夕光爛充室鄰落成

驚泊當七歲親黨攜之入寺見佛像輒嗟歎
而作禮歸家問父曰唯佛獨爾餘者如何父
曰蠢動皆佛何況人乎楚曰兒願學佛聊報
二親劬勞其父默而許旃至十歲於相國寺
禮智明爲師未幾有童子聚戲而招誘之楚
曰汝何愚騃好嬉戲耶且雪山善財亦童子
還如是否旁有聞者奇之曰子異日成法門
偉器必矣受具已來習新章律師獨能輒入
毘柰耶窟穴然其擊難酬答露牙伸爪時號

律虎焉王宮大人請益者日且衆矣晉高祖
聞而欽仰召入內道場賜紫袈裟尋署大師
號真法焉自此皇宮妃主有求出家者楚師
落髮度戒表裏水霜命爲新章律宗主焉始
未臨壇度僧尼八千餘人

系曰楚師明律時號宗主者何通曰律有三
宗礪素宣是歟宗各有主故云也觀夫是名
也豈無稽古乎通曰宗主二字出阿含經也
論曰原夫人有人法禁戒威儀是也天人有

天法光潔靜慮是也我佛利見據於大千化境斯寬法門必衆舉其會要不過戒也定也慧也此三爲路出其生死之鄉專一爲門通其涅槃之域若乃資乎急用在乎毘尼毘尼防閒三業三業皆淨六塵自祛聖賢踐修何莫由斯道也

昭慶允堪律師錢塘人也幼從天台崇教慧公祝髮學無不通專精律部續南山宗感韋天示現地湧戒壇於杭之昭慶寺自慶曆皇祐

以來復依律建壇于蘇于秀之開元精嚴等
刹弘戒度僧祝延聖壽晚居西湖菩提寺撰
會正記釋南山之鈔其後有元照律師繼其
嗣仁宗嘉祐六年十一月二十六日入寂於
昭慶建塔於菩提謚號真悟大師

錢塘靈芝寺律師元照字湛然餘杭唐氏子少
依祥符東藏惠鑑師學毘尼及見神悟謙公
講天台教觀博究羣宗以律爲本又從廣慈
授菩薩戒戒光發現頓漸律儀罔不兼備後

嗣法堪師南山一宗蔚然大振矣常披布伽
黎杖錫持盂乞食於市又傳云靈芝律師重
造明州五臺戒壇成有一老人神氣超邁眉
鬚皓白進而啟曰弟子有三珠奉獻以爲壇
成之賀言訖忽然不見因置其珠於壇心屢
現光相其後有壇主會十師大開戒法越二
日夜分有一僧登壇忽覩珠光外徹內現善
財童子僧乃驚呼衆起視之悉皆環禮自是
每夜益伸虔懇而珠之所現或金色佛或六

背觀音或紫竹碧柳或奇木怪石或迦陵頻
伽飛舞左右或月蓋或神龍獻珠神變非一
見者聞者皆謂希有師主靈芝三千年衆至
五百每日生弘律範死歸安養平生所得唯
二法門政和六年丙申九月一日集衆諷行
願品趺坐而化葬寺之西北諡大智律師塔
曰戒光常謂徒曰化當世無如講說垂將來
莫若著書乃述資持記濟緣記行宗記住法
記報恩記觀無量壽佛經彌陀經二義疏定

尼戒本凡百餘卷行於世

京城大普慶寺實相圓明光教律師諱法聞嚴氏陝西人遂尋以西安王命居城南之義善寺邠岐涇渭四序講筵不絕從而學者蓋千數焉天子聞之徵至闕庭詔居太原教寺賜遼世金書戒本求戒者皆從公而師受焉王公大臣皆仰止高風猶景星鳳皇之瑞於明時也

燕都西山戒臺寺萬壽律師諱道孚字知幻江

南江浦蔣氏子於金陵靈谷寺薙髮受具後發足叅方誓曰此行不踏曹溪路永不回頭見故鄉之言後果如其語遂北遊時正統年睿帝崇重三寶奉詔賜紫勅建戒臺每歲於四月一日起至初十日大開戒壇說戒睿帝大悅曰僧衆甚多龍蛇難辨勅建染淨二門於此山以驗涇渭其篤信者則受淨戒其不信者則觸染法但衆生愚迷偏着染法者多師奏毀之自是師頂顛凸出御稱鳳頭祖師

師自改曰亦鶩頭耳故俗呼鶩頭祖師曾詔
師大內奏對佛法帝以凡情試師不動聲色
帝聞戒德操守愈加敬重故賜號爲萬壽祖
師焉春秋八十五法臘五十五示寂後建塔
於本山

金陵天隆寺律師法諱如馨字古心族姓楊氏
江寧之溧水人也馨師居家時篤信三寶至
不惑年遂有厭俗出塵之志就于本省攝山
棲霞寺禮素庵法師薙髮爲僧時素師講演

法華至寶塔品見空中現寶塔一座緇素仰
瞻共稱希有以爲應師之奇瑞也素師有高
第十人一時皆稱法門龍象而馨師居第七
焉亦依本師受沙彌戒旣墮求寂次馨師欲
近圓本師曰若得清淨十僧方可得戒如不
滿數及不清淨難以授受是以叩諸宗匠輒
究戒緣因閱華嚴經至菩薩住處品知文殊
大士常住清涼師卽矢志步禮五臺誓求見
文殊授戒隨炷香鳴佛辭諸法侶躬行禮拜

三遭寒暑方眺寶峰如是漸至於彼晝夜殷
勤懇求至切一日景值餘暉客途闕寂忽見
一婆子形枯髮白冠敝衣鶉手捧僧伽黎自
林而出適前問曰汝求何事馨曰欲求文殊
菩薩親授大戒婆曰持衣來否曰未婆曰此
衣與汝師手接衣婆去將數武頃復標指曰
大德那不是文殊麼馨一回顧隨不見婆子
菩薩卽于雲中垂手摩師頂曰古心比丘文
殊爲汝授戒竟師於言下頓悟五篇三聚心

地法門視大小乘律恍自胷中流出心甚歡
喜無可爲喻由是馨律師得戒於文殊菩薩
也自此從北還南中興戒法專持梵律皎若
冰霜至萬曆間有金陵幽棲寺洪恩法師字
雪浪奉旨督修金陵長干瑠璃寶塔諸務嚴
整唯塔尖艱舉蜀僧巨川求師覓匠倍工益
力猶莫之能大師深以爲慮惟日夜翹勤冀
佛慈應一夕夢感神諭云優波離尊者預斯
始克汝願旣明馨果露頂跣足杖錫持鉢徧

袒而入大師一見乃悟夙緣卽召衆摠迎傾
誠請助罄師攝衆禮佛遶塔已才就前手附
其頂卽昇翔翔然若鳥奔巢無難轉合時海
會見聞莫不忻躍大師遂偕諸檀信案香致
謝乃以夢中警示對衆宣明一衆始知古和
尚卽優波離尊者再來而諸護法紳衿與名
藍尊宿遂請開戒振古香林次靈谷棲霞甘
露靈隱天寧等處法會雲興誠所謂戒月高
懸法雷遠震於是廷臣野叟罔不知有戒也

自元末明興以來律學荒蕪自此南山之道
得復振矣神宗帝響師名稱延至五臺賜紫
開皇壇說戒陞座之次五色瑞雲結蓋盤空
亭午方散上聞錫額萬壽戒壇勅繪壇儀賜
號慧雲律師由是南北緇素登壇稟戒歸依
者田衣初地不可稱計并賜千佛珠衣鉢盂
錫杖等而隆眷甚渥三壇已畢表請歸林敦
留不已乃以法服建塔山陽以誌聖蹟用垂
不朽師旣知涅槃時至召衆於方丈囑累上

首臻寂于萬曆四十三年乙卯十一月十四日也世壽七十有五法臘二十又七染道三十四年弘戒二十二載坐南北道場三十餘會弟子數萬人多以不得一瞻禮爲終身憾者得法弟子有光理諸公等建全身塔於天隆之玉環山上聞遷化復遺詔愍忠請祖像于大內供奉御筆題贊永垂瞻仰贊曰瞻其貌知其人入三昧絕六塵昔波離今古心蓋宋代元末律宗戒學相繼不恒其白四進具

三聚妙圓乃肇行於祖是以明季及我
大清聖世鼎新已來海內弘紹之英凡服田衣
而知戒者莫不尊親爲中興律祖云

南山宗統卷之三

繼主千華第七世傳律比丘福聚編輯

傳南山宗

金陵天隆寺慧雲馨律祖法嗣

極樂蓮宗相律師 愍忠大會海律師

吉祥中堂正律師 鄧尉藏律師 兼宗臨濟

寶華三昧光律師 湧泉澄芳清律師

報國茂林祇律師 福田金剛福律師

三義蘊空罄律師 香水大圓曇律師

古林隱微理律師

中興律祖下

見傳六

金陵極樂寺蓮宗律師諱性相族姓高氏江寧人也相未出塵時採薪於江渚每宿蘆林有蚊蚋啞其軀土木自得固已忘身雖未入道跡已具忍力內捨之行也遂厭樊籠就於本省攝山棲霞寺禮素庵法師薙染爲僧次稟具足戒於慧雲律師所謂法兄法弟而又尊戒爲親教師焉旣叅僧數謹遵明訓是故以

律嚴身自師師人慧律師遷化後相焚修塔
院禮誦華嚴寒暑不輟以爲常課由是道隆
德備衆所推尊是以四方緇素一時雲集歸
依者請相臨壇說戒爲正員已歷幾登受化
者不可稱數此誠師師相授化化不絕者也
化緣旣畢示寂本寺世壽僧臘未詳遂建塏
於玉環山之右

燕都愍忠寺大會律師諱永海潤州丹徒人也
海不戀世緣惟懷出塵之志於本郡平等寺

剃髮披緇次受具足於慧雲律師既納戒已
專攻律學唯務本宗律範精研道俗洽聞咸
加敬焉海從五臺赴京夢感太后云鳥窠禪
師從五臺山來也次日命內臣相迎果如夢
中語遂請至愍忠上聞賜紫斯乃萬曆年間
神宗帝在位之時是以南北英賢稟戒皈依
者莫不仰止高風猶景星鳳皇之瑞於明時
也由是闡化燕都遂化緣旣畢後建塔於本
寺其世壽僧臘未詳所著五百問戒經釋盛

行於世焉

金陵寶華山隆昌寺律師諱寂光字三昧族姓
錢氏廣陵瓜渚人也母感異夢而生年廿一
禮淨源禪師出家初從雪浪法師習賢首教
觀嗣徧叅紫栢雲棲諸名宿具戒於慧雲大
和尚時中興戒壇嘉師行解軼倫因付囑以
弘律副座宣戒尋閉關小天台歷衡岳登廬
阜江州衆信請住東林池內白蓮不種自開
符遠公再來之識又於下塔龕中得晉太尉

陶侃所奉文殊金像慈大師目覩因刻石記
之移錫衡山雉潭潭龍現形稟戒晉藩迎至
清涼建龍華大會弘開戒法后妃遣使供紫
伽黎回駐維揚興石埭寺掘地得舍利小金
塔及斷碣有坡公石埭得三昧之語符合夙
記次傳戒於金陵大報恩寺浮屠放光者廿
餘夜都人請興寶華山山爲寶公道場前此
妙峰師供銅殿其巔師至開千華大社學侶
雲集殿宇聿新崇禎癸未年秋詔師主修報

恩大殿弘光改元金陵請師懺薦崇禎帝隨
蒙賜紫衣白金勅文武迎請於寺傳戒稱國
師焉後應會稽嘉禾期畢還山爲乙酉六月
朔命侍者進曆期初四日午別衆衆驚訝師
曰吾忝大明律師說法利生以答四恩垂四
十載吾願畢矣久近常隨弟子輩有無學幻
四弘願支浮岳見空慧純然鎧獨行能香雪
潤一如真若相空熏六燈願雲顯幻住受煦
杲照友蒼庭俞俞珠徧雲闔松影省孫達照

明慧牧制等惟念授受任重取紫衣戒本付
教授見月體命主華山總持三聚有疑其無
疾難遽遷脫者師謂生平得力持毘舍浮佛
半偈隨於光明金剛戒力入體性虛空三昧
屈午命具香湯自浴更衣曰體乾卽行誠衆
念佛趺坐端坐含笑而逝師道相清粹丰骨
凜然慈悲接物孜孜不倦深慨末法輕視毘
尼乃韜晦宗乘專弘戒律足跡海內傳戒百
有餘壇建刹十許處今戒嗣徧於天下所至

奇勳如江神求戒異類得度諸不勝書讀徹
日余觀牛頭諸祖道盛一時於生死之際感
驗昭著有生而百鳥銜花虎狼給侍有滅而
鳥獸哀鳴逾月乃止者難以指僂至是師所
感皆不思議事出於造化之表自非神德妙
行蔽天地而不恥關百聖而不慚者曷以臻
此也願雲顯敘師行跡云其開法廬阜則白
蓮現瑞符遠公之再來建刹廣陵則舍利流
輝應三昧之懸識慧祖以波離示現開戒日

之光老人繼起闡揚大前人之燄法道播於
中原杖錫半於海內毘尼一燈至此大振允
南山以後一人知言哉又莫若子矣卽奇聞
異蹟恐驚視聽以蹈怪誕畧而不書然口碑
家諭又何疑焉師世壽六十有六坐四十一
夏塏全身于華山千華社之龍山諡淨智律
師塔曰光明金剛所著梵網直解十六觀經
懺法盛行於世

太原五臺山永明寺澄芳律師諱遠清新安人也清厭俗歸真遍叅名宿遊歷講肆習賢首宗遂精通教觀從北來南至越邦時值金陵慧雲律師說戒於武林之靈隱寺慧律師忽於夜夢有人語云明日有文殊菩薩化身來乞戒律師方便爲彼授之次日清率衆趨壇執弟子禮慧律師問曰汝何所來清曰從北五臺來復問曰何往清答曰弟子向雖弘法

尚未近圓是以久仰和尚道風令欲歸依之
慧律師曰不日進戒汝來隨衆受之清辭退
而去屆日清微疾不至慧律師只說彼虛言
復憶夢中之語方便攝授遂遣人探問清果
有微恙是以慧律師不憝慈悲統衆就彼一
時三壇方便授受清旣得戒已如獲至寶卽
還五臺遂精研律部善達開遮清猶憶古有
戒壇自明統已來戒壇封錮清欲興此舉何
由得便幸值內宦與清契闊言及於此清尤

善文筆畧書開建戒壇梗築是以內宦奏疏
帝闕帝覽本大悅斯乃神宗在位萬曆年間
奉旨南來詔慧雲律師勅兩街及內使御馬
監太監張然等齋勅并衣蓋錫杖大開皇壇
說戒三年於五臺山勅建聖光未明禪寺仍
賜紫衣金帛師資一時恩榮受渥然此舉昉
自清師誠所謂法道一時師資讚揚以光法
化世所希有自古法門之盛莫過於此然雖
如是必賴有力國王大臣方可興隆三寶非

是靈山受囑秉乘大願而來不能如是耶是以慧律師意欲說戒三載時鄰界途戎馬遂卽一期南歸遂命清律師續座弘戒於五臺以終三年之教斯時戒法大典卽此觀之果符慧雲律師夢中之語清乃文殊菩薩化身乞戒無疑矣不然則不能恒住此山故華嚴經云肉身菩薩多住此清涼山中其清律師世壽法臘未詳亦滅度於太原之五臺山聖光永明禪寺後建塔於本山

姑蘇報國寺茂林律師諱性祇族姓沈氏湖州
長興人也母夢異僧托宿而孕生甫能言專
誦聖號性不苟葷志欲出家父母愛而不許
稍長二親相繼去世祇年登十七因聞里中
有彌陀古院遂慨然歎曰此卽我歸依之地
也盍往投之薙髮披緇已及至冠歲矢志遍
叅名宿念思淨土兼修禪觀初從雲棲蓮大
師學淨土法門次依止天台聞谷老人習禪
觀後近圓於金陵靈谷寺慧雲律師旣受具

已攻討律檢徧探羣書由是清標三聚諄誨
五篇是以明季時開化四衆於吳越兩地學
者莫不聞風趨座祇弘律三十餘年稟戒歸
依者不可稱數又吳中士大夫美祇戒德每
請利濟幽孤其甘露餅中不須注水而餅水
自溢斯乃道德之所致耳餘之密行則可知
矣祇東緣旣盡急於西登世壽六十八僧臘
四十八泥洹後建塔於吳門閭關外之西園
戒幢律院所著四分撫畧并五百問畧解盛

行於世學者珍敬焉

廣陵福田東滄律師諱性福族姓趙氏通江蜀人也師於本郡二峩山禮法空長老剃染爲僧自爲烟水南詢遍叅知識遂受具足戒於金陵慧雲律師旣獲戒體精嚴律行師平素間唯持穢跡金剛神咒異日慧律師夜靜經行但見殿宇光明閃爍近前視之唯聞咒聲不知是何人慧律師問曰持咒者誰福答曰某甲是也復問曰汝持何咒福曰穢跡金剛

神咒是以次日慧律師命福至座前問其平日間所行何事福曰向謁南海普陀山時住圓通殿三載一日散步林間有白鴉銜片紙擲地視之乃穢跡金剛神咒卽翻藏收的一心受持日誦萬遍以爲恒課慧律師曰汝自後號曰金剛大德因此行德彰名福每於壇內持咒之時其金剛杵自飛空中盞盂中水自沸金剛輪自轉待咒持畢其杵方墜盞水自淳金剛輪自輟其咒盞中之水和泥爲丸

凡有求之療病皆愈乃持咒之法力靈驗如
斯倏有神人代書金剛杵蓬其壇書竟是夜
不見其形斯乃神人感化不可思議由是名
布江左德揚宇內世人號曰金剛和尚福於
萬曆年間每傳戒法於楚荆淮揚等郡凡緇
素受化者莫計其數是以金剛律師初住本
省長龍山曇華寺後徙廣陵福田律院其輪
杵等肉身俱供福田院中世壽六十九僧臘
四十一及至清國鼎新征討江南塔內放光

見者以爲奇異疑爲竇藏遂開塔視之端坐
如生是以清兵請出仍供於本院塔右跏趺
而坐又令無量人心生敬信見者莫不叉手
禮拜焉

愍忠第一世

京都愍忠寺大會海律師法嗣

龍潭洞然耀律師

愍忠二世

中州龍潭寺洞然耀律師法嗣

龍潭荆璞璽律師

愍忠三世

南山

愍忠二世 三世 四世

丁

龍潭荆璞璽律師法嗣

廣濟道主海律師

彌主起律師

愍忠
四世

徐州廣濟道主海律師法嗣

廣濟本緣顯律師

無相忠律師

愍忠
五世

廣濟本緣顯律師法嗣

大雅愔律師

愍忠
六世

大雅愔律師法嗣

愍忠
七世

宗統

卷三

二

聖光第一世

太原五臺山聖光永明寺澄芳清律師法嗣

慈光一齋壽律師

湧泉守愚宜律師

聖光
二世

黃山慈光寺一齋壽律師法嗣

翠徵心空學律師

聖光
三世

翠徵心空學律師法嗣

韻松蓮城融律師

聖光
四世

韻松蓮城融律師法嗣

常樂緣鶴宏律師

聖光
五世

常樂緣鶴宏律師法嗣

黃石悟明開律師


聖光
六世

黃石悟明開律師法嗣

南山

卷三 聖光一世

二



東山維賢慈律師

韻松藏石玉律師

月山道來從律師

宗統

卷三

十一

聖光一世下 見傳

徽州黃山慈光寺大圓律師諱性壽字一齋楚
之邵陽人得五臺澄芳清和尚鉢初開戒壇
於蕪陰白衣庵時惠王聞師高德遣近侍魯
公迎師至荆南率合宮執弟子禮求授優婆
塞優婆夷戒未幾師辭歸入山王敬造衣鉢
錫杖律部等件四十八單令送雲谷禪院建
立道場四十九日大演毘尼僧俗皈投者日
衆不踰歲允衆檀越請入慈光寺主方丈事

時散步白龍潭畔樂其軒豁云他日吾其委
蛻慈邱耶時年春秋七十有八弟子海學等
遂鳩工琢石卯塔巍峩示寂後凡入塔諸事
一如師命焉有碑記程嘉燧撰

聖光二世下

見傳

黃山翠微寺心空律師諱海學順天大興縣人
他方至楚之荊州適同縣王親王天瑞相值
疏於惠府遂爲剃度僧旋走白衣庵乞一齋
和尚爲受具戒後侍和尚入黃山補慈光監
院職越三載退居翠微寺焦陳二姓諸檀越
以殿宇頽圯僉議重建非師莫能當其任卽
具啟虔請師亦不辭艱苦廣告檀度不數年
百廢俱舉從事習律諸弟子請師登壇教受

者久之師力辭不允奈依歸益衆遂以順治
庚子冬諾衆檀越請大開律壇傳授衣鉢仙
源之毘尼整肅此際爲盛師平日處衆無怒
容對賓無長語惟日持穢跡金剛神咒不輟
先年嘗閉關於惠府凡受供衣服臥具見有
淡苦者隨手轉贈寧自忍寒凍惠府愈奉給
無厭而師之施念更無有已也其生平慈厚
如邵樸元記云敦本實也彰永久也

韻松蓮城律師諱寂融姓張氏宛陵望族也生
而具福德相及長愛澹泊清淨遂投益念大
師出家賦性敏達智慧過人至於內外教典
無不通徹年二十登華山於見祖受具足戒
得侍巾瓶數載祖亦甚器之後以因緣事辭
歸得禮翠微心公和尚一時師資道合乃授
之紫衣傳以毘尼於是刻苦銘心勉勵行持
乃於韻松嶺頭冬湯夏茶接衆結緣寒暑不
輟時邑宰陳公諱九陞者聞而敬之遂請爲

韻松方丈西鄉檀越又請中興翠微律院自是道德昌隆於兩地戒法丕振於一時矣往年太邑祭祀皆用鹿饗因師請於陳公乃得免焉里人深感之暮年仍退歸韻松多與縉紳君子詩賦往還每於贈荅之間隨機化導故文章之士皆願皈依也後邑宰王公猶事之如佛特起瓣香禪室而供養之師年逾八十鶴髮童顏人望之如堯率天中人也然其持誦修行老而無間預示以某年月日鷲嶺

西歸至期如約不爽里人弟子遂爲建塔於
本山之左有碑銘文程繩武撰

常樂緣鶴律師

諱

照宏族係仙源美溪李氏子

其母夢一童子跨鶴飛入其家次日師卽降
生圓頂廣額眉目清竒見者卽知爲羅漢果
位中人也長而拜常樂如心公爲師遂取名
曰緣鶴以符其夢兆之祥師於貝葉靈文過
目卽能了透豁如素習後得戒於寶華松祖
心契波羅木又之旨力任行持及遇韻松蓮

公律師抉其素藏撫然曰超六塵通三昧者是子也乃付以紫衣戒本爲律學真傳時諸檀越遂請主席本山演毘尼之正法三學勤修繼太原之高風七衆皈依若僧若俗得聞一句半偈者無不咸登道果者矣戊申歲以波離命脉傳之黃石開公乃端坐遷化飄然西逝人皆謂師乘願而來應化者信不爽也建礪碑記袁起濤撰

黃石悟明律師諱普開族姓葉氏幼禮然燈長
老薙染內懷貞敏外具嚴如其師祖慧公見
而異之已知爲不凡子也未幾師祖西逝乃
自發願苦行修持建梵宇於東山晨昏禮拜
設茶亭於西路渴濟行人運佛祖之慈心行
菩薩之願誓具秉於古林法續於南山旣而
主席本山傳尸羅之妙法精究毘尼闡梵網
之慈旨化導羣機至於規模後學師範來毘
其功曷可勝紀哉師於乾隆辛未預知時至

以無疾而終得嗣法者三人焉乃東山維賢
慈韻松藏石玉月山道來從皆篤實修行亦
將爲南山棟石也置茶亭碑記魏子嵩撰

金陵古林庵隱微律師諱性理爲祖應宗嗣紹
繼慧燈弘律弘經二十餘稔於崇禎十年丁
丑秋七月十六日示寂此下槩畧寂洪統紀
其世壽僧臘俱未詳載

二義蘊空罄律師受法姪覺緣之請於古林說
戒一期仍交覺緣而退歸靜室

香水大圓曇律師受淵源泉姪之請於古林主
持戒法兩期而辭歸香水

宗統

卷二

十一

古林第二世

金陵古林庵隱微理律師法嗣 并紀畧

覺緣諄律師 淵源泉律師

印含璞律師

金陵古林庵印含璞律師乃隱公之胞弟也隱

公寂後師主正席三齡於崇禎十三年又正

月念二日圓寂嗣法弟子長安增

古林三世

古林印含璞律師法嗣

長安增律師

金陵古林庵長安增律師不知何許人氏于順
治戊子年之春古林因蜀僧西瞿輩竄入而
淵源泉公遂之東海瞿後退去是冬請師歸
鎮祖庭闡戒談經星霜四易嘗諭衆言世事
沒了期恰好便休去莫待臨渴掘井措手不
及矣於壬辰春二月初四日犍椎大集當堂
以方丈交付藏林華秋八月初十日順化

古林
四世

古林長安曾律師法嗣

藏林華律師

古林藏林華律師古甬元縣鄧氏子師將媿母
夢衆僧受食中有一老衲眷盼久之而產揆
厥夢緣擬祈佛庇寄里南大聖寺心融慧公
心曰俗子投佛意期蔭怙若華藏林無畏風
霜因名字焉師生而黠敏性不狎嬉親攜上
寺見僧禪觀威儀戀戀不還親嘉其志命心
祝髮一切經書授受不再隆野法師弘法夏

邑心借師就席畢之彭城雲崖老宿談老莊
於增山衆多異之師獨謂學無內外外在
人欲大其心志妙其有無此二學可表裏而
不可僻尚吾道大成如海納百川同一鹽味
衆莫能易其說嗣是周游壤外循歷天中達
哲邵英悉皆訪覲凡住處案頭嘗珍二訓林禪
實訓緇門警訓熟讀博討志期力行識者知爲法門
之偉器也聞祇峰法主闡楞嚴於古徐之功
德林不憚千里研窮數月不能無疑遂負拜

南下直抵金陵道安寓長干導叅月暉大師
於圓覺再預楞嚴前疑洞釋碧峰大師說法
普德不常命師代座師惟法門重大非行不
可乃結二三同志于普惠寺前力操炊汲廣
植茶緣崇禎十年丁丑冬請戒於古林印含
律師印公喜師敏達命掌記錄翰章詞藻代
爲裁治靡不雅當時心公南詢掖師同往印
視師言律是慧基非智不奉學未彌臘豈宜
他事師以心公命不敢違同造天童密雲禪

師令看父母未生前話纔數月心公恙師扶
心歸未幾心逝問古林印公楚還師導初心
數人詣林求戒印公已寂覺緣律師除師維
那次年安居偶提所看話頭頓破羣疑了知
千七百則皆止啼黃葉順治三年西竺老人
居碧峰新舊數千指辯唯識師巍巍鎮靜于
言論之表老人曰藏公戒行素嚴學德俱備
人天師表指日瞻光惜乎老朽不與是秋回
古林覺律師命師闍黎復之幽棲預靈峰萬

益大師千日期師與其數後淵源泉公主古
林迎師說毘尼二持九十日畢念親恩罔極
杖笠歸寧永城心休老宿請師說楞嚴四方
學者一時雲聚期師主社接納雲水師聞古
林有蜀僧之變俶裝南顧會江寧當道請長
安律師歸鎮祖席師居教授壬辰二月初四
日健椎大集當堂以方丈付師是秋旱歉大
衆以蚕豆數十粒充午鉢有市點奉供者師
面斥之曰大衆忍饑使我口腹獨實是陷我

于不義師繼席以來接年說戒講經或赴外
請或應時機修造殿堂寮舍續置園地山場
且躬爲傭作操不作不食之芳規于康熙十
八年己未歲入滅此畧寂公之錄未詳若干

夏臘

古林
五世

藏林華律師法嗣

投機徹律師

合吉鼎律師

德溥岸律師

倫如本律師

古林

六世

合吉鼎律師法嗣

宗本賢律師

古林

七世

宗本賢律師法嗣

魯玉璠律師

宗統

卷三

十九

南山宗統卷之四

繼主千華第七世傳律比丘福聚編輯

菩薩戒弟子雲間五峰居士董洪較閱

千華燈譜世系

千華第一世

金陵寶華山三昧光律師法嗣

寶華見月體律師 末明無學幻律師

別峰四弘願律師 杏崑支浮岳律師

見空慧律師 純然鎧律師

五臺獨行能律師

天寧香雪潤律師

西林一如真律師

霍山若相空律師

熏六燈律師

洪州願雲顯律師

幻住受律師

仰山煦杲照律師

金剛友蒼庭律師

兪兪珠律師

玉泉徧雲闔律師

松影省律師

南山

宋日千華二世

一

千華一世下

見傳

寶華山見月律師法諱讀體滇南白鹿郡許氏
子始祖江南句容人也從洪武開滇黔以軍
功封世襲遂家焉父醕昌母吳氏夢梵僧入
室而生師生而神敏好遊覽善繪事所至山
水佳處多畱墨妙尤工大士像人爭寶之父
母早逝年二十七伯指揮使艱嗣欲以其官
官之師介然不屑痛念生死慕赤松子故事
去爲黃冠三載因遇一老僧授以華嚴師披

閱有悟尋捨去禮寶洪山亮如法師乞度先
一日法師夢一人身着袈裟後隨大眾無數
跪求剃髮明旦見師與夢符喜爲再來人遂
與雍染時三昧大和尚以當代律匠弘戒兩
都化被南北師不憚艱辛往求戒法凡兩渡
大江繭足萬餘里始獲圓具於海潮且穎慧
過人悟不由師未預僧倫便能爲衆敷演大
乘至納戒日昧師卽命代座講梵網心地品
詞如湧泉聞者驚嘆旋命分座教誡後學道

詣日高謙牧日卑遂乃廣緝律藏直究根源
焚膏繼晷思惟深義或文有隔闕者則禱佛
求解由是毘尼一宗躬行精練共推爲大法
幢也師爲黃冠時曾夢至一大寺金碧交輝
比丘濟濟欲進而限以闕躍身以入顧其身
爲僧相一老僧朱衣高座笑顏招師而上授
經命講衆皆跪聽汗流而覺至隨昧師弘戒
金陵報恩寺登壇境界恍然前夢也師性剛
正不阿遇事不如法者讜言無隱昧師嘗曰

老人三十年戒幢若非見月幾被摧折乙酉
昧師沒以衣鉢付師師心喪三年慨法門秋
晚正制久湮乃立規約十條與衆同守是制
必遵非法必革凡授戒安居自恣等規模法
範皆按律藏依制而作難行難忍之事率身
先之一時見聞者咸謂南山再出法運當興
四方學者翕然從風國初山寇竊發所在震
動師杖錫開導遂解散之時有譖於大將軍
前者謂華山匪賊怒甚率數百騎執師與大

衆至軍前劔戟林林師威儀整肅應答安詳
一軍敬服山林遂安師以心爲戒體躬修般
舟三昧爲衆標榜九十日晝夜壁立不坐不
臥不旁倚如是者凡兩度焉師依制結界立
壇已十六年慮木難垂久復建石壇層級欄
楯重重莊嚴開基之夜感壇殿交光五色直
冲霄漢衆山羣樓明如白晝莫不駭異讚嘆
華山當昧師時修建尚未完備師爲庀材重
興殿樓寮閣佛像供具色色堅緻雕琢丹堊

之華鋪飾莊嚴之盛大江南北所僅見者又
爲創造慈應禪林重建天隆古剎王子江南
饑師導輪賑粥五十餘日凡活數萬人師每
振錫出山四方風動遐邇緇素奔禮恐後至
輿乘填衢香花塞巷莫不梯山航海供養致
祝福報之盛從未有比師相殊特聲若洪鐘
登堂說法林木爲振暑必結衣寒必露頂素
無疾病戊午歲除示微疾己未正月旣望力
疾集衆以衣鉢付定庵基主持法席囑累後

事畢云七日然後行至二十二日午時誠衆以精勤行道語畢端坐而逝及荼毘日遠近四衆不期而集真溢山谷佛聲震天皆遙見光彩上騰蓮花佛相結篆烟際火滅獲舍利五色者升餘師世壽七十有九僧臘四十有四坐夏三十有三傳戒七十餘期戒弟子以數萬計所著大乘立義等若干卷行世至於馬陵之枯泉自溢龍眠之三世寃消冥界歸依神龍護法諸跡靈異種種未易殫述云又

史官尤侗曰子童子時嘗禮三昧和尚於北
禪後聞華山嗣法有見月師恨未之識也老
至西湖晤其高弟宜潔示子一夢漫言乃循
覽贊嘆而爲之傳師諱讀體字見月雲南楚
雄許氏子也少好遊覽嘗至金沙江甸尾山
寓浪穹遷赤宕崑矢志修真爲黃冠三載一
日偶行松下遇茅庵老僧與語甚契授以華
嚴經持歸闕至世主妙嚴品翻然有省遂詣
寶洪山亮如法師剃度已闢江南有三昧律

師開戒慨然慕之一瓢一笠重繭而行時當
明末流賊磐牙烽火相望饑荒遍地土寇肆
劫所過崇岡危磴盤江險洑蠻烟瘴雨猿
虎嘯之區荒祠古墓深菁蔓草晝則風餐宵
而露宿可謂艱難辛苦備嘗之矣師處之泰
如直往不顧先入南嶽參傘居道人代演楞
嚴四依解繼登破額山馮茂山上高山寺老
寺禮諸祖師道場進九華朝五臺再渡大江
始遇昧公于海潮庵計往返二萬餘里行脚

六年矣既圓戒充上座講梵網經析義敷文
四座稱善師猶欲然不自足乃于藏中檢四
分并律藏讀之深思研究間遇壅滯禱佛求
解默坐移時渙然冰釋由是毘尼大暢嘗從
昧公傳戒金陵報恩寺座下千人師臨壇教
授忽憶初爲黃冠時夢至一大寺金碧交輝
苾芻雲集門闕甚高躍身而入自顧已成僧
相一瞿曇丹衣高座笑招師上授經命講衆
皆跪聽汗流而覺及是所見恍然前夢焉距

金陵七十里，有寶華山，爲誌公道場。年遠頽廢，郡人迎昧公主之師，筦院務。庀材鳩工，堂構一新。至今，巨剝甲于東南，亡何以叢林多故。遯跡黃山之貝葉庵，時視雲海，若將終焉。昧公屢書招之，復歸於華。方丈筒之如左右手，師性剛直，遇非意事，輒正色折之。卽師友小過，規諫無隱。昧公嘗語人曰：老人三十年戒幢，若非見月，幾被摧折。臨歿，取紫衣戒本付師，曰：以此囑汝。總持三學，師旣嗣席，以十

事誓衆如不設私廚不立化主不攢单不給
疏不蓄香儀不避作務衆皆難之久而悅服
又憫時習便安止作真教久成絕響于是結
界立規率先躬行是制必遵非制必革尋復
安居之法門人日進國初山寇竊發入寺蹂
躪師誘致渠魁十人設齋供畢忽厲聲以大
義責之且曉示利害時大衆圍繞若將執之
官者賊相顧失色逡巡遁去有譖于大將軍
者謂華山通賊遣數百騎執師與衆僧至軍

前劒戟如林駢戮鄉民無數血濺緇衣人人
惴恐莫敢仰視師獨整威儀緩步歷堦合掌
而立具陳華山大路不能禁賊往來井前日
畱食解散之故凡三問三答辭氣從容顏色
不變巴厥二將軍陳中丞異之悉解衆僧之
縛又欲殺監院孫內監房頭克修等三人師
爭之曰我是寺主有罪當殺我勿累及彼也
將軍益異之并釋不殺還其田地給帖護持
寺乃復安師旣解難彌勤戒律與諸比丘日

念佛號萬聲月拜淨土懺七晝夜躬修般舟
三昧不坐不臥不旁倚壁立者九旬以其餘
力重建殿閣築石戒壇別構慈應天隆隨處
說戒如常州之天寧真州之五臺江寧之碧
峰紫竹林宿遷之極樂所至男女老幼闐咽
道路戒子一千四百人堂食三萬指法席之
盛近古以來未嘗有也師將謝世出一帙授
弟子曰一夢漫言紀年譜甚詳已示微疾以
後事囑定庵基曰勿進湯藥更七日行矣端

坐而逝世壽七十有九僧臘四十有八茶毘
得五色舍利塔焉所著大乘立義止持會集
作持續釋黑白布薩傳戒正範及僧行軌則
等書行于世

論曰學佛而不學律猶欲其入而閉之門也
今禪教二家塞破四天下而律道中衰古心
草創三昧繼起至見月集大成而中興焉南
山一宗於今爲烈矣聞師修軀肉髻貌類古
佛自滇雞足山來者云師是迦葉尊者化身

固宜有此惜乎吾未見其微笑時也

永州荆紫峰無學律師諱能幻新安人也幻幼習儒業知世諦榮華如幻達菩提妙果真常遂而厭俗歸真削髮棄儒巾遍叅講肆遊歷禪門由是精通教觀深契玄旨次受滿戒於湖南之南嶽山大明律院雉潭三昧律師旣隨僧倫綜習毘尼博通性相三學圓修二持罔昧是以律教並興化導四衆於楚湘之湖南斯乃明季之時幻乃昧律師首傳燈之大

弟子也化緣旣畢遂歿於本郡荆紫峰其幻
律師世壽僧臘俱未詳載焉

晉陵天寧寺香雪律師諱戒潤族姓陳氏楚地
夷陵人也潤家世珪璋遂捐世榮薤髮披緇
次近圓於三昧律師稟具後遊歷講肆遍叅
名宿精通經律兼修淨土潤尤善文筆而落
紙成韻以懸河口而吐辭爲經爲衆說法音
聲清徹令聽者莫不樂聞猶若迦陵之聲也
是以輔化千華昧和尚於南北兩都乃衆所

知識次卓錫於毘陵之天寧律院由是四衆
禮請潤登華壇正說戒時空中有戒日舒華
祥雲五色覆其法座緇素咸瞻以爲奇瑞時
清國鼎新以來潤之德風道播江南其中受
法毘尼弟子不可稱計化緣旣畢全身建塔
於本寺潤律師世壽五十七僧臘二十二所
著楞嚴貫珠集行於世焉

宗統

身日

十



南山宗統卷之五

千華第二世

寶華山見月體律師法嗣

寶華定庵基律師

雲居成拙德律師

素極啟律師

契如悟律師

體圓健律師

智閒彥律師

玄窟靈律師

古範舜律師

寶坊靜觀禎律師

吳中智律師

本拙閒律師

宿遷湛一澄律師

極樂離言學律師

唯一元律師

與樂慈律師

希遁林律師

覆物緣律師

虛中印律師

等生成律師

聞聞鏡律師

壽如椿律師

申庵降律師

蓮如濂律師

京都含濟明律師

文載輪律師

傳也襲律師

施仁德律師

葉庵頓律師

顓一肇律師

徹之慧律師

會也融律師

六屏正律師

淵實法律師

知止靜律師

本悟明律師

印徹明律師

至道悟律師

浪聞源律師

惟念禮律師

顯實通律師

頓息超律師

葦庵濟律師

靈水冲律師

湛徹潛律師

弘慶本意德律師

雲庵谷律師

昭慶宜潔玉律師

京都極樂慧融禪律師

慧宗秀律師

真諦碧天淨律師

宣六源律師

異莖壽律師

自嚴如律師

休隱幻律師

湛白空律師

道功徹律師

敬生智律師

荆璞誠律師

閒一成律師

聞思獨愚賢律師

還一真律師

法一延律師

圓光法輪演律師

知白華律師

葦航鐸律師

福慧大圓杲律師

山千壽震化鑑律師

崑山勝蓮密照廉六師

五臺獨行能律師法嗣

達照明律師

慧牧制律師

晉陵天寧寺香雪潤律師法嗣

溥澈
律師

超幻
律師

元儀
律師

元瑞
律師

元婁
律師

千華二世下

見傳七

寶華山律師諱德基字定庵族姓林氏先世係
閩之莆田人明洪武初其祖爲徽郡守有善
政沒於官六邑士民德之留葬於休寧東南
鄉臨溪里因家焉有明三百年衣冠不乏遂
爲邑之巨族代有隱德里人至今稱不絕口
父之泰公母姜氏孺人生三子師居長生之
前舉室有吉氣及長果拔萃性喜佛愛潔凡
葷酒近前卽拂去讀書數過不忘一日聞老

衲誦金剛經至如露亦如電句頓發出世之心念親老弟幼不敢違違膝下偕兩弟從事生理如是者數寒暑矣泰公忽病卒苦塊三年日持金剛經不輟服除私自念曰承歡菽水於母幸有兩弟能代藉此吾可以出苦海矣遂拜辭慈帷切屬兩手足飄然一身下姑蘇徧訪吳中有道知識乃得寶林寺竹懷法師高望往求剃度法師一見知非凡品慨然受其請祝其髮給侍左右歲未周偶出街次

忽見二三新受戒僧肩袈裟脇應量安詳徐步威儀可觀心竊喜之詣前訊其所來曰金陵華山稟戒歸里道經於此云云師回卽以是因緣啟白法師願往求戒惟大慈俯允俾不肖誠如佛因戒生定因定發慧庶幾上報師恩於萬一法師唯唯師歡喜禮謝擇吉辭行旬日到山五體投地於見老人足下求哀授戒老人許之時年二十有四也納具後陸沈下板不露一毫圭角宵衣旰食一意研習

諸大律部皆臻入玄奧凡十五年老人知是大器中間往往以逆境逆事重加煅煉師具怡然順受絕無辭色至老人七十大誕始授引禮之執而山中諸執引禮最重規矩過於嚴肅逮師居是執竊以謂不然乃曰凡一切訓導啟迪弟子須令外畏其威而內懷其德庶合師道老人知之藏之中心尚未大用中有闍黎字成拙者初爲老人同叅後爲弟子素有知人之明卽老人當年爲黃冠日亦係

成闍黎勸而爲僧遂偕南來參尋數十年不
離左右輔弼疑承成此盛德大業者不惟有
道實菩薩果位也不時於老人前稱師之善
頌師之行老人特拔居第二座教授師於是
乎整飭規約留意人物病者療之乏者周之
上下靡不愛敬而悅服之卽老人當日致薄
海內稱華山活佛享赫赫之名者亦師贊佐
之力居多也老人忽病日盛一日師於深夜
獨詣佛前再四懇禱願以身代次暮方邵村

侍御聞而入山視老人病留數日因與老人盤桓喜慰之至謂老人曰老和尚放心保重定教授足當此席矣老人頷之曰吾久屬意此子矣未幾老人知歸期在邇乃於前一夜蓮漏交五滴忽起而踟躕座下在先諸受記薊之英偉俱置之不言惟命召師至榻卽以戒本衣鉢親手授之曰惟力行戒法遞代傳持以未固定慧基業耳於時耆宿如林特以傳師無一譁者體公之能具法眼與師之能

以道服衆真如無著天親也師繼位之後與衆同甘苦均厚薄事事身先法法行舊不一二年聲名大振甲寅秋苦旱入冬山下民飢悉就食山頭師令設粥以濟人多糧少恐不繼無可如何親率數十衆渡江由儀真而至揚城一路拓鉢郡邑士大夫善信素聞師德望樂施無虛日所有錢穀隨到隨送上山俾不短少直接麥熟而後止次年武林昭慶寺內有戒壇從地湧出自唐南山宣律師曾闢

戒法於其上歷今千有餘歲中間廢興不一
甲申冬昧祖奉潞王請親升此壇弘揚戒法
嗣是以來衆房僧尊重此壇不輕假人癸亥
冬仰師道行協求當事宰官縉紳公函不遠
千里至山敦請移錫於內大弘戒學一時兩
浙見所未見聞所未聞莫不以希有稱之期
畢留師未鎮辭不得已乃令同門弟宜潔師
補處宣化宜師頗體師心行持有加識者謂
知人善任不虛所舉師還舊山歲癸酉屆師

甲子初周四方稱祝事畢躬督兩序僧百餘
下山詣省城門南聚寶山下大報恩寺禮康
僧會祖來吳大帝赤烏四年願興佛法帝命
求現釋迦文佛涅槃火化後收取所有出現
舍利至明末樂初文祖建報恩寺舍利昭感
祖隨命建五色九級琉璃寶塔重供奉之幽
顯崇隆壯麗也師至凡七晝夜塔內供養幢
幡瓊褥香花燈燭餘食蔬果皆師自傾鉢資
備設師復統諸律衆圍繞唱誦經行贊頌禮

念致七日夜內現種種光相有時如車如輪
有時如幢如蓋有時如雲如霞有時如樓臺
殿閣有時如日月星斗千變萬化不一而足
省城內外宰官縉紳長者善士聞而感動乘
車跨馬填街塞巷肩摩踵接輻輳絡繹而至
瞻仰聽聞禮拜隨喜貴賤賢愚不分日夜稱
奇歎異因相生敬因敬發悟者不可數計皆
由師一誠啟迪之也尚有欲求一覩師容一
禮師足一聆師警欬不得嗟惜而去者不可

勝計卽此益知師之因緣福果當如何耶於
宣化之餘采諸律部內精華發前賢底蘊著
毘尼關要十六卷羯磨會釋十四卷比丘尼
律本會義十二卷以便後學知所適從至若
莊嚴銅殿興造齋堂增置田山擴大常住修
殘舉廢正紀維綱二十一載爲法爲人四威
儀中無非律範歲庚辰季冬朔示微疾隨命
大衆集方丈自取紫衣戒本授闍黎松隱義
主席卽囑之曰合山內外凡我等出家之人

不過爲生死兩字旣爲生死不得不真實修行旣知修行必當嚴持戒律若不持戒而欲超脫生死者如緣木求魚捨舟渡海安能有所得而登彼岸耶此座道場初自昧祖開戒創立規模收攝龍象遂得先老人繼振綱紀三十餘年苦心而成山中儀範無一不備天下稱爲波離再現律法中興至先老人示寂日諸同門皆余之師範如成和尚者又係先老人同鄉同學而爲弟子者俱置之不問豈

獨屬意於我我勉力撐持二十一載兢兢業業恐負委托之重汝等現在山者久暫雖有不同執事無論大小而今而後總要嚴行戒律勤修誦持竭力輔弼新方丈三年以祖庭爲重相和相勸合德齊心如同舟共濟如左右手相救遵前人規模作後人榜樣新方丈繼位之後當公心爲衆厚道待人念三世創守艱難克成大業良非易易後事一遵先老人舊規况天隆本和尚在此諸凡請教而後

從事餘不多囑吾早晚行矣視疾者悉令辭謝不得攪亂惟一心念佛至初八日令沐浴更衣端坐而化於十五日奉全身塔於龍山之陽報體長短相稱唯頂骨高聳上不生髮光芒射人目鬚鬢鬢然迥異儕輩實乘宿願輪而來同興此山者世壽六十有七僧臘四十有八坐夏四十有四嗣法弟子三十八人皆先老人之遺材一時同稱門下之錚錚者云

雲居成拙律師諱性德滇之潯甸人也劉姓襁
褁失母未幾父亦相繼而逝事繼母如事所
生鄉黨以孝稱焉賦性果敢偶經古廟見一
病人受極苦須臾命終因慨世無常頓起離
塵之志便飄然捨去禮嵩明州觀音寺見宗
禪宿爲師求度宗以有妻子累却之師卽歸
安置旣安遂與剝落時年二十有二也久之
辭往雞足叅白雲大力諸老宿皆深器之遠
慕寶臺立禪者宿之風欲往見道經浪穹值

建龍華大會時見月和尚爲黃冠於此飯僧
師來挂搭邂逅之間宛如故識師見其氣宇
不羣終非羽客之流他日必爲法門重器乃
以爲僧卽訂云余若爲僧願與公爲友可乎
師旣允諾會期滿各散去師竟造寶臺越明
年之十月歸省受業路過雲龍聞寶洪亮如
法師應講於東山之大覺寺師往謁方入門
見公正於是日薙染相見喜甚以爲如踐宿
約而至也自此便不相離凡法師演法諸名

山巨剎師與見公輔弼其間研窮教觀一日
聞法師開示爲僧必須受戒之語便同見公
求受具戒法師云余講經不傳戒今江南三
昧律師可往求之於是束裝並下江南烟水
百城迢遙萬里捍勞忍苦師無不以身先之
崇禎七年冬抵金陵昧師已說戒五臺明春
直上臺山甫到而昧祖又受京都之請矣次
年秋旋往京都至寶定遇兵衝散師獨轉江
南於諸叢席徧覓見公了無音耗隨往浙中

叅諸名宿最後依密祖于天童久之因懷見
公復腰包尋訪莫知所在游至徽州黃山見
山水奇絕遂縛茅居焉至崇禎十二年聞昧
祖主席華山師具衣鉢往求大戒不期見公
已在祖座下任監院事一見師來悲歡交集
是冬方獲戒品時年三十有三也旣得戒便
依祖學律至乙酉又六月祖將辭世取紫衣
戒本授見師繼席華山師輔弼揚化垂二十
載復思返黃山舊隱一日獨攜杖笠飄然而

往遇繁昌合邑緇素久響師德固留駐錫于
本邑雲居寺歲癸卯諸檀信請傳戒于南寧
之千佛院次遷鳳陽之大洪石梁竹林諸刹
後就竹林寺閱大藏經次年丁未蟲蝗大作
寺之縱橫數十里寸草無損遠近咸以師閱
藏典之所致也檢藏畢修大悲懺法四七晝
夜肇啟之晨合郡宰官紳衿詣寺拈香忽來
海鶴千餘旋空鳴舞逾時方散諸文人咸賦
詩以誌異終期退居石梁復重翻大藏自慶

難遭見公累招師還山師辭以疾庚戌春乃見師古稀之辰入山拜祝勉留在山任羯磨事甲寅春香岩李公請重興天隆古寺見公命師董理閱六月而告成乙卯初夏師亦躋七旬矣見公集衆送師入丈室師以老年辭衆檀懇請至再遂住持天隆每歲春冬傳戒會食不減二千餘指歲辛酉孟夏朔旦師偶過戒香庵與主人聚談抵暮方歸次晨忽索湯沐浴更衣辭衆端坐而逝師世壽七十有

六僧臘五十有五戒臘四十有四得法弟子
學彰超淵等奉全身塔於華山左側

宿遷極樂庵湛一律師諱性澄族姓胡氏山東
棠邑人也幼儒業未就年十九禮本邑普照
寺了塵師落髮遂立志南遊叅學至淮安受
具戒于嵩乳和尚次從正觀法主習賢首教
住袁浦慈雲庵內持澹齋數年刺血書華嚴
報恩二經全卷嗣叅報恩玉林和尚及諸大
名宿最後登千華覲見月和尚精學戒律三

年止作二持一一熟練甲午年受宿遷智恒
師及諸檀護請至極樂庵主持院事丙申冬
師率山主及邑中護法上千華敦請見月和
尚至庵傳戒期畢卽送師入方丈授以度人
法是後歷年傳戒佛事森羅還僧雲集道俗
景附檀施日廣鳩庀修建增華賓至如歸渡
淮以北千里之內極樂庵遂巍然爲一大叢
林師之力居多焉辛丑歲淮陰請師傳戒師
至重興圓明古刹繼受邳徐及兩淮諸名利

請熏修大悲懺法每感異香不一而足還山
後雖年衰猶精進不輟行般舟三昧不坐不
臥行滿三月又念四方行腳去極樂北無息
肩處於離治六十里峒崕山之五花頂勸建
全潮庵山下道傍建茶庵接衆垂示後人亦
爲傳賢常住康熙甲子得腹疾至十一月初
一日呼湯沐浴更衣命侍者集衆曰吾今日
當與衆別我傳法大衣授之教授桂昌嗣主
院事傳授三聚大衆愕然師曰吾忝律師傳

戒利生二十八載當報佛祖深恩和尚厚德
吾願未終誓當再來誠衆念佛跏趺端坐而
逝前後傳戒凡三十餘壇感應奇異恐涉驚
聽不復筆之住世六十九歲坐三十二夏塔
全身于全潮庵之塔院所著大悲淨土懺法
談口作觀節次儀文行於世焉

古杭昭慶宜潔律師諱書玉族姓唐氏武進人
也母夢月光入懷而生幼喜稱佛號稍長卽
茹素從師習舉業通曉儒書一日聽鄰寺僧

誦大乘行願品經質問義趣言下豁然遂辭
親詣京江嘉山依自謙和尚剃度服勤既久
赴金陵華山受具於見老和尚晝則供侍中
瓶夜則究研律部與定庵律師並爲嗣法高
弟子康熙癸亥冬定公偕師赴昭慶說戒甲
子春定公還山師遂駐錫茲刹按志武林之
有昭慶自唐道宣師始也寺之有戒壇自宋
允堪師始也厥後屢遭兵燹勝跡猶傳明季
三昧老人自華山來登壇提唱四衆景從旣

而嗣音寂寂壇久塵封至師而法輪重振非
偶然矣師躬行實踐操履慤誠寒必露頂食
不過午與衆同甘苦均勞逸每歲春冬戒期
四方緇白聞風翕集前後得戒者約萬餘人
庚辰寺燼於火於是宰官捐俸居士助貲勸
師次第建造辛巳冬大悲閣上竣值說戒時
雪堆閣脊象形如鼎衆推師願力所致師曰
此然燈佛降生之地應有顯瑞我何力之有
自壬辰訖巳亥八年中不遣一僧募緣而一

切門垣殿宇像設器用以及普同塔院山寮
園房靡不經營結構輪奐聿新成功之日朝
廷頒賜龍藏供奉莊嚴千楹萬拱照耀湖山
可不謂祇林希有之勝果歟師生於順治乙
酉七月一十四日康熙辛丑十一月十四日
示微疾說偈端坐而逝世壽七十有七僧臘
五十六三坐道場傳戒八十餘期所著梵網
初津羯磨儀式沙彌述義香乳記二部僧授
戒蘭盆合釋懺悔文解發願文解賓主序解

等行世門人奉全身塔於本寺有南屏柑公
傳贊曰夫所謂傳者傳其人之足以垂教天
下後世而不泯滅者也故夫子首重明德親
民底於至善自曾子傳述已降而濂洛諸公
操而循之聖學賴茲不息至於生死之際有
過人者吾釋氏亦然故如來觀機設教雖分
大小皆以戒定慧三學爲階梯舍利弗目犍
連之徒智慧神通各擅其科迨傳震旦三宗
法匠亦從三學入道而慧由定發定從戒始

良以欲波不興識浪澄渟雖無習靜之念而
心自定視生死去來若渡河筏之與寓舍到
岸曉行初無顧戀苟非實踐三學以資十善
惡能臻是然而難矣我昭慶宜潔和尙能之
師於辛丑十一月初六日示微疾尋愈十二
日命戒弟子心印卜善逝日印以十四日未
時對至期果從容沐浴更衣聲鐘集衆念佛
協助往生說偈曰昔從恁麼來今從恁麼去
驀豎拳願左右云會麼大衆側耳聽此是未

後旬遂揮諸弟子令出居士來前於是將軍
都統固山諸大人緇素環繞送師者千有餘
人既而歛容端坐良久探師鼻息而師已逝
一衆莫不香花瞻禮悲喜交集于康熙壬寅
十一月二十一日嗣法門弟奉全身於本山
越九載矣己酉春繼席高弟澄如律師以師
行狀塔銘示子屬一言爲傳子曰噫隆樹道
跡南屏磊落無似子言何足爲令師軒輊律
師以子交久契深洞知生平最悉假手他人

何以傳先師之實行耶固辭勿獲獨撫和尚
最後一着爲之表揚萬一耳和尚主席昭慶
三十八載惟以土木中興爲急務註述教戒
爲已在幾十年來殫精勵志宵旰忘疲眼光
落地人固疑其手足忙亂勢所必然而卒能
入塵垂手得大自在雖數十年親炙弟子亦
莫能測師若是則三學之功於茲驗矣使天
下後世知善知識非徒事唇吻而貴篤行故
聖門謂參魯處羣弟中若無致者終能傳道

易簣正命由是觀之道固在乎躬行而不在
乎駭誕而和尚於塵攘歷落中超脫生死如
遊子歸鄉刻期至家又何足怪哉嗚乎苟南
宗未來北宗已往而師傑起浙東亦賢矣哉
至於功業休徵嘉言懿行門弟已記其詳而
王公塔銘復敘其概茲不贅錄乃爲贊曰儒
之所貴明得中庸釋之所重三學爲宗世遠
人遙誰能執中乃有哲人玉器雪融萬行圓
修三學兼弘最後光明高逾玄穹垂教萬古

罔知其終仰師道跡浩淼難窮猗歟偉哉碧
水蒼松令我慨懷抽毫無從昊天不弔頽厥
天峰敢將蕪詞深愧厥躬炳靈匪邁鑒茲感
通

蘇州獅林寺律師諱書秀號慧宗江南直隸通
州人幼悟幻泡卽厭樊籠因仰空門便依精
舍習止觀教易若溫尋是時金陵寶華山見
月體律師再來古佛四分宗師迷塗皆俟其
指南前路咸推其向導師往摠衣遂收門下

知是法器因授記焉承師囑命住蘇州鳳凰山獅林寺登無畏座講木叉律容止端嚴辭辯清暢瞻仰者皆悉由衷信受者得未曾有是以檀越大司寇翁公鐵庵等俱皈依受戒請講楞嚴經敷演微言闡揚祕蹟七處徵心一時指掌特出新辭而曉衆每拈妙旨以示人曲暢旁通明白直截一掃支離之習不同汗漫之談使聽聞者恍然如披雲見天信受者曉然如撥霧覩日因生難遣想者若而人

因生尊重想者若而人是故見祖題額曰徵
心律院蓋紀實云繼命住楓江慈泰寺西園
戒幢律院崑山放生玉泉等處所至之處偶
有不合輒棄之去曰老僧腳板從來濶未必
骷髏向此埋緇素固留亦不屑就又曰古德
有云柳標橫擔不顧人直入千峰萬峰去此
何如人哉吾意已決矣師生於崇禎癸未十
二年八月示寂於康熙己卯三十八年九月
世壽五十有六僧臘三十有五建塔于獅林

之右穹窿山下靈躍律師淳樸律師皆出其
門謂之梧桐多棲鳳鳥謂之芳芷頗秀蘭叢
門人孔多二師爲最誠出世之津梁亦律門
之領袖也贊曰嘗讀宋僧贊寧所撰高僧傳
其科有十義解居第二明律居第四所謂義
解者卽吾儒之講學是也聖人以學之不講
爲憂蓋學必講而後明先知覺後知先覺覺
後覺者端在於是所謂明律者卽吾儒之克
己是也非禮勿視非禮勿聽非禮勿言非禮

勿動此卽戒也律也顏子請事斯語直下承當夫子美之曰顏氏之子其殆庶幾乎有不善未嘗不知知之未嘗復行是不貳過一戒求不再犯也明甚合而言之義解者知也明律者行也若慧公者講明經義是義解中高僧也戒律精持是明律中高僧也可謂知行合一者矣是以靈躍律師出於其門使律宗大盛有以夫有以夫

惲宗洵撰

蘇州真諦寺碧天律師諱書淨江陰陸氏子生

有異質孩抱能誦佛名逢僧輒拜十三喪父
矢願出家禮藥雨老宿爲師沈靜好學稍長
走華山從見月和尙受戒見公器之俾爲侍
者服勤有年歷遷要職精通律藏兼研經論
造詣日深見公知其可重任付以信衣蓋律
門之衰久矣明萬曆間古心師崛起金陵大
弘法戒直接南山一宗三昧師繼之道譽彌
隆駐錫江干之寶華山海內稱千華和尚見
公繼席迄於師四世矣吳門程勉卿病垂死

夢華山僧飲之藥而愈借其友陸德敷輩入
華山遇師儼然夢中僧也請於見公求師分
化吳下見公以師年少遣首座葉莽應之居
城西之積善庵尋去復更大圓律師皆畧有
所建立而法緣尚淺會師分衛來吳吳人乃
堅請主席始至敗壁頽垣壘粥不繼處之恬
如也惟精持律儀嚴攝一衆羯磨布薩規條
肅然人漸信向檀護寢廣陸德敷輩爲之勸
募經營剏造戒壇殿閣廊廡已次修建不數

年遂成巨刹他叢林開戒多爲短期簡畧行事惟積善一遵佛制必慎必嚴規條斬斬稟戒常數千指肅然無譁衲子行道上威儀可觀不問知爲積善戒子也僧之精心求戒者不之華山之積善以爲見月和尚在吳也吳中有真律師自師始師廣額深目大頤方口長不過五尺目光炯炯吐音如鐘望之有威而性實和易遇人以誠接物以慈親疎一體敏鈍同誨學人一涉其庭依依不忍去長者

喜施宰官樂護莫知其然而然也康熙三十年大駕南巡面奉褒獎復賜心經等三冊大書衍真諦三字賜之因以爲寺額道風彌震而師處之退然其自律甚嚴暑必搭衣寒必露頂食必持鉢施填積一錢不私濟困扶危常如弗及其於戒法非苟說之實堅持之其於律藏旣心通之又身體之故能不言而化垂範人天也乙酉秋九月示疾書偈別衆

端坐而逝世壽六十僧臘四十有二嗣法弟子湛中等奉塔供養

淮安聞思寺獨愚律師諱眞賢字獨愚泗州籍乃寶華見老人之高足弟子也師性簡約尚雅操而敦實內外典籍無不博覽尤精於教觀深得楞嚴之奧旨其後稟具千華受囑見祖遂耑律部凡祖所撰集貫練精通故其分座演律臨衆作法精允詳敏人皆敬服而祖亦深稱爲律匠云有行僧藍孟建齋僧館於

楚州之古枚里應接往來而乏住持素聞師名因登山乞授得與師而旣歸謀請師於漕憲大中丞帥公公欣然改齋僧館爲大悲院仍施餼僧田地豁免一切差役迎師住持師遂演教乘於楚域樹戒幢於淮干而其傳戒儀範悉遵寶華之成訓不少改踰而見者嘖嘖咸知律法之精嚴規模之弘大淮之南北而有南山律學者自師如也然院之初創數楹而已况兼饑饉之餘艱窘莫支師殫力募

南山宗統卷之六

千華第三世

寶華山定庵基律師法嗣

寶華松隱義律師

般若玉文碩律師

慈應眼聞明律師

亳州妙御乘律師

妙湛善律師

菩提天月瑞律師

京都極樂雪衍怡律師

悟聞定律師

語奇融律師

興化立方賢律師

天峰鐸律師

寶積靜虛淨律師

普德筏僧常律師

兼宗賢首

以度濟律師

瑞雲松栢徹律師

藏經悉證照律師

梓林智律師

普度賢律師

天成秀律師

龍興雋雯瑪律師

皇亭懷徹廣律師

磐山心明鑑律師

極樂懷空嚴律師

拂一能律師

承恩宇瞻人律師

璨波玉律師

石塔撫生倫律師

飛白源律師

瑞應檀波證律師

靈湛印律師

蓮池省愚慧律師

朗明圓律師

子赤保律師

靜修性律師

載耕穰律師

香積不昧裔律師

戒壇蓮若徹律師

覺慈圓律師

崑山明極智大師

儀徵賢慈■大師

蘇州成益道大師

繁昌雲居寺成拙德律師法嗣

東藏雪亮彰律師

廬山秀峰淵律師

儀徵寶坊寺靜觀禎律師法嗣

伯涵量律師

京都極樂慧融禪律師法嗣

普安塔麗中律師

宿遷極樂庵湛一澄律師法嗣

極樂桂昌祥律師

天聞禧律師


普應友曇範律師

自拙相律師

觀嶽善律師

勗菴常律師

中樸修律師

京都  含濟明律師法嗣

 古然燈律師

京都弘慶黑塔寺本意德律師法嗣

弘慶逸修貴律師 隆福天揆賢律師

杭州昭慶寺宜潔玉律師法嗣

乳獅淨明鑒律師 指南庸律師

智揆鑑律師 元哲仁律師

上藍青律師 昭慶澄如溶律師

鑒余昭律師 謙益淵律師

浩然行律師

默然超律師

天谷應律師

月峰成律師

德先道律師

睿生漳律師

引南衍律師

昭慶大聞學律師

祥符得中源律師

嘉山徹機志律師

嵩雲瑞律師

介如泰律師

得真月律師

佩端溥律師

鄰虛塵律師

漢石璉律師

太源滌律師

慧生定律師

恒實真律師

具禱洪律師

德鄰慧律師

瑞章昌律師

圓應靈律師

德安源律師

清隱雪恬宗律師

見中隱律師

爾芳鑑律師

覺非月律師

蕪州佛在瑞堂珍大師

止息雨文乘大師

嘉興達先連大師

蘇州鳳凰山獅林寺慧宗秀律師法嗣

永寧靈躍潛律師

萬育淳樸聖律師

勝蓮功虔度大師

蘇州真諦寺碧天淨律師法嗣

涵虛中律師

胎成頤律師

真諦利咸圓律師

極樂月樵讓律師

淳還櫟律師

大化弘律師

大超倫律師

定意法律師

嵩山朴律師

東山 勞山善合徹律師

一莖敏悟徹大師

淮安聞思寺獨愚賢律師法嗣

瑞雲道生本律師

法幢訓律師

石雲
■律師

弘範訓律師

息浪
■律師

徧知正律師

紹遠
■律師

京都圓光寺法輪演律師法嗣

脫凡賢律師

大悲天然弘律師

遠世聯律師

能仁濟律師

省悟慧律師

通州見指智律師

靜妙潛庵凝律師

含宜授律師

慧庵仁律師

實宗信律師

弘祥中和本律師

亞山省律師

曇一鑑律師

慧光智律師

延壽卽岸筏律師

心怡樂律師

湛光明律師

上方慧幢弘律師

純一清律師

慧庵仁律師

靈巖璉如微律師

應祉隆律師

古樑柱律師

五臺獨
祖二世

達照明律師法嗣

微旨宣律師

泰州華嚴靈水冲律師法嗣

華嚴長鑑常律師

江陰圓覺庵宣六源律師法嗣

圓覺善鏡宏律師

常州金匱福慧庵大圓杲律師法嗣

福慧立中旭律師

山西千壽寺震化鑑律師法嗣

千壽韜光秘律師

正理光律師

千壽了空■律師

徧空智律師

月霞序律師

逸安復律師

瑞林全律師

密行侗律師

本閑法律師

瑞環琦律師

南山

宋「千華四世

」



--	--	--	--	--	--	--	--	--

千華三世下

見傳九

寶華慧居寺松隱律師諱真義江南揚州府江
都縣宜陵鎮曹氏子母戴氏感異人授青蓮
而生父母知其非常人也稍長就傅卽知求
書中大義不屑屑於句讀間塾師亦歎異焉
父母復思青蓮之瑞卽送本鎮投子寺禮靜
生師祝髮一見教典如遊舊路每思佛法綱
宗不出戒定慧三學年滿二十遂渡大江登
華山乞受具足大戒於定庵律主一期之中

着衣持鉢威儀動靜莫不端莊整肅定老人
默觀信爲不凡重簡於心常課外日夜精研
律部燈火寒鷄終歲靡懈凡有常住公事必
先於衆不避艱辛及爲序首董率後進善誘
多方無不感服每日天台開教門之先其預
設律宗制度悉與西方未來之經印合教非
律不能精嚴也以此知捨戒律而談宗教如
匠氏之廢繩墨尙能善其事哉師欲兼靈鷲
三宗擴充一心遂順流下吳門渡錢塘登天

台一時有道大知識叅請殆徧復回里後曳杖入京師適遇天寶王公周護法問所從來師道其實卽以延壽蘭若請住持之未幾立願行頭陀行一時隨喜歸禮者傾國明年請赴給孤寺開戒鱗附蟻聚輦下滿漢諸護法室無所容期畢不半月定祖知四大分散不遠立馳嚴命促師還山師接祖命諸不暇顧出都門無問晝夜兼程而行及到山不旋踵卽進方丈禮老人足起問訊起居老人見師

喜慰之容溢於滿面乃日望公回山相期輔
佐法化乃集衆以三世衣鉢戒本親手授師
命繼祖席師敬謹受命惟恐隕越戒期累開
來者四方雲集每期數千餘指而莖粒同飡
不以天時豐歉易心惟以雷電轟掣之機花
雨繽紛之教嗣是夙興夜寐臨深履薄小心
翼翼未及五旬而秋霜點鬢矣因而譽聞遠
播上達宸聰癸未仲春聖駕南巡徵師行在
勅賜慧居寺額御書心經金剛經各一卷丁

亥春翠華幸江南首臨本山荷蒙俯詢寺中
開創建造巔末師應對詳明喜動天顏遂書
飛白擘窠大字蓮界雲香賜銅殿精持梵戒
四大字賜戒壇隨命舊殿下賜湧香林三字
賜方丈越一宿卽順流往姑蘇武林西冷雲
林天竺淨慈雲棲諸山大刹凡月餘逮駕回
至維揚時已夏初矣師聞是夜渡江恭送復
賜金筴彩筆淵鑒法帖等物遠近聞者莫不
慶師寵賜優隆爲山門希有之盛典苟非師

之道德何易至此師纔五旬以外精力尙強不意一旦示微疾集衆囑維那閔緣曰此遞代傳持之衣鉢戒本也今付於汝主持本山不可更換羯磨治牧教授體勤爲左右協力無倦復囑合山大衆各依淨戒爲師依戒而住七日後吾當行矣果於二十九日午沐浴更衣趺坐而逝世壽四十有九僧臘二十有八坐夏二十有五說戒利生事畢門弟子等奉全身入龍山南張冲一葉庵左師在日親

自監造五十三所列座環繞卓立之中塔焉
師道貌魁梧法音清遠頂湧霽月髮鬣旋螺
不厲而嚴不莊而肅折攝洽宜涇渭不爽望
之卽之畏愛兼抱真佛法干城律門砥柱是
不可以無述云

興化般若院玉文律師諱照碩沈姓高郵巨族
本關中西安人始祖官於州因家焉父現庭
母姜氏夙信三寶年四十乏胤乃乞靈白衣
大士誕徵夢異師髻齡不樂嬉戲見僧善拜
達者知非塵勞中子也至年十五輒悟形無
常體跪白父母志求出家幾絕食遂許本郡
普濟庵依隱白元公爲師棲心內典博究羣
書卓然自立年十九雖未稟戒已冠輝山之
質辭隱適維揚叅具德和尚一見卽期法門

偉器閱明年就華山得圓具於見月律祖自
爾歛跡山中遍閑律部且人嫻于禮儀含緩
應對尋授典客兼引禮靡不雅恪年廿六復
造江淞諸禪板講肆於是三學底蘊相悉折
衷見祖聞其操乃馳命旋侍時年已三十矣
未幾定祖繼主洪規師隨輔弼紀綱探蹟持
犯尤嘉解行相符聲稱益著遂囑衣偈厥後
振繩倫次而師實居其首辛未春昭陽緇素
仰師道韻以般若古剎削牘僉請師辭之再

請益力然後航江以應一衆歡迎歎未曾有
惟是破屋頽垣陶漁比伍時乃頻值歉年餽
粥不繼師處之裕如也歲常傳戒都以寶華
風規津梁來學每涉其牖依依不忍去嘗應
雉臯之集賢弘戒時邑人性驕倨今猶加敬
僧儀亦師之導力爲多師于般若以律嚴身
敏鈍同誨凡餅錫所到四衆喧闐瞻承恐後
一時檀施接踵其殿堂樓廡像設莊嚴次第
振新功垂碣石致有恩威兼濟之德無偏私



獨善之弊是故矢願初興三十餘載僧徒濟濟不以規嚴務重生退怯而師之高風清範彌溢乎大江南北歲丙申本省制臺赫公邑侯盛公嚮其道咸有題贈非偶然也嗚乎千華分化代有其人至論戒律之精粹道行之醇懿法緣之廣教被之溥或未敢妄異于師歟乙巳秋九朔示微疾卽以院事交正元本主之並誠諸弟子訖曰專注淨念更七日行矣至初八日同衆午課舉讚佛偈驀歸丈室

跏趺而逝世壽七十五僧臘五十五嗣法門
弟子有正元本戒光續天真隆松月現覺慧
智維真普自輝睿若虛念海囊慧法寧靜等
建塔以奉全身餘詳行紀而爲贊曰

肅哉碩德如慈雲行深般若心無垠千華叢
裏拈竿竹擊節昭陽稱老宿日張珠網在潺
湲攬盡優波水自閒淨念綿邈預知去入佛
無餘一異住

宗統

卷六

十二



慈應眼聞律師諱通明俗姓李氏滁州人也自
襁褓時性卽茹素年甫弱冠泊然有出世志
康熙庚申歲皈依牛首山弘覺寺以忠師祝
髮居未久稟戒於華山定庵和尚及受戒具
彌復精勤始聽律義遍訖便講辯析文理綜
核指歸苦學毘尼歷多年所師一日偶閱雲
棲法彙至凡心未盡聖果未圓之句卽痛念
生死更展精神行般舟行於昧公塔院越三
寒暑其志不墜定老人窺其法器不凡具大

願力故印證焉命主領慈應院法席事師稟
祐居醇含章縱哲砥行飭躬架德緝道篋地
能翦心猿久制譬圓珠之朗潔若春雲之霽
和以故道風遠播緇白傾誠世壽六十法臘
三十有九於康熙五十九年示寂塔于慈應
之前山贊曰可以爲法者律可以弘法者人
無人則律法不行無律法則人無拘束師乃
律中虎也可以爲法矣

皇藏峪瑞雲寺松栢律師諱學徹俗姓吳少爲

洋客被賊難立誓出塵投羅漢寺顯通師薤
染稟戒於寶華山入槽廠盡力苦行定祖命
掌內藏師自此每遭無事風波怡然而受毫
無退志祖命教誠後學衆仰風規祖云老僧
最後法幢多賴二松遂將千佛慧命一時付
囑祖云爾當分化一方不可懈倦師奉祖命
往臨清接待十方復詣彭城創寶藏院又弘
戒於皇藏峪瑞雲寺修廊廡置齋田一時雲
水奔騰龍象蹠躡歲甲午偶因微恙遂將方

丈付囑門人藥屋嗣後專修淨土餘無介意
至明年八月二十三日清晨從容召門弟子
曰法道垂秋各當努力吾有未後一句諸仁
者還委悉麼言訖卽入體性虛空三昧是時
山林震響百鳥哀鳴師壽六十有二戒臘四
十有三百日後門弟子等奉全身塔於龍山
之前銘曰於戲南山正脉千華嫡旨道場三
座法雨沛施三根普潤無彼無此藥屋焚香
概紀終始

鳳山龍興寺雋雯律師諱溥瑀別號借堂族姓
王氏毘陵人也師齧齷聞佛號卽懽躍稍長
涉詩書頗通大義不幸父母相繼以歿有僧
持盞過門誦心經潛聽至無智亦無得卽有
出塵之志年十四遂投本邑崇聖院依瑞可
師翁薙落自是專以學佛禮誦爲事年二十
四登句曲之寶華山禮定庵律祖乞受具戒
安居學律兼侍書翰已卯冬迨受記蒞委較
尼戒事義嗣奉遺命輔弼有年乃赴虹州廣

慈庵及釋迦寺之請傳戒期畢乙未秋隨受
鳳郡諸紳士緇素請主大龍興寺方丈凡十
有三年於是興殘舉廢堂構一新說戒宏經
春冬靡間唯夫浮圖之爲教也高士托以幽
棲齊民籍以逃賦耕桑失隸朝宁遺賢古之
人有言之者若夫勤其身以自食其力閔閔
焉修分守法以庇其後人則固不異于齊民
不詭于聖道而亦爲吾儒之所樂引而進之
者矣師之始來是山也寺宇圯傾荒蕪滿目

無半升之鎗折足之几師乃經營荒度埒茶蓄租誅鋤草萊覓粒于荆榛求田于瓦礫而鳳當明季兵燹之後井邑蕭條非若都會人文所聚吳越商賈之區可以布金祇園檀施山積也惟師胼手胝足苦力勞心卒能修葺其佛宇封殖其樹木又以餘力建方丈僧寮厨庫器用無不備具致于儀范有條敏鈍同誨俾灌莽叢薄之地蔚然成招提勝境焉非夫矢志純一堅固不回者其能然歟師寂于

雍正五年丁未十一月二十五日世壽六十
有一僧臘三十又七嗣法四人奉塔于本山
之陽婁邨畢誼撰

維揚石塔寺撫生律師諱學倫別號幻堂姓梁氏浙東海昌民家子生於順治丙申之歲終於雍正戊申之四月壽七十有三年師年未二十喪父母四十學浮屠法越一年入寶華山受戒於定公又三十有二年示寂於揚州之石塔寺僧臘二十三坐夏二十八旣滅度後而嗣法門弟乃奉其體骨歸塔於建隆寺之西且述其修持梗槩而乞銘以中州蘧村景公銘曰作佛有性蟬蛻軒裳明神啟夢舍

利呈祥朱殷貝葉梵夾生香如蓮半偈宿孽
消亡法雨沾漑稼庾倉箱千華闡跡石塔相
望三十餘年建智慧幢譬如食頃作諸道場
人天洽願善果圓明叶除痛示化性海汪洋
顯白月相違露草光衆仰面啼鳥悲引吭不
歸普同永誌弗忘揭銘石上嗚呼幻堂公復
欽師道行而爲傳贊撫師始爲童子卽穎悟
絕人經史一過能了徹年旣長有志仕進嘗
授職江西吉安府之永豐邑守備夢感神人

語遂棄職去削氏入僧籍初薙染於清河之
西來庵依本師瑞亭精研大藏已而聞人言
離戒修行猶無足欲行無翼欲飛師爽然自
失卽渡江禮寶華山求戒於定公持四分律
復立願刺血書楞嚴報恩洎兩乘布薩諸經
旣復思叅上乘瓢笠遠引登天目遊天台禮
阿育王舍利塔恒言謂舍利示現必有大因
緣師果覩赤耀如丸瑞采騰射心竊自喜且
自異也後回寶華未幾卽受記矣持律精進

如是者五臘自以書經願力未畢子身至揚
州準提庵閉關禁足刺血書華嚴經功旣成
士紳耆舊懇請主席於西城內石塔寺寺先
爲三昧和尚弘戒之所師聞而欣然願繼其
事焉時值歲歉粥魚無聲鞠爲茂草矣師矢
願聿新虔懇歷年人天共應復修般舟三昧
闡發戒光機緣輻輳癸巳之春大悲閣布薩
堂相繼告成苾芻雲集丁未冬復建玉石戒
壇曠置飯僧田數百畝樓殿寮廡無不秩然

嗚呼始至之時爲瓦礫場佛力所周莊嚴輪
奩師雖芒鞋半海宇而修持證果蹟著千華
晚歲慈雲流輝石塔毘尼一燈茲爲不泯矣
師嘗弘戒於鹽城之廣利泰州之朝海時州
人婦有恠疾自謂宿愆十年祈神弗能解一
日自言非撫律師不能救拔師爲懺悔果卽
脫然又應請鹽邑之永寧時甲辰春憇暘不
雨屢禱不應師以瓣香祈佛立沛甘霖師字
撫生邑人以爲撫我生我名不愧實也是秋

海潮泛溢溺者無算師持大悲懺百日幽濟
慈航凡造請所至四衆改觀臨衆接機老而
無倦其追隨受益者日填堂宇嗣法傳律高
弟惟二十八人師於石塔示終之前七日集
衆宣戒以衣鉢戒本付其弟子朗清和主席
自謂少時迷昧唐喪光陰證道不蚤今爲昧
祖了此公案幻緣已盡不復久留至期合掌
讚佛安坐而化師之遺命茶毘後以骨歸寶
華山普同塔中邑人以師弘法有年悲仰不

捨爰建塔城北俾得灑掃雖然師之化身千
億何地不見本來豈必歸骨普同乃彰初願
哉贊曰

示統

名

二十

京都瑞應寺律師諱性證字檀波姓熊氏爲江西南昌右族父時英母陳氏並長齋奉佛生二子公居長將生前一夕母夢幢幡降其室在襁褓卽茹素長遭父母喪妻亦亡旣公遊京師寓龍華寺有藏經閣之感悟有出塵之志就德潤公薙染旬餘詣寶華圓戒精進希有禮拜達旦定公器之遂傳法焉因剃度師疾急招之北歸師示寂命主席讓其同門公卽結茅保定三臺村修杜多行康熙壬辰歲

左都揆公招主龍華將爲明年皇上六十萬壽祝釐道場募公戒行請主方丈使者三往然後應命揆公捐俸重新梵刹工訖以其事聞上賜名瑞應併法雲真際匾對聯明年萬壽屆期公登壇說戒祝延萬壽風動四方無不景仰寺中舊植文光果樹至於始實雙果並蒂馳獻行在上大悅製文光果詩從臣屬和傳爲盛事公進道堅勇過午不食冬必露頂夏必重衣每至春傳戒歲以爲常公生順

治十六年十二月二十六日辰時示疾於康
熙六十年正月二十五日辰時世壽六十有
三僧臘二十有七法嗣瑞林暉雪林耀秉仁
壽教宣榮方旭秀思曇如大安定悟真行含
虛心恒順淵普維連明心成慶菴福善慶緣
慈門璽曇光瑞毅菴忠宏密定瑞登常含輝
玉俊菴杰漁如渭西池濬瑞生隆斐然慧寧
波松若岫雲紋玉慧濶亮洪蒼山治雲乘喝
戒忍律岫林昱琢菴玉凡三十有四人奉全

身塔於都城鷹房之南

蘇州福生庵明極大師諱普智姓范氏籍本湖州爲吾吳文正公之後幼齡卽長齋繡佛慕西方之教年十七皈依福生庵自徹大師薤染稟戒於寶華山定公律祖具有明德苦志潛修卽發弘誓願以振興法門爲已任復得法於定律祖其後徒衆日盛四方請益者雲集康熙乙亥丙子重興福生鼎新山門佛殿兼又開拓基址廣闢廊宇築石岸諸類精藍

淨域儼然爲東北名勝春秋佳日過者恐後
謂非誓願能弘素有定力而能是乎玉峯勝
蓮菴稱崑邑寶所法席久虛諸紳士仰共德
行百里咸相造請大師雅意謙抑以不勝任
爲辭懇之至再始應其請提絜毘尼人天歡
喜又非大師之盛德克溢曷克臻此崇修導
化經歷數載顧以年邁精力就衰仍歸福生
養靜預知逝期示寂之夕鼻垂玉箸尺許隱
現者再郡中男婦大小麋至咸相贊歎以爲

百年來僅覲蓋大師修持戒律實有媿於往古尊宿非具有實行未易得也師生於順治戊戌年三月廿九日終于雍正癸丑十二月一日世壽七十六僧臘五十九徒衆奉全身塔於齊門外長邑之西石缺

寶應蓮池庵省愚律師諱成慧姓劉氏祖籍婺
邑名族父爾位母蔣氏順治年間祖任江寧
府儒學遂家也師始離襁褓性好茹素幾及
弱冠博綜書史深契梵經雖有出塵之志由
以躬耕養親二十七歲父母相繼而逝遂得
以出家投溧水壽國寺木陳禪師法孫素文
和尚薙染精研大藏廣釋生靈始知非戒無
定非定不慧故辭師恭詣寶華圓具於定祖
老和尚時師年三十二矣於是遍叅知識契

悟心玄至三十七歲復回華山職司副寺兼
理戒堂祖以衣鉢授之辛巳蒙縣主王公山
主成善人及合邑縉紳諸山耆舊敦請住持
蓮池方丈入院時只見苔蘚盈庭瓦礫塞道
師乃立願不惜身命募贖田園開耕草場殿
堂廊廡煥然一新莊嚴佛像整肅規模每歲
安居說戒悉遵祖山遺則可謂檀那樹福之
勝地雲水養道之祇林也因師年高神憊功
行益碩衆檀信遂爲建塔于蓮池之西南焉

壬子春自知時至示諸門弟子曰余苦行主
持蓮池二十餘載修廢舉墜力弘戒法少盡
余之微忱亦不足報佛祖深恩於萬一誠奈
無補法門有愧先哲然諸行無常終歸於盡
其蓮池傳法謹遵見祖遺訓以袈裟爲重示
不許剃度子孫余去後毋許報訃掛白悲泣
以類世俗而違佛制當踐余行履守余成規
努力爲道傳化將來足矣語畢寂然而逝師
世壽六十有八僧臘三十有四坐夏二十有

七也

宿遷極樂庵桂昌律師諱興祥俗姓熊氏江西吉安人也初母夢老僧投錫而生幼好獨處靜坐根器不凡及長父母俱亡遂北遊至淮郡剃度於菩提社隱名大師求具於寶華山見月律祖尋依極樂湛公十載復辭南詢叅報恩大覺國師凡名山大川流覽幾遍議者謂師不韜跡潛修而奔走風塵似非清淨寂滅之志孰知道無往而不在心無往而不存靜固靜動亦靜乃爲至靜寂固寂感亦寂乃

爲真寂其中旨趣敢易擬焉師胸無蘊滓故
自去來而不方物後回陵山力般舟行百日
專精極至親見彌陀現相自是心愈豁然超
曠會委逢源莫測涘岸適有不器禪士自都
門來師探其機要器云念佛不離叅禪叅禪
不礙持戒百千三昧不出心地一法師即恍
然曰戒體圓明戒性空寂返觀本源空性亦
滅了無持犯是卽心地法門若存一念見聞
覺知便名破戒况餘念耶器與湛公擊節首

肯咸謂將來唱導先覺者也遂委居首座卽
闡黎位嗣是嚴究毘尼精研廣律服勤十載
間多密行有難殫述者甲子冬湛公示寂闔
邑士紳延師正方丈主戒法四方雲集日盈
千指師以衰老者安之少壯者教之祖武準
繩恃已御下具得叢林大體重振規模慈忍
居懷恒堅課什至於殿堂傑閣之輪奐田園
嚴具之增廣特其餘事固不足爲師道矣辛
丑十一月初八日師忽集衆誠之曰納僧辦

道先具一番鐵石苦心苦心者衛叢林持戒
律身心先衆更兼一切解脫是解脫者應事
接物如水印月痕念不留始爲解脫吾受先
老人付囑縱以夢寐尤自驚惕汝輩當精勤
修省明午與衆別矣次早緇素畢至師同談
笑聞午課忽囑後事曰闍黎慧徹敦厚謙謹
堪承衣鉢叢林重大輔佐勿怠宜共勉之復
謝衆已又曰我去後切不可例世俗有違佛
制言訖跏趺再誦之已入無聲三昧世壽八

十四坐夏四十七傳戒二十七期嗣法慧徹
福等一十三人各守遺訓克荷先業建塔於
縣北之五華頂爰爲贊曰猗歟桂師依止湛
公見性明道不愧心宗猗歟桂師慈悲定慧
普度衆生有教無類猗歟桂師戒月孤圓光
吞萬象塞地彌天廣西丙子解元劉如晏撰

淮安普應友曇律師諱溥範姓王氏山東兗州
府嶧縣人師系千華四葉嗣極樂爲二世開
普應稱第一代也師本世仕籍少通儒業至
廿歲值僧圓菩薩戒聞開示是心作佛是佛
是心師於言下頓悟玄旨遂以三皇寺投師
薙染矢志登山求戒於定祖期畢祖喚曰汝
演教人也兼律學好依止五夏復命遍叅時
徃宿遷極樂湛一律師見而器之即留輔化
囑宗南山侍錫南北講經傳戒後隨淮郡圓

明寺戒期畢湛命師繼席遂高樹法幢廣行律制常與四衆結社修懺講演教觀兼行苦行遐邇皈從時衆紳士同劉宦護法堅請移錫普應師惟瓢笠自守行解相應門庭嚴謚梵宇鼎新殊矍鑠無老意一日集衆良久忽高聲云吾年八十七世緣已化畢大德徹洞聞堪紹我法窟衆聞偈已各皆慘然師慰曰修行人視死如歸不得耽于情見爾等可炷香念佛衆皆愕然師已垂目而逝矣徹公依

法闍維建卒堵于喜見塔之北相望湖山之
上也

宗統

卷六

三

淮陰聞思寺律師諱溥訓字弘範射陵彭氏子
家世業儒母夢老僧乞齋遂有娠及誕師兒
時喜跌坐善吟梵就學塾師謂其父曰此兒
儀表不凡恐非塵寰中人也父笑而頷之適
本邑延壽庵老僧至遂許出家未久就披剃
其進止禮節讀誦經典儼如宿習年二十聞
獨祖弘戒楚州往乞授遂依之然其精研毘
尼貫通律部深明止作之要善解開遮之旨
祖深器重遂付囑焉一日謂師曰律學故以

精嚴心宗不可不究師復遍叅名宿於吳門
之碧巘和尚機緣相契命爲首座長驗龍蛇
於棒下焉旣明大事遂擇天平山之陽縛茆
自處涵養聖胎因占偈曰井上枯藤鼠嚙多
爭榮豈若住山阿臨溪短屋留雲處香吐松
華映碧蘿刈茆又曰手握吹毛劍一橫誅茆
那惜路重重深黃淺碧從茲盡顯出當陽個
裡人而碧公供給衣食未嘗少乏因獨祖北
上命僧促歸監理院事師卽力衛常住接待

往來而一衆安和四方景仰獨祖訃至法輪
律師以書命正位及迎龕建塔輝宏祖道承
先啟後聲播兩淮聖祖南巡有司迫之接駕
師迎於袁浦蒙旨詔見奏對稱旨聖情嘉悅
至廣陵茱萸灣仍命和韻親染宸翰書聞思
寺額及御書金剛經賜之人皆幸爲千載一
時而師殊坦然於是歲四月之下浣示疾至
初一日晨起辭衆而逝聖駕南回至楚州猶
呼師名而垂問嗚呼師若少待則恩邀衣紫

又何難哉然師固不以此爲榮或述之以志
聞思於不朽耳

蘇州真諦寺利咸律師諱學圓揚州興化趙氏
子生于順治辛丑七月十七終于康熙戊戌
八月八日世臘五十有八繼席一十三年嗣
法十三人皆分化一方彰師道行示寂越三
年其嗣奉龕建窆睹波于本寺碧祖塋院之
左爲真諦二世也師甫言能誦佛號父母異
之遂聽作佛子殆所謂宿根深厚者歟及長
聞寶華山定祖戒法精嚴徃求具足其後學
律有年遍叅名宿是時碧祖中興真諦高卓

戒幢龍象蹴踏見師從寶華而至心甚契之
親侍有年相傳其道殆所謂師資相合非偶
然者歟及碧祖遷化命師繼席經營後事奉
全身塏靡不精竭其力至於廓宏規修戒德
遵崇祖訓啟迪後昆數年以來求戒者雲集
殆所謂善繼善述者歟嗚呼創業難守成不
易如師者可以爲後世法矣贊曰師資契合
事非偶然碧祖創業利師守焉恪遵遺訓一
十三年戒光普照戒澤普霑昔侍師側今瘞

師偏以盡孝道以誠後賢從此相繼道法綿
綿

宗統

卷一

三十三

南山宗統卷之七

千華第四世

寶華山松隱義律師法嗣

寶華閔緣松律師
隆覺冶牧建律師

體勤禪律師
三藏柏庵一律師

總持開賢得律師
慈雲福昌真律師

碧林山律師

興化般若庵玉文碩律師法嗣

般若止元本律師
紫雲戒光續律師

天微隆律師

準提覺慧智律師

維徵晉律師

自輝睿律師

法寧靜律師

海囊慧律師

法華若虛念大師

金陵慈應寺眼聞明律師法嗣

慈應璇璋觀律師

興教曙天光律師

石龍思越政律師

孤舟自修澄律師

高座省文學律師

香泉梅林恒律師
龍華靜賢徹律師

亳州妙御乘律師法嗣

妙湛善律師法嗣

菩提天月瑞律師法嗣

京都極樂寺雪衍怡律師法嗣

保定怡修俶律師

極樂湛恒清律師

鎮海明如福律師

大悲壽乾福律師

盤山德美通律師

曇花天祥善律師

悟聞定律師法嗣

語奇融律師法嗣

興化立方賢律師法嗣

義堂和律師

天峰鐸律師法嗣

寶積靜虛淨律師法嗣

金陵普德寺筏僧常律師法嗣

普惠湛明悟律師

智明心律師

觀音慧林壑律師

金陵以度濟律師法嗣

徐州瑞雲寺松柏徹律師法嗣

瑞雲藥屋懿律師

本然倫律師

大士唯然映律師

徹玄律師

德真 ■ 律師

含容 ■ 律師

智弘 ■ 律師

虛如 ■ 律師

寶藏徹明恩律師

西來 ■ 律師

藏經悉證照律師法嗣

■ 梓林智律師法嗣

金陵普度賢律師法嗣

 天成秀律師法嗣

鳳陽龍興寺雋雯瑤律師法嗣

龍興木山榮律師 釋迦介年長律師

鑑中諦律師 卧佛曇印玉律師

如樂縣皇亭懷徹廣律師法嗣

 盤山心明鑑律師法嗣

金陵極樂寺懷空嚴律師法嗣

正修衢學福律師

拂一能律師法嗣

江寧孤舟庵宇瞻人律師法嗣

孤舟雅文濬律師 承恩汝澤成律師

璨波玉律師法嗣

揚州石塔寺撫生倫律師法嗣

石塔朗清和律師

雲圃珣律師

實寧悅性理律師

瑞安貞律師

大聖怡也基律師

南山灼初霞律師

開元道本慈律師

壽安曠濟遠律師

潮海碧浪鼐律師

敏越耘律師

法慧融律師

普福慧林如律師

永寧徹朗學律師

大悲德先證律師

崇聖衍文慧律師

希聖果律師

如徹悟律師

開悟雯律師

法源松真才律師

寶勝自庵泰律師

樞南垣律師

乾一清律師

敏文學律師

蒼悟省律師

樹庵正律師

厥庵在中學律師

寶嚴明遠安大師

鑑然慧大師

飛白源律師法嗣

京都瑞應寺檀波證律師法嗣

瑞應瑞林暉律師

雪林耀律師

秉仁壽律師

靈光教宣榮律師

方旭秀律師

吉祥思曇如律師

大安定律師

悟真行律師

含虛心律師

恒潤淵律師

普維連律師

明心成律師

慶菴福律師

湧泉善慶緣律師

慈門璽律師

曇光瑞律師

毅菴忠律師

宏密定律師

瑞登常律師

含輝玉律師

俊莽杰律師

渙如渭律師

西池濬律師

瑞生隆律師

斐然慧律師

寧波松律師

若岫雲律師

觀音紋玉慧律師

濶亮洪律師

蒼山治律師

雲乘喝律師

戒忍律師

岫林昱律師

琢莽玉律師

靈湛印律師法嗣

蓮池庵省愚慧律師法嗣

靜修度律師

大智行律師

文輝增律師

子赤保律師法嗣

靜修性律師法嗣

載耕稷律師法嗣

淨明寺不昧齋律師法嗣

戒壇蓮若徹律師法嗣

普庵塔麗中律師法嗣

無量寺權衡實印律師

極樂
二世

宿遷極樂桂昌祥律師法嗣

極樂慧徹福律師 全潮常安即律師

悟心煩律師 碩林圓律師

度迷和律師 巨賢容律師

準提蘊瑞定律師 彬然馨律師

可鎔成律師 乘一法律師

九華麗菴錫律師 玉美成律師

普應
一世

淮陰普應友曇範律師法嗣

普應洞闍徹律師

含祖

二世

京都古然燈律師法嗣

洞本如律師

震瑞祥律師

一乘慶律師

勝聞尚律師

素輝真律師

弘慶

二世

京都逸修貴律師法嗣

武聖貞素恒律師

海淀隆福庵天揆賢律師法嗣

隆福慧山倫律師

昭慶

一世

昭慶大開學律師法嗣

再聞音律師

覺然
■律師

牧堂
■律師

維安
■律師

昭慶澄如溶律師法嗣

昭慶懷德證律師

子昂傅律師

智圓明律師

化三學律師

大林聚律師

嵩巖毓律師

弘叅妙律師

道源信律師

德山 ■ 律師

昭慶德先道律師法嗣

普明慧律師

見中隱律師

自慧意律師

杭州祥符寺得中源律師法嗣

賦清乘律師

自成慧律師

瓚宣相律師

常州嘉山寺徹機志律師法嗣

於潛律師

京都祕魔崖太源滌律師法嗣

正果慈應信律師

嘉興虎嘯寺圓應靈律師法嗣

源修律師

獅林

二世

毘陵永寧寺靈躍潛律師法嗣

慧徹明律師

肇奇圓律師

中隱鶴鶴一律師

位性悟律師

聞思日三省律師

兼宗天台

德渠我律師

太平普聞意律師

懋宗玄律師

龍興時學昇律師

道澄輝律師

慈濟文賢德大師

萬育淳樸聖律師法嗣

拙山 ■ 律師

真諦
二世

真諦利咸圓律師法嗣

天王印惟 ■ 律師

別梅 ■ 律師

北禪能鑑智律師

崇遠高律師

真諦永照明律師

真諦天慧能律師

興福智弘理律師

隆福破浪波律師

太虛同律師

獅吼聖傳弘律師

空谷道一智律師

別峯■律師

釣漁徹明■律師

震澤極樂月樵讓律師法嗣

志曇芥律師

虎邱慧坦泰律師

仁山訥律師

山東勞山華嚴善合徹律師法嗣

蘇州一莖庵敏悟徹大師法嗣

念慈忍大師

聞思
二世

淮安聞思寺弘範訓律師法嗣

聞慧智律師

京都大智容律師

毘尼雲谷明律師

兼宗
臨濟

彌陀廓智源律師

隆瑞爾悅天律師

漣水法華法幢訓律師法嗣

本初性律師

京都淨土殿徧知正律師法嗣

乘一泉律師

報恩道通遐律師

圓光
二世

京都脫凡賢律師法嗣

延壽持中新律師

京都遠世聯律師法嗣

大悲成初恂律師

良弼忠律師

濟廣碧律師

心融會律師

京都靜妙庵潛庵凝律師法嗣

慈祥東竺順律師

京都弘祥庵中和本律師法嗣

義聖亮千純律師

京都延壽庵卽岸筏律師法嗣

延壽戒賢有律師

盤山上方寺慧幢弘律師法嗣

上方徹圓際律師
竹林池律師

寶坊
二世

寶坊伯涵量律師法嗣

寶坊鑑世珮律師
廣一寬律師

賓實印律師
德然淨律師

大嚴智律師

福慧二世

福慧立中旭律師法嗣

福慧文貫令律師

千壽二世

千壽韜光秘律師法嗣

千壽問山禪律師

無著叅律師

千壽了空律師法嗣

千壽淨月灝律師

遼州石佛映宗瑛律師

千壽應相戒律師

大谷九聖慧隆福律師

南山

卷之五 千華五世

百

千華四世下

見傳六

寶華山閔緣律師諱常松江南金壇陳氏子天性好靜厭觀繁囂竊喜幽僻年舞象從塾師授學婉似成人塾師異之曰此子非塵俗常備乃山林淨品宜培以澹素勿茹以醇濃父母聞之竊笑曰吾家世事耕農惟稼穡是務非有善蹟以相遺安得佳兒之美報今但因其性而導之勿逆其天之所賦而已及年弱冠懇請出塵父母慨然不相阻師乃芒鞋竹

杖直造九華甘露庵禮因實和尚而剃度焉
和尚以法眼鑒其機緣而指示之曰此去金
陵當今華山見老人中興毘尼之寶所天下
學佛弟子必由此以立德辦道由此以成佛
作祖汝宜速往毋久滯此心樹要高志帥要
銳直陟蓮華域求受具足戒從此真履實踐
漸升木又之堂優入尸羅之室庶幾不孤已
志不負吾言師惟命是聽卽登寶華遂具大
戒惟知戒行可行不計其功程所在松老人

乃心契之而反試之以鉗錘觀其恒德師則
愈加立雪之誠更進刺股之礪於是頓升引
禮之班遂掌維那之執一堂之內分別三根
而調攝之上焉者喻之以純粹之旨令其深
思而自得之中焉者導之以當然不易之途
使其循序而漸進之下焉者曲垂方便委宛
周旋引之以漸入法門三根雖有差池及其
成功一也師居引禮之班已具人天師範矣
未數年而松老人謝世師奉末命守祖傳衣

鉢然後禪以方丈焉五十二年春值萬壽聖
節廣陵宦商諸公啟延師上京作大佛事恭
祝天子萬年駕幸道場目擊耳聆良久乃曰
司儀範之淳雅音聲之和平乎師復奏曰和
平乃比丘之本分事也上喜而笑曰此華山
之所以爲華山也又問衆中可有能詩者麼
師奏曰律門日以禮誦爲事無暇留心於風
雅上首肯曰律法之能範圍以世者蓋在是
矣由茲日賜御饌每日無間佛事將竣尋賜

紫衣並玉器數事然後奉旨還山永鎮千華
爲太平盛事又蒙兩江督憲赫并將軍鄂仰
體皇上隆重戒法之心盡將本山所置產業
出示勒石以警後人以垂永久此皆師之宿
植所致豈偶然哉師恒以得人爲當務之急
以故擇銑於金選珵於玉僅得珍輝一人於
教授寮鳴椎集衆命主千華隨將祖遺衣鉢
法物與方丈一併交付之乃囑曰佛法垂秋
人心不古競局物我之山眇視六和之貴概

蟲可畏魚蠹何堪言及於斯可勝浩歎惟茲
千華雖仰賴祖宗德厚流光予自繼席以來
凡十年所敢不朝乾夕惕惟恐常住有虧毘
尼減色所以今也天賦允終歸期在邇聊以
數言以相警策爾等必行於斯坐於斯威儀
無缺日以就月以將積累彌深果爾密行潛
修於學地自然爲師爲範於將來此予所不
敢孤於大衆而大衆亦當告無愧於祖宗念
茲在茲互相勉旃言訖令沐浴更衣端坐而

逝師生於康熙甲辰十一月十七示寂於康熙戊戌閏八月初九世壽五十有五僧臘二十有三坐夏二十有二師貌蒼古髮蚪旋髻螺卷頂霽月繩已以嚴肅接人以和平勤於公事不泥私情雖未能追風於諸祖庶幾執法以守成喜得人之有慶善繼述其家聲

儀徵隆覺冶牧律師諱洪建字冶牧河南歸德府夏邑馮氏子孕師母不茹葷師生三日母夢師曰吾錯入汝家欲去母因急留而驚覺

是日師果不乳且病母禱於大士前許送出
家爲僧師安然無恙後復疾累母躬抱師於
本鄉洪福寺拜慶庵和尚爲師至七齡入寺
剃染從師習學十餘稔歲登二十具三壇於
白雲佛定和尚屢屢入室請問經律大義切
韻指南晝夜無間威儀軌則毫無違犯定曰
此子當來必爲律虎未幾結伴南詢上華山
學律於定律祖座下五載律部精通祖亦曰
此子日後爲吾家千里駒必矣欲透禪關扣

諸宗匠杭之理安紹之顯聖寧之祖印吳越
知識次第叅訪遇剃度師統衆朝海侍返故
鄉自此白雲法雲華山三師之恩德難忘不
啻三登九上康熙戊子秋重上華山臘月四
日松律祖以衣鉢源流授師與閔祖歲除松
祖示寂筆囑閔祖主席師爲羯磨奉遺命盡
心竭力輔弼三年有餘心喪旣畢赴揚州王
山又護法隆覺之請入院後接納雲水訓導
後學安居說戒遵奉華山無異日徵學人本

業夜究自己工夫三十餘載如一日以致遠
近歸崇檀施恐後令數椽之隆覺而爲祇園
精舍也又於上戍間維揚汪交如護法自發
心建戒壇於寺之左畔所費三千餘師悉依
華山成式律中嚴制不敢稍有差舛正當法
運垂秋師能力挽頽風尊古人啟後人本戒
行於行住坐臥會心地於持犯開遮感化於
當時風偃於烟水於是海內皆知華山分座
代有人矣

宗統

卷一

十一

金陵慈應寺璇璋律師名心觀別號雪巖何氏子乃浙之嘉善人也少從本郡大勝寺淵沓師薤染一日見華嚴經頓發弘誓誠心頂禮又翫淨行一品菩薩發願以戒爲本由是褰裳遠涉子焉孤邁於康熙丙寅歲受具於寶華山定庵和尚嗣與同志自姑蘇渡錢塘遊赤城叅宗門瞿仙師瞿見師不凡默契心宗乃印囑焉師忽憶禪是佛心戒是佛行縱明佛心不行佛行何爲遂返金陵之寶華重學

毘尼於開遮持犯深有所得是時眼公亦在
寶華見師貞苦之操超衆軼倫可任法席乃
以袈裟囑之蓋師爲眼公之嫡嗣定庵和尚
之長孫也論者以師旣受單傳之囑何爲復
受木叉之印師曰宗律一理本無異致何得
岐而視之謂吾道有二門耶句曲緇素聞師
之風請主胄山之寶山寺始至時殿宇荒涼
墻垣傾圯師慨然誅鋤草萊掃除瓦礫辛勤
畚築次第經營迄今稱勝境云秣陵張君又

傾慕企仰延請主席報恩寺之三藏禪林師
專以弘範毘尼兼修淨土爲務以故法律精
嚴接待四方之人極其周至遠近緇流無不
合掌皈依嗣後暇公以慈應一席爲寶華山
重地非師莫勝其任命師主之師兢兢業業
二十餘年有如一曰師爲人耿介廉潔氣宇
寬厚弘濟甚多利賴甚衆示寂時以方丈命
門人僧樹主持囑曰老僧衣鉢戒本付汝汝
後慎勿濫傳當以法門爲重汝其勉旃言訖

而逝師於乾隆壬戌年六月十三日終世壽七十有六法臘五十有一贊曰

緬哉佛性廓矣玄門功昭曠劫化拯迷昏冲
儀已謝法律斯存匪伊開士孰暢其言於顯
法師誕靈傑起如松之秀如巖之峙穆穆風
規堂堂容止降生嘉善早厭樊籠息肩慈應
峻範彌融將超八難卽悟三空貞固可仰願
力獨洪卓錫幾處煥朕一新寶華分葉法鏡
傳薪

徐州皇藏峪瑞雲寺藥屋律師諱實懿其家也
籍鳩茲族楊氏幼年好遊寺觀凡遇講肆輒
留連終日間逢高禪則盤桓不忍去因朝九
華便道至古南泉寺謁淳也和尚策發道心
回家白父母允可次訪天然道人幸垂接引
云有一甘泉禪師今遇卓錫庵吾與汝可訪
之及相見禮佛次禪師云何不拜你自己的
佛因此通身汗下每靜坐思惟欲出塵勞必
須出家遂投維揚廣緣庵甘泉和尚剃度師

云出家人不可耽悞歲月當急念生死卽遵
慈命力叅救生節巖老宗匠復上華山精研
律部嗣後養靜於蕪邑泗水園蒙本師老人
命主瑞雲法席一十四載嚴淨毘尼奈桑榆
景迫任不逮願得門人大樗少荷半肩耑弘
律範將慰我干華分焰可藉斯子而光大焉
生年七十六法臘三十九退隱於本山之休
休堂以樂餘年乃歌偈曰空將幻影寄閻浮
慚乏瑞雲十四秋從此萬緣俱放下休休休

也復休休

維揚石塔寺律師諱通和字朗清蘭陵名家子
九齡薙染於大林二十受具於寶華研幾戒
典叅究宗乘發明大事迨受撫生和上記薊
首衆持律一時龍象靡不奉爲軌範未幾師
繼撫翁席凡遺願未果者力任完之四衆雲
臻戒香圓遍南山一宗寶華而下推維揚爲
最者二師之導力爲多旣師示微疾門人環
侍次師曰我繼先人席未果先人塔院事今

時至矣爾曹其有爲我爲之者乎品公進曰
爲所當爲弟子事也師無憂師曰卽子是矣
雍正十年冬十月十五日也僧臘三十有五
坐夏二十有四嗣法八人奉骨於維揚城北
建隆寺西撫翁塔院主穴之左書至此品公
曰誌則是矣敢乞銘余曰三藏十二分皆銘
也余安得饒舌

雍正十三年春

旨集三宗義學沙門校刊龍藏律宗預斯會者惟

揚州石塔寺朗清律主高足弟子品木上人
乾隆三年十二月工竣品公既竣事乃以其
師行狀乞余銘塔曰此我所以報師恩也余
曰惜子志之勤而問途於盲不得其所以報
也雖然盲非無眼則余亦可以言乎夫一銘
之於大藏如太空一毛巨海一滴公所校者
千佛之行狀師之塔銘已十分具足以此爲
銘則盲者不見見不見見則可以報師恩矣
品公愷然起曰請居士重提起余曰又是一

重公案於是按狀節舉梗槩而序之如此

經筵講官內閣學士兼禮部侍郎前刑部尚書

總理苗疆大臣張照撰

虞山興福寺智弘律師諱然理俗姓趙宋宗室
藩守蓉城遂世居常州之江陰父子祥公母
裴氏行三幼而敏異有宿緣送本邑廣福寺
依大乘老宿爲度師年二十五秉寶華閔祖
戒精勤學律擢職維那首衆作辦靡不悅服
後至姑蘇入真諦利咸圓和尚室分主婁東
海寧寺閱六載大施戒法化導彌多雍正元
年冬應虞山興福請命嗣至公繼海寧席携
一鉢而至虞山維時興福堂殿圯廊廡傾

頽榛草蔓延香烟斷絕師慨二千餘年古刹
兼乃常達彥偁高僧之律窟豈宜衰替若此
遂立誓願盡我身心以報佛祖連值歲歉一
粥難支并前任者棄產負糧追呼無寧晷賴
陶太史汪宮贊輩鼎力護持虞山趙氏同出
江陰系念宗誼亦皆竭力相濟始得稍安雲
水二十年來頽者葺之衰者振之傾覆者復
新之宏演毘尼戒雷復震於是緇素口碑偁
師再世信非綺語甲子冬十一月二十三日

居師六十法誕門人輩製錦爲壽師力止之
曰前者糜粥不繼科吏追呼今也集錦稱祝
非予所宜以常任爲壽可也士大夫聞而益
敬丙寅冬以院事命前任海寧之至善安公
正方丈位匡宏律學出內任之師恬退於破
山西院香一爐經一卷自謂終年之餘樂也
爰志其傳云

正統

卷十

五

維揚寶勝寺自庵律師諱本泰廣陵人師未誕
母得異徵而育焉童時不好與羣兒戲惟晏
坐終日罕於言笑見佛僧卽趨拜父母相謂
曰此子乃釋氏中之再來耶當訪明師以導
之得本郡定慧庵壽山和尚爲其薙染一切
經書如素所蘊年滿二才乞戒於寶華松祖
旣獲戒體瑩然珠王石塔撫祖聞而招之與
語心契遂傳法焉會城東寶勝寺寺主熙敬
師免諸紳士請師主席緣師嚴于律學且品

行清華毀譽不動故諸緇素聞而樂從師雖固却所不能焉其寺始建於唐廢弛已久師不憚剪茅除穢葺缺構新叢林規模輪奐在望瞻風僧俗日無虛座致於春冬傳戒提挈毘尼爛孤利幽種種善事又非筆墨所能盡述而師亦不籍此取矜於衆適吳國博雲上公知師寡言樂靜於城南築蓮華精舍汪光祿上章公從而擴之爲師恬退之所甚愜師意遂將寶勝傳其法嗣持五岳而自退居蓮

華嵩修淨土從者猶數百指家無儲蓄之糧
未嘗絕爨古哲云憂道不憂貧師有之矣迄
今求圓學戒結夏安居者愈衆悉皆如制成
就師年近古稀精神矍鑠以諸利益無不興
起歲辛酉師周花甲四方之來祝者盈庭塞
路多半非素相識皆久耳食師名假此晉見
故翰林南軒唐公著其文曰自公接引行脚
推食解衣以成就學侶孜孜不倦無敢遐逸
則其願力之宏爲何如哉又承書周公精於

傳照請爲師寫熟視人之愕然而叉手曰師
之丰神煥發幾無著筆處矣如隨山子題其
幀曰阿師好箇道狀貌古神奇別樣如意袈
裟靜坐令人可瞻可望平生直心直行一身
無拘無故本分處世隨緣頭陀事業自初有
者誠哉讚歎有者妄言誹謗毀譽如山不動
見師過人分量何妨旁通一線此間微露影
相畢竟問着是誰律主自庵和尚吁師實錄
也範後進也

京都瑞應寺律師諱祥暉字瑞林北直天津族
孫氏其母將娠有異徵父私禱於之彌勒院
既生長六歲隨祖母王氏詣彌勒院事懺償
愿師雖齟齬觸事通曉見佛輒生喜躍聞梵
遽起指顧祖母回語父母曰此子信非塵勞
中人必宿習再來僧也商計久之遂送里之
無量院禮濟丹大師薙染教習經梵恍如記
憶年二十辭師詣金陵寶華受具足戒於定
庵和尚三載安居專精律部研究止持以夜

繼日壬午春辭定公南下兼慕禪學過普陀
天童之育王顯聖諸刹凡浙中有名宗匠無
不叅謁次應剃髮師病急特專人以書招師
北還未幾師疾大痊是冬之蔡村謁允則和
尚於興善禪寺次春卽過栢林寺叅獨超和
尚痛領鉗錘重甘逼拶此事方得妥當仍居
二載過潭板安居確志禪律不遑晷刻至壬
辰春值檀老人受瑞應請招師佐助師卽欣
然來京檀老人命掌監院事由是瑞應嘉聲

復振大弘律學近違悅來皆師輔翼之勤任
道之真卽授以衣鉢律部越三載丙申將之
五臺左都揆公曷有摩尼寶積光輝滿定向
無人覓處逢之句是秋又受大安禪師請傳
戒於護衆律院期畢還京憩西山大悲禪寺
揆公復以簡招師仍理監院事越五載辛丑
值檀老人示寂囑師繼席不獲固辭住持十
載精勤爲法律已飭躬梵衆肅然歲庚戌地
震至殿宇傾斜師竭鉢資整葺如新再講法

雲金湯二字緒置回龍田地建普伺窣堵此
皆瑞應有所無者壬子夏五月二十五日
辛巳示微疾集衆囑曰塵勞幻影實難把捉
稍涉安排卽成大錯隨緣隨分莫生節目爾
等旣爲佛子當報佛恩謹持斯語精勤莫怠
言訖趺坐而逝世壽五十有二僧臘二十有
六嗣法門人了緣悅吉光慶若木槽六符瑄
隱中成雅林如明海住淨塵成湛亮山慧輪
坤等謹奉全身塔於都城德勝門外古塔之

右焉

寶應觀音庵紋玉律師諱照慧歛之吳氏仲子
甫離襁褓過嗣蘇姓母莊氏七歲失怙便有
出塵志至九齡父遂送青陽天柱庵依松友
和尚薙染年十七往太平翠微精肄教觀載
餘族攜歸省幾誘畢姻師卽潛去後從黃山
雪大師書畫康熙癸未冬上寶華山得圓具
戒于松隱律祖明年春業師手召還天都適
里澗有永安橋乃通郡要津坍塌已久載陟

維艱咸乞師募重建僅及歲工竣尋詣兄任
留都自是徧叅知識既而聞瑞應律化之盛
師往親炙踰年深研律典每於中夜課禮不
輟寒暑檀老人益深器重卽以衣偈囑之歲
庚子回邗上遇安宜護法曾識師于京邸請
主寶應之蓮池惜多復弊卒莫能挽亦未自
肯造進辭衆欲歸台宕邑中當事士紳堅請
主東城外之觀音庵雖寥寥破屋數椽而義
不可却欣應其請蓋無恒產師處之恬如也

廿餘稔起敝支傾旋營旋葺稍稍以叢席聞
遠邇來學雲從檀施磨踵督肅傳戒翼錄無
老意兼解瑜伽世味清約居恒不越瑞應風
規嚴寒沍凍雪頂蒼然則知千華派衍聲流
無盡矣乾隆乙丑歲師年七十又七也

宗統

卷七

三

鍾吾陵山極樂慧徹律師講道福生山在兗州
濟寧褚氏師幼豐碩父母鍾愛歲弱冠思出
家年二十依淮之養因庵六門大師鬚落尋
詣極樂圓具湛祖講習木叉戒法俄舍歸門
門爲開導師感奮誓一夕聞款乃聲有省白
門門可之門沒師心喪葬畢一鉢烟邨孤筇
天外徧叅大方有道者歲辛卯回極樂桂老
人深器印之臘八命入方丈至是弘法傳戒
萬指圍繞雍正戊申三月朔日因患目疾先

交全潮于常安即弟次將法席當衆傳太初
照嗣之師即恬退頤養唯心淨土而已至乾
隆辛酉八月廿一日全潮回晚示微疾次早
命湯沐浴更囑後事竟端坐不語諸門弟子
益請遺訓師曰更有甚麼值麗菴弟偕諸山
問候師一見微笑而寂世壽八十三僧臘五
十二坐夏三十有九也戊辰冬法孫印可貴
奉塔於五華山頂

淮陰普應洞聞徹律師姓陳氏阜寧人也初母
夢頭陀解囊珠而有孕及誕祥光貫斗師在
襁褓口不納腥三五歲就知佛堂禮拜凡見
僧道問訊接談人皆驚異咸稱謂再來人也
年甫冠博綜外典克守書香師二十偶閱佛
經四相皆空句翻然有省若思而無念若照
而無覺回視朱門無異乎蓬戶矣遂依道宏
禪宿剃度秉具於聞思弘範律主師即依止
學律苦行潛修止作雙明大小通曉尚不以

一行而自高一德而自聳焉後輔友曇律師
數十年捍勞忍苦未有一事相違遂印心嗣
席廣行法化四衆欽崇歲甲寅七月六日俄
爾集衆曰予年雖耳順之餘不能廣求法藥
以自利利他惟蒙先老人付囑以來律已霜
嚴孜孜無怠今者化緣既竟爾等當珍重行
持勿致毘尼失色吾願滿矣囑畢而逝衆皆
至再留言而不可得也門人松堂壽乃塔瘞
于開山祖塋之左世壽六十有三僧臘四十

又四贊曰言炎非夸相空非頑普感應機杰
出南山今其歸矣埴瘞靈龕天龍拱衛密布
香曇旋聞德業典型存焉

宗統

卷一

三十一

聞思寺聞慧律師諱常智淮安沐陽籍幼善喜
禮觀音大士旣長披緇卽投聞思寺稟具一
日隨衆課誦至心經之無罣礙無罣礙故胸
中凝結一時渙然喜不自勝因矢志渡江遍
遊名利叅諸知識久之無所契謂同伴曰禪
以戒行爲基淨土爲本吾何跋涉形骸門外
之遠而不務實事乎遂休歸焉專依本師學
究三乘專修淨業故其觸目儆心無非戒體
舉足動步盡是威儀後監院事慎因果惜衆

物不以寸絲私已及就正位宣揚律法訓導
來學克精克誠始終不懈凡人有過必循循
陶誘其不遜者亦必委婉遣之終無慍色學
者依依不忍捨去又常與諸同袍結社修懺
師之精誠克致應感不錄於數月前卽知寂
期告諸同社至日集衆誠付衣鉢後事畢命
湯沐浴辭佛跏趺而逝後荼毘有紫色蓮花
如斗大自龕前火光中湧出上有重光影影
如師人皆聚觀久之方散噫非師之精誠所

結而能如是乎

南山

卷七 千華五世

三三

宗統

十一

三

三

真諦天慧律師諱通能鎮江金壇虞氏子也賦
性木訥厭覩繁囂資無始之良因得今生之
遠悟韶年卽失恃怙依西禪寺脫白溫良恭
儉體以得之然天韻真確含章隱躍沉漸人
群莫能測其遠邇每喜讀經寒暑不間嘗自
歎曰百年倏忽功名爲重功不常居名難與
畢乃屏息諸緣志游上乘稟具於利咸和尚
遂傳道脉厥後常住變幻乃百劃周旋方始
僞定得檀護推師主席義不容辭師曰安衆

治人莫先乎禮閑邪遷善莫尚乎律於是咸
秉貽軌重光祖道四衆雲臻不憚千里宏闡
毘尼十有六載嗣法輔化者二十三人世壽
五十二僧臘二十八降生於康熙戊辰九月
二十二日入滅於乾隆己未五月二十六日
也僧尼殷赴若喪毘仲諒不言之信不召之
感者云若夫居敬行簡喜愠不形於色知人
善誘甄藻罔遺於時臨財廉取予義明允方
大處變不渝汪汪焉堂堂焉蓋淨行之儀表

息心之軌則歟門弟子感梁木之既摧慟德
音之永闕俾陳信而有徵庶流芳而無愧

賜進士出身知尚虞縣知縣事加三級愚兄景
星撰

南山宗統卷之八

千華第五世

寶華山閔緣松律師法嗣

寶華珍輝珠律師
報恩公照月律師

石山宗明徹律師

極樂遠慧徹律師
安福靜如能律師

聞修立律師
獨山文基岐律師

杭州淨慈律冰幢律師
兼宗臨濟豐安默融達律師

道明諒律師
泊湄滿律師

桂林瑀律師

隆覺

二世

真州隆覺寺冶牧建律師法嗣

隆覺敷和悅律師

玉鏡輝律師

聖壽文成銓律師

自謙性律師

地藏廣義照律師

善超度律師

海潮惟一聞律師

延慶自讀暉律師

弘慈天霞映律師

三聖永持恒律師

東林解餘濟律師

見明所律師

瑞光正朴淳律師

兼宗臨濟

霞輝輪律師

逢杲照律師

覺然善律師

根遠本律師

文質彬律師

鐘樓西來瑞律師

蘇州福生繼能敬大師

崑山

淨土聚安光大師

焦山別峰體勤禪律師法嗣

元慧乘律師

江寧三藏殿栢庵一律師法嗣

我愚守律師

揚州

三聖善因朗大師

瓜州總持庵開賢得律師法嗣

總持覺證性律師

可悅律師

恭永律師

蘇州福生道如墻大師

宜陵慈雲寺福昌真律師法嗣

恭維律師

運修廣律師

覺先果律師

寶坊三世

寶坊鑑世珮律師法嗣

寶坊文博叅律師

千壽
三世

千壽問山禪律師法嗣

千壽敬庵誠律師

廣明耀律師

幻修德律師

美風毅律師

聞方鐘律師

玉章玟律師

秀挺直律師

祖脈清律師

千壽淨月灑律師法嗣

清源深律師

松隱法律師

千壽應相戒律師法嗣

界空正律師

徹證修律師

般若二世

興化般若庵正元本律師法嗣

般若蔭千檀律師

自在慧圓俊律師

地藏天和利律師

昂旭蓮律師

瑞安祥律師

鏡智誠一成律師

紫雲山戒光續律師法嗣

紫雲松如塵律師

松恒緣律師

旭初如律師

準提覺慧智律師法嗣

永興聖惠能律師

自明鏡律師

西寺印山幹律師

遠學永律師

玉禪經朴緣律師

松月來律師

法華岳瞻慧大師

準提萬玉甕大師

法華若虛念大師法嗣

悅賢聖大師

慈應
二世

慈應寺璇璋觀律師法嗣

慈應僧樹培律師

古曇慧芳機律師

永慶普逸仁律師

藥師靜庵榮律師

祇舍秀崖詮律師

景德法緒起律師

福山東葦海律師

瑞雲

二世

皇藏峪瑞雲寺藥屋懿律師法嗣

瑞雲大樗果律師

天如忍律師

真庵乾律師

恒林隆律師

樞衡機律師

偕登然律師

石塔
二世

揚州石塔寺朗清和律師法嗣

石塔瑞林定律師
懷清滿律師

拂慧義律師
遠人一律師

曉文長律師
品木森律師

雨亭晟律師

揚州寶寧院悅性理律師法嗣

寶寧端白正律師

泰州大聖寺怡也基律師法嗣

利和渡律師

隆本慧律師

了然慧律師

淨如安律師

湛然澄律師

重光定律師

法省盛律師

瑞然兆律師

秦州南山寺灼初霞律師法嗣

德樹林律師

明宗億律師

廣利恒怡溶律師

廣利秀水億律師

永慧性律師

寶月明律師

敬文俊律師

子芳明律師

祥光寧律師

文聚海律師

咸靜寧律師

不埃昂律師

融修圓律師

廣慧教律師

朗怡水律師

慧普智律師

聞遠常律師

揚州開元寺道本慈律師法嗣

慈照鏡律師

義廣成律師

秦州潮海寺碧浪龍律師法嗣

曙嵩德律師

雲庵成律師

普寧南律師

從善維大師

真州普福庵慧林如律師法嗣

嘯溪律師

慈慧智大師

射陵永寧寺徹朗學律師法嗣

彌陀汝華榮律師

明機融律師

曉機惺律師

永持述律師

覺斯律師

嵐峰密律師

碧峰珉律師

介眉福律師

揚州大悲寺德先證律師法嗣

大悲瑞鳴鸞律師

甘露退庵禮律師

永勝徹然智律師

慧舟清大師

揚州法源寺松真才律師法嗣

北山壽彰律師

萬緣緒律師

宜美愷律師

萬壽德普律師

揚州寶勝寺自庵泰律師法嗣

杭州開化持五岳律師

東隱樵松徹律師

天怡素律師

承慶聖機徹律師

朴中干律師

承天立賢本律師

弘茂文律師

法華容章烜律師

文慧力律師

射陵厥庵在中學律師法嗣

隱山祇律師

善果福基正律師

揚州寶嚴庵明遠安大師法嗣

澄月淨如朗大師

寶嚴慈舟淨大師

瑞應
二世

京都瑞應寺瑞林暉律師法嗣

瑞應了緣悅律師

吉光慶律師

若木楷律師

六符瑄律師

隱中成律師

雅林如律師

明海住律師

恒樂淨塵成律師

靜居洪亮山律師

聖禪慧輪坤律師

京都雪林耀律師法嗣

遠識真律師

京都秉仁壽律師法嗣

松雲能律師

京都靈光寺教宣榮律師法嗣

靈光體一律師 寶慶慧庵賢律師

太原五臺山吉祥寺思曇如律師法嗣

含光心律師 吉祥大空慧律師

寧武真宗維律師 瑞雲祥律師

仲倫經律師 熟成果律師

體靜喜律師 廣如會律師

佛會藏律師

明如朗律師

恒如祥律師

璉璧俊律師

蓮池徹徹讚律師

舍利牧山省律師

寶應觀音庵紋玉慧律師法嗣

念恩森律師

定一■律師

大光法律師

隱安元律師

若宇宏律師

弘周圓律師

如琢修律師

省庵臨律師

一愷證律師

威容堅律師

庵葦志如輝律師

西林濟律師

鈞度法律師

龍興
二世

龍興木山榮律師法嗣

道方慧律師

大川洪律師

月堂聖律師

悟本明律師

戒量寬大師

淨蘭智大師

中州溥仁院鑑中諦律師法嗣

莘野慧先福律師

徧修旺律師

濰陽卧佛寺曇印玉律師法嗣

月峯已律師

曉叅愷律師

蓮池二世

蓮池靜修度律師法嗣

瑞明祥律師

靈山正律師

印輝隆律師

文智信大師
朗明成大師

含祖
五世

京都洞本如律師法嗣

潭璋檀律師

弘慶
三世

京都隆福庵慧山倫律師法嗣

覺悟證律師

曙明徹律師

昭慶
三世

山西寧武府正果寺慈應信律師法嗣

隰州天寧妙湛修律師

昭慶懷德證律師法嗣

龍山法濤湧律師

愍其修律師

法音蒼律師

永清禹律師

道明建大師

聖明慧大師

克明進大師

獅林三世

楊美中隱庵鶴鶴一律師法嗣

得所本律師

真諦三世

北禪能鑑智律師法嗣

北禪聖靈靜律師

聖由
■律師

六安
律師

道弘
律師

曉一
愚律師

法傳六
律師

德勤
正律師

自日本
律師

真諦
永照明律師
法嗣

自誠
慧律師

真諦
天慧能律師
法嗣

學愚
睿律師

定安
靜律師

在東城
律師

真諦
禹徵基律師

真諦
曉雲起律師

慧杲
照律師

見安遵律師

大盈滿律師

抱樗玄律師

達靜隱律師

天奕珏律師

雲漢倬律師

正修海律師

道修性律師

大中杲律師

明源禪律師

法印源律師

無霞然律師

瞻佛聖量求大師

長壽正念修大師

無錫如如履中■大師

崇明彌陀履堅■大師

江陰三元無量■大師

常熟興福寺智弘理律師法嗣

淮雲至善安律師
海寧濟安生律師

南一第律師
海寧律智敦律師

聖怡宣律師
熙崖珠律師

東宿樞律師
大悲覺先悟律師

靈章宿律師
靜朗珍律師

黃泥觀聞廣律師
心聆機律師

守誠興律師
佛成律師

思安學律師
興魯愚聖律師

三教重慧勝大師 真德妙行元大師

真行妙淨真大師 盃渡定全智大師

太倉隆福寺破浪波律師法嗣

真度弘基培律師 隆福善持湛律師

湖州獅吼寺聖傳弘律師法嗣

慧潮海律師

一莖菴念慈忍大師法嗣

紹燈祖大師 一莖法印輝大師

福城證大師 定真祥大師

覺伊照大師

密如淨大師

天伊乾大師

興化義堂和律師法嗣

牧懷延律師

聞思三世

聞思聞慧智律師法嗣

御章注律師

連水法華本初性律師法嗣

延壽似亮斌律師 指南□律師

普慧牧雲義律師

天長毘尼雲谷明律師法嗣

毘尼遜宗律師

宿州彌陀廓智源律師法嗣

芳岩天榮惠律師

無量寺權衡實印律師法嗣

性天律師

隆瑞爾悅天律師法嗣

壽佛巨根印律師 樹亭嶠律師

京都報恩道通遐律師法嗣

廣如和律師 允徹印律師

榮然貴律師

同光
三世

京都延壽菴持中新律師法嗣

欣如秀律師 體真續律師

善榮貴律師

京都大悲院良弼忠律師法嗣

定如順律師

京都延壽庵戒賢有律師法嗣

慶輝慧律師

可然朗律師

極樂三世

宿遷極樂慧徹福律師法嗣

極樂太初照律師 東山靜居義律師

德明悟律師 大智仁律師

靜函潔律師

澤古聞律師

盛泉別峯震律師

子立衣律師

松雲振律師

秀水渠律師

全潮
一世

全潮常安卽律師法嗣

全潮輝遠月律師

準提
一世

準提蘊瑞定律師法嗣

三學印律師

普應
二世

淮陰普應洞聞徹律師法嗣

松堂壽律師

智先律師

宗統

卷六

五十四

千華五世下

見傳

寶華珍輝律師諱實琢鳳陽府霍邱縣陳氏子
父玉林母汪氏師誕生之時祥光燭鄰異香
滿室幼有奇相膚不受垢性澄慈恕凡聞僧
誦經念念不輟宛如宿習塾司授學過目如
流師甚愛之嘗謂其父母曰令郎年雖幼稚
觀其行止聽其語默非凡品也他日必亢君
家宗第恐紅塵中未能留者賢夫婦若慨然
肯割所愛令彼早登道岸斷不誣矣時兩尊

人聲雖唯唯然鞠養情深未能遽捨因而遷延又越三年其師又待爲請命至兩尊人前曰此子實非塵俗之流乃佛門法器何必相悞兩尊人知其志不可奪必不能留爲後遂送本縣大悲庵心開和尚爲徒三載乃祝髮攝入行伺沙彌之數心之撫字慈愛較其父母有加而待師之孝心亦較其父母爲倍切焉晨昏定省之外卽誦習研究華嚴涅槃諸法寶等會通大義年二十五慕本山戒壇儀

範嚴肅律法精細諸祖行持爲宇內第一頓
發大心欲詣山求授具足大戒一夕整衣向
師幕稟乞戒之由師慨然曰夫戒乃成佛作
祖之本基基立本固從此上建大法幢植大
寶樹永爲後來賢達依皈蔭庇庶幾不負今
日之發心吾復何云師禮謝而退隨置三衣
具鉢擇日令行師卽禮辭腰包頂笠飄然南
行旬有五日而渡大江抵龍潭下院次早上
山一徑俯仰周顧宛如舊遊熟境不覺驚歎

之曰小子不過一博地凡夫且生於草野以何因緣頓臨斯地敢邀諸佛祖接引慈力秉戒後盡形壽依此修持斷不餘思餘覺也及戒期終入學戒堂隨衆公事畢早夜孜孜無片刻怠惰凡五七年如一日所有諸大律部遮制軌範不由師教取次領會南山以前不待言南山之後如真悟智圓律師所著會真記等文當時深於此者謂其超出六十家釋義之外其旨趣悉爲之貫串非宿植慧本能

如是乎時閔祖觀其行力不怠爲擢師爲教
授領袖闔山師乃忘人忘我竭其心力輔整
數年閔老人疲於津梁集衆將法位授師師
堅辭再三祖曰此龍天常住豈予一己之私
况合山大衆皆然爾敢固違之乎師乃拜受
遂協同諸父耆舊竭力丕承謹慎兢業惟恐
失墜捍勞忍苦歷三寒暑於每年皇上萬壽
聖節制府將軍率諸文武護法千餘人來山
修禮祝延無疆道場四十九晝夜齋宿於山

二時拜祝罷與師盤桓問答律中旨要應接周致以及寢食起居能令諸公誠篤敬信稱謂佛事惟寶華山道場戒律精嚴始終如一僧衆真實不同第師自繼席以來日惟以律師人忘軀宣化報佛祖恩壬寅春仲示微疾師知世緣止此於二十日卽遵諸祖傳授家法集衆將衣鉢戒本手授於文海監院記訖時海出稽首哀辭師曰吾意已定無多讓惟勉守老祖締構建立莫大之弘功偉業力闡

波離戒法弗致毘尼減色吾目瞑矣餘無他
矚遂歸卧室惟注念淨域至三月初四早命
具水沐浴衆知齊集令同稱佛號幾百聲奄
然順化師生於康熙丙辰正月廿七入滅於
壬寅三月四日世壽四十八僧臘二十一茶
毘時火光如五色雲霞散布徧山越三日收
遺骨奉歸一葉庵左五十三位住持列塔之
次焉辛未探花叔琳黃公并題贊曰
自安豐鄉來寶華寺入不二門聞第一義因

戒得定因定得慧龍象當筵獅子據位猛火
燃頭金篦刮瞽假佛威儀爲衆生利律精科
條法無文字以堅忍力了死生事四大本空
空亦粉碎色相見我無乃疣贅薪盡火傳衣
鉢有嗣是好兒孫五體投地

皇藏峪瑞雲寺大樗律師諱如果長邑馬氏子
幼失依怙五歲乞大慈塔和尚度十五精儒
業十六習內典年二十珞師脫去始志游歷
二十三登千華戒壇秉具後卽叅濟和尚於
維揚晝三夜三不容走作兩月間默識心要
尋溫舊習遂得一貫不二之旨復上寶華博
綜頓漸律儀事任羯磨并掌翰墨嗣又遍訪
浙諸名宿如佛日璿公天目晦公皆與契機
親炙之師一日晦和尚云凡叅學人不可得

少爲足百尺竿頭還須進步明訓在耳盡形
昭佩由是縛茆於東目分經臺下屏息諸緣
聲韜木石至雍正戊申歲蒙本師藥老人慈
命三詔不得已而推向人前應箇時節每撫
膺自愧無補法門唯以衆務之暇心切已躬
偶閱雪峯熬山因緣頓將從前礙智之物豁
然冰釋矣雖然總以弘戒爲正務念佛爲助
修耳有示衆偈曰烈燄爐中建戒幢本無餘
事可商量凡情聖解皆鎔盡一句彌陀是道

場又數遭歲歉幸衆之齋益未虛乃作偈曰
瑞雲巖下老愚夫千指重圍道不孤一日兩
食藜藿飯六時持誦報皇圖乾隆壬戌時年
五十坐夏二十有七也

宗統

考

二十

聞思御章律師法諱海注清河縣施氏子幼孤
早年披緇從師遠遊足跡遍天涯於福建之
鼓山圓具師精勤宿具好學不倦雖祁寒溽
暑未嘗少怠學不假師授而成常自勵曰覓
佛覓心須要時時行不倦方爲妙用問山問
水還在久久力無窮便得知音後塋親遂歸
就本寺聞慧和尚棲止復精律部及爲教授
其愛育人才成全衲子雖有一技一能無不
被其榮接凡講解律部必詳研欵切能使人

人析義而後已尤篤孝行躬雖右寮親操侍
執聞祖老而得遂願養師之力也祖沒既主
法位則續置齋田修建方丈補殘葺廢歲無
寧日至於求賢才紹南山之命脈恢祖道續
律燄之分燈是故叢林有誨人不倦之稱或
曰師何不少憇以養中和曰人命無常一息
不來卽成他世恐一旦捐棄而作千華之罪
人耶後得秉慈一聚用文嗣其法師卽集衆
告曰今日可息肩矣遂命秉主法席而聚公

輔之師既恬退日誦法華兼修淨業凡四越
寒暑未嘗暫輟至雍正之乙卯正月二十日
晨起辭衆念佛而逝不幸秉公相繼辭世聚
律師嗣席之後建塔躬修卓然自立以其不
私厨庫不避作務等猶從遺制至論律範之
精微感化之嚴密或踵門而皈心道行或馳
簡而延莅戒壇風動四方香花填塞固知本
達千華蓋亦師之選擇得人光裕聞思矣

宗統

卷之

三

宿遷極樂太初律師諱來照彭城鳳山樊氏子
父母艱嗣息聞本郡雪山寺應真靈著遐邇
遂往禱焉于仁廟甲子生師寶月懷吞金環
手握所以靈根夙種慧業生知方就外塾早
已卓異諸童矣年十二偶遊雪山見寺僧行
道威儀輒感昔緣有在天誘其衷隨辭親投
依喚生和上爲師晝禪夜誦終歲不休年廿
四納具戒于桂昌律祖窮研藏典北請南叅
圓通三學仍歸極樂慧老人深器重執書記

尋遷羯磨首衆遂入室焉至雍正戊申三月
一日慧公因目患命師主席力行十有四載
未嘗改廢繩墨復應邳宿士大夫請王名藍
傳戒孜孜無倦色常垂示云從上古錐氣分
相投以見源源相接行道之懷當以四海衲
子雲芝景聚與吾一體而吾之一體亦與四
海衲子無異凡歷其事若有是非曲直應以
平等如律剖斷不可徇私逞己以覆正論使
一切人心服其行所以克己復禮天下歸仁

焉若不克復縱有機智多才人皆棄之不悅
當觀古人龜鑑可尚者依爲模範若能如是
鄭重行持道風布于朝野然後佛祖命脈籍
以流通叢林典型賴以表揚若夫忝居法門
作央庠常泛之流以正眼觀之甚無補以先
聖何能起門庭顯法系于萬一乎且得人授
受之際更須珍重必也識見超卓德行可表
雖有福緣亦欲密察其心術有端方至正之
所由來纔可暢其本懷且不愧稱會下有人

若不審其來歷只輕易放行如稻麻竹葺何足言其輕重大可慨矣究其所以千斤擔子蓋爲佛祖出世第一大事因緣其慎重過于單絲繫鼎非看作等閒造次能繼其斯道之大業也據師法道謹嚴座下嘗盈千指有二依之叢久者一衆視之應得衣盃默記師意師曰渠不得吾真血脉衆罔措乾隆六年八月慧老人順寂心喪盡禮至七年五月十三日忽書座右曰我七月十九日且去矣及

期衆咸聚計議後事或曰衆舉無如問師一
衆就前問曰師雖化儀事畢獨不虞極樂之
法脉耶師曰寧絕嗣不亂傳今將院事且託
德明弟主持爾等當竭心任事三載與我無
異至午刻澡漱跏趺念佛而逝師生于康熙
二十三年正月初一日示寂于乾隆七年七
月十九日世壽五十有九戒臘三十又五師
旣滅度而同門德明悟公遵唱祖道以來綱
紀後昆毫無踰越至十年五月二十日示微

疾二十有七日促請宗長麗庵錫公輝遠月
公泊集衆告曰吾住無心去亦無口向下文
長大家出手說已泊然而化掩龕前三日異
香滿室誠哉師亦不輕許人自私授受無負
正傳寄託之重矣時諸尊長謂兩序曰國不
可一日無君龍天常住敢可久乏其主乎擇
七月朔日邀本城紳士公同邑宰錢公兩學
當道及護法緇素等默禱佛祖伽藍齊集太
初照師龕右焚香天選衆闡之中拈得印可

首座繼位卽太律師之戒弟子也人依祖山
徧叅名宿職操嚴謚以戒本爲日課蓋乃時
至理彰龍天推出復鳴椎憑衆隨將祖遺衣
鉢法物與方丈一併證明交付親承太初和
尚法乳爲極樂第五代也印公旣嗣席遵師
道仰祖德以行其化甫三載力整祖山儀範
備述極樂祖傳並攷分化在法諸師請入宗
統以廣其傳建立慧太德三師宰堵波于五
華塔院兼多佐輔法門道風丕振漸就廢墜

一新之功其誰與歸蓋悟公固與太陽同意而印與浮山志亦有加論曰

然味太律師真血脈一言在往哲極斥以爲庸妄今譜牒俾之以垂千古不磨門庭賴斯以永支葉蕃茂欽惟憲廟尚不壞世相旨有不傳之傳而印公紹其無授之受以襲帝王佛祖記莠之別例抑有由矣於乎夫南山律祖遙承法正之統系爲百世師者若而人則吾太初公言繫九鼎之絲傳爲天下法者若

而人

南山

卷之六

三

宗
統

卷ノ

三ノ

金陵慈應寺僧樹律師諱實培邗江甘泉人也
俗姓石氏幼年賦性耿介不事繁文素仰空
門高潔因有二親在堂不忍遠離膝下後得
兄弟成立能代定省之勞遂爾辭親遠渡江
干遍訪知識乃至句曲之胄王山得遇雪崖
禪師卽求剃度師見其品貌不凡舉止端方
將來必爲法門柱石遂薙髮於寶山寺焉日
則澄清苦行夜則虔禮法華自披緇以至仙
遊始終未見怠忽於康熙五十九年秉具干

華次叅慈應由副寺以至當家輔弼常住盡
心竭力不避艱險璇公和尚示寂卽以方丈
命之自主法席之後愈加警惕精嚴毘尼專
修淨土兢兢業業凜凜自持前人之所已作
者力能守之前人之所未作者力能補之紹
隆基業獨挽頽波猶欲煥然一新忽爾倏然
西逝幸有尊證弟子古雲身任監院十載應
行應止悉皆熟諳遂以衣鉢付之命主院務
惟囑以道心堅固慎之勿怠汝其勉諸師於

乾隆十六年閏五月二十五日示寂世壽五十有七僧臘二十有一遠近檀護四方衲子無不爲之悼惜



宗統

卷八

三



真諦曉雲律師諱宗起東魯魚臺劉氏仲子也
父升善有衍慶母楊氏夢彩雲遶室而有娠
誕生之日靈異不凡方九齡南陽相若和尚
見而奇之欲扳師出家父母見師每有夙根
遂允年十二師剃染亦不拒也閱七寒暑遂
發憤遊叅以爲大丈夫旣辭親遠俗豈羈縻
於鄉土哉乃于中夜踰垣遙空禮別父母師
長有百城烟水之想行至途中露地而坐黎
明登舟南下頗歷艱辛經三載方克稟具於

利咸和尚逮後訪叅耆宿得窺堂奧山川壯麗亦靡不流覽焉雍正己酉歲仍還姑蘇得法於天慧律師執勞運役莫不以身先之至乾隆辛酉小春繼席真諦不事華飾惟以至誠接物爲任能創前人之未備大振家聲迨乎乙酉秋七月三日謂門弟子曰吾年踰從心無所顧戀第以運值季秋人根澆薄當以真實修持爲念爾其勉旃囑畢而逝世壽七十有一僧臘四十有九

南山宗統卷之九

千華第六世

寶華山珍輝珠律師法嗣

寶華文海聚律師

泰州冰壺玉律師

天寧天玉銓律師

金陵大報恩寺三藏公照月律師法嗣

崇法致和純律師

獅山貫通九律師

蘆塘如滄福律師

滄月澄律師

延壽宗紹慶律師

秦州修然輪律師
龍華寶光朗律師

涇縣石山臺泉寺宗明徹律師法嗣

臺泉自如見律師 莖草道成庚律師

道敦厚律師 鏡月文朗煥律師

長春開塵璨律師 臺泉雲石照律師

可成果律師 天峯慧容悟律師

觀音意林斌律師 紫茸吉雲賢律師

開化相律師 閒雲祥律師

聖機秉律師 鏡月崇遠裕律師

杭州淨慈寺律冰幢律師法嗣

水月惟若一律師 淨慈清遠近律師

復本成律師 覺修緣律師

齡遠壽律師 慧雲智水淵律師

月燦耀律師 道惟興律師

長福慧天宿律師 了凡真律師

勤修蓮律師 心融徹律師

隆覺
二世

隆覺寺敷和悅律師法嗣

文學慧律師

文波海律師

京江海潮寺惟一聞律師法嗣

行可恕律師

勤修果律師

廣修律師

正杲昱律師

士玉柱律師

元修■律師

通義仁律師

舒芳莖律師

徹悟■律師

至誠利律師

吳江華嚴寺自讀暉律師法嗣

欽和柱律師

純義宗律師

一莖土律師

心如修律師

海庵修律師

雲陽經山崇教寺健明所律師法嗣

無塵徹律師

護國月朗圓律師

亮月明律師

鐘樓西來瑞律師法嗣

誓周量律師

圓潔瑞律師

照嵩膏律師

總持
二世

總持覺證性律師法嗣

修月成律師

德源真律師

自成光律師

在中
■律師

清成聖律師

愷林宗律師

月明心律師

我聞福律師

大淳真律師

千壽

四世

千壽敬庵誠律師法嗣

達山林律師

慧聞常律師

慧明瓚律師

太然元律師

雪林諭律師

般若
三世

興化般若庵蔭千檀律師法嗣

般若真源淮律師

東林月堂湛律師

自遠宏律師

得如峯律師

大杲照律師

濟川■律師

大聖聯璧奎律師

兼宗

彌陀蘊空聞律師

兼宗

寶華慧鑑大師

兼宗

自在慧圓俊律師法嗣

自在妙果性律師

自在祥元勝律師

慧徹開律師

智元容律師

普德仁律師

永正如律師

地藏天和律師法嗣

定慈四可益律師

振南凱律師

普濟明律師

東來志律師

觀音德文音律師

德善全律師

顯空傳律師

懷印成律師

覺海清律師

紫雲如松塵律師法嗣

紫雲覺海涌律師

觀音松恒緣律師法嗣

觀音慧宗章律師

西寺印山幹律師法嗣

葦航筏律師

準提遠學永律師法嗣

思哲能律師

思牧體律師

玉禪經朴緣律師法嗣

自雲
■律師

慈應
三世

慈應僧樹培律師法嗣

慈應古雲澄律師

瑞雲
三世

皇藏峪瑞雲寺大樗果律師法嗣

相如慶律師

弘濟融律師

扶宣能律師

石塔
三世

揚州石塔寺瑞林定律師法嗣

石塔拙菴愚律師

海山濶律師

修學民律師

清如覺律師

立雲弘律師

弘義仁律師

聖傳弘大師

揚州舍利曉聞長律師法嗣

鶴棲雲律師

能安定律師

宗興妙律師

維揚建隆寺品木森律師法嗣

寶寧
二世

揚州寶寧院端白正律師法嗣

寶寧振玉鐸律師
福田思修文律師

射陵廣利院恒怡溶律師法嗣

祥瑞耀律師

射陵廣利院秀水億律師法嗣

南山寺聞遠常律師法嗣

方來悟律師

開元
二世

揚州開元寺慈照鏡律師法嗣

開元在永聚律師 在舟郁律師

揚州開元寺義廣成律師法嗣

開元聖安齡律師 在中智律師

潮海
二世

泰州潮海寺雲庵成律師法嗣

體安泰律師

智杲曉律師

射陵彌陀寺汝華榮律師法嗣

維杲悟律師

大悲
二世

揚州大悲寺瑞鳴鸞律師法嗣

朗如明律師

自性慧律師

寶勝
二世

杭州開化寺持五岳律師法嗣

蓮僧 ■ 律師

界幻 ■ 律師

希聖學律師

弘修學律師

本善 ■ 律師

脫塵 ■ 律師

德雲 ■ 律師

西傳音律師

松蔭智律師

燦月寬律師

性天律師法嗣

玉璽 ■ 律師

揚州東隱庵樵松徹律師法嗣

蓮華可立成律師

揚州澄月庵淨如朗大師法嗣

寶安純大師

智安能大師

聞思
四世

聞思御章注律師法嗣

秉慈一律師

聚用文律師

瑞應
三世

京都瑞應寺了緣悅律師法嗣

續仁貫律師

智寬徹律師

廣含藏律師

量遠度律師

嶗山大澤洽律師

京都靈光寺體一律師法嗣

樂天律師

五臺山吉祥寺大空慧律師法嗣

清涼法藏相律師

吉祥碧雲寶律師

國璋玉律師

兆來普律師

寶光璽律師

量覺珮律師

宗悅行律師

寧武真宗維律師法嗣

玉璽瑞律師

寶應蓮池庵徵徹讚律師法嗣

智廣德律師

曉庵啟律師

弘開容律師

釋凡性律師

五臺吉
祥二世

維揚舍利牧山省律師法嗣

廣修叅律師

定巖先律師

寶應觀音

庵二世

如琢修律師法嗣

清池澄律師

省庵臨律師法嗣

隱公明律師

淨土一愷證律師法嗣

益冰霞律師

葦庵志如輝律師法嗣

去塵煥律師

圓光
四世

京都體真續律師法嗣

妙德全律師


典福
二世

太倉淮雲寺至善安律師法嗣

海寧宗一巽律師
海寧定心一律師

允成正律師

龍興
三世

大川洪律師法嗣

徹明亮律師

寶坊
四世

寶坊文博叅律師法嗣

寶坊恒泰開律師

真諦
四世

瞻佛聖量求大師法嗣

瞻佛義章佑大師

淨月明大師

真諦曉雲起律師法嗣

天機緣律師 自省承律師

晴川湛律師 道瓏鳳律師

祥宗弘律師 真諦甫見雲律師

振玉音律師 剖塵玉律師

映清霞律師 惠文靜律師

覺文宗律師 燦明輝律師

融三性律師 勝三律律師

方文彬質律師 德勤道律師

隆福戒真慧大師 瑞雲道明宗大師

孝貞在山明大師 大悲靜求企大師

長壽正念修大師法嗣

戒弘智大師 道庵松大師

亮庵月大師 戒定聖大師

興福魯愚聖律師法嗣

竣山演律師 巨能德律師

昶庵日律師 性涵屈律師

道立成律師

興福二世定全智大師法嗣

杯渡淨慧信大師法嗣

燦明章大師

北禪
二世

聖靈靜律師法嗣

北禪道生本律師

耀乾煜律師

清涼天銳忍律師

豁然一律師

瀟質鑑律師

北禪法輪位律師

苑伽九成益律師

智海慧律師

覺先
律師

極樂
四世

宿遷極樂太初照律師法嗣

極樂印可貴律師
靈峰住律師

全潮
二世

全潮輝遠月律師法嗣

南山

卷之千華七世

一

三

--	--	--	--	--	--	--	--	--	--

千華六世下

見傳

寶華山文海律師法諱福聚號二愚係

皇壇千八百僧之得戒師也師嗣珍輝琢公琢
嗣閔緣松公松嗣松隱義公義嗣定庵基公
基嗣見月體公體嗣三昧光公光爲千華弘
戒始祖其嗣十有八人惟體公一支嫡嫡親
承爲千華正脈其餘傳法各方闡化演暢毘
尼者靡不悉遵千華範制故原南山一派盡
在千華祥發矣師望光公爲七世祖遞代相

承永永振起至師戒雷益震戒幢益高制行
精嚴立法整肅天下求戒者雲臻輒以千計
人以謂體公之後身深有由矣體公爲千華
繼起其殿樓堂閣與夫矩則壇儀悉爲重整
或有未適其願者遷化時囑我再來也師於

憲廟時應

詔入都

賜紫傳戒期中戒子千八百九衆之多昔

世尊常隨聽法僅千二百五十人俱師以燕山一

會數乃過之固是

古佛治化感發所致要非師之實與名稱何其上
下感孚有若是耶期畢護送還山榮寵之盛
一時緇流無有出其右者及旋未幾

賜帑重新百美具備得圓體公之遺願信卽師
之夙願也並可異者師爲童子時度橋失水
半嚮似有人語此是紹隆之業其在斯乎頃
浮水面至於法源開戒是日天朗氣清慶雲
覆頂倏忽龍現於中庭圍繞四衆稱奇瑞焉

其他興顯茲不贅錄按師族系浙之義烏駱氏賓王之後裔也祖司淳溪稅務因籍高淳父林生公母戴氏師在胎而夢日兆祥旣誕而神光下燭及卅災水厄亟依溧水上方寺靜生和尚出家習經師命禮大士號漸通義趣年當受具乃詣華山得戒於閔律師嗣是外檢律儀內照實相尋扣天童天目諸名宿見而深器師謂機拳棒喝尤屬筌表志以弘戒爲願復上寶華珍公遂令入室命監院事

閱載餘卽繼席千華由是戒香圓徧龍象景
從而南山祖道賴以益振師嘗以

世宗所示心要誘掖初機輪藏潛修老而彌篤課
餘所輯有施食儀觀南山宗統等書亦補千
華所未發者乃爲贊曰昔我

古佛圓明如來以帝王身行菩薩行旣維道之以
德齊之以禮而又兩大法雨震大法雷世法
佛法不相叅雜乃曾

召師踞皇戒壇之千華座作師子吼凡歷諸勝

而奉金剛光明寶戒者悉令作佛祖兒孫誠
哉從茲授受相傳燈燈相續益傳益廣愈繼
愈隆望之者如仰嵩華而揖滄江曾不測乎
高高深深者也夫德攸天縱正三學之紀綱
道統師宏傳四分於聖位餐其風者皆曰不
可思議不可思議師生於康熙丙寅九月十
六日示寂於乾隆乙酉八月初二日茶毘時
金光燭天見者詫奇燼餘獲舍利數十粒光
潤如珠門人各分奉供於塔焉泊入塔時復

又夜現祥光數次白赤交輝林巒藹瑞院衆
咸瞻悉皆稽首唱善世壽八十僧臘七十坐
夏五十有四門弟子八十二人建窣都於龍
山之巔

賜進士出身中憲大夫

日講官起居注詹事府少詹事兼翰林院侍
講學士前右春坊右庶子兼翰林院侍講嘉
定張鵬翀拜撰

南山宗統卷之十

千華第七世

寶華山文海聚律師法嗣

寶華理筠言律師

雪浪鑑如含律師 極樂慧善曜律師

極樂澤周福律師 景蓮華律師

法源天月實律師 法雲澹園素律師

誠樸慈律師 德慧緣律師

廣週全律師 祖燈巨濤澍律師

慧光晃律師

智珠德增賢律師

如登從律師

自容源律師

善倫英律師

福慧嵩山善律師

岸先道律師

德賢證律師

德滋泰律師

瑞符泰律師

毘盧靜安太律師

一弘照律師

叅徹石律師

蘭嶺秘律師

光孝寺炳一慧律師

佛燈明律師

徧滋週律師

惠周仁律師

都天 仰山西池荷律師 泰州永宜達律師

省徹淨律師 普瑜璽律師

如如悟律師 浩聲潮律師

如鑑慧律師 震蒼靜律師

性愷澄律師 蘇江 治平潤恒樹律師

慈雲 寺復聞廣律師 省愚賢律師

義立柱律師 月恒睿律師

方來真律師 濟度能律師

潤然霈律師 貽中悟律師

香嶺文律師

大徹楞律師

維揚梵音息凡慧律師

碧山澄律師

鷲峯嶽律師

西爽照律師

悟西授律師

方伯何渭如如居士

慧周廣律師

曉叅化律師

藏舟仁律師

明覺峰律師

貫明詮律師

玉衡恕律師

萬鍾祿律師

雲山本律師

擇安順律師

修德美律師

如川昌律師

濟川渡律師

道興常律師

月如純律師

恒懷叅律師

竹君筠律師

可餘
■ 律師

澄性善律師

晏海林律師

揚州 敬佛叅一學大師 蘇州 福生紹真瑛大師

維揚 三聖法弘應大師 廣陵 三聖法霖潤大師

姑蘇 福生聖轉澄大師 蘇州 圓通慈雲世大師

萬壽容先宗大師 本善誠大師

泰州冰壺玉律師法嗣

山海山隱億律師

常州天寧寺天玉銓律師法嗣

肇遠先律師

栢嶺純律師

岳宗立律師

種福本杲乘律師

靜修然律師

普會智凱琛律師

伏虎雪鑑亮律師

鑑朗炯律師

慧禪榮律師

道宏化律師

上僧根雲現律師

松澗實律師

隆興徹律師

大雲祥律師

宏舟航律師

觀音爾霞純律師

月川音律師

秦州定慧寺修然輪律師法嗣

清寧映潭月律師

定慧山暉玉律師

石山二世

石山臺泉自如見律師法嗣

西華繼美清律師 雨臺紹隆興律師

崇明灼然覺律師 普光念修教律師

止山元林彬律師

淨慈二世

淨慈清遠近律師法嗣

雨芳濟律師

道悟定律師

靜山果律師

慧宗智律師

閻思五世

淮安閻思寺聚用文律師法嗣

涵空長律師

養淳頤律師

靜明興律師

定遠壽律師

弘修義律師

侶賢濬律師

智先德律師

荆含玠律師

伏霞璉律師

鑑淳照律師

道峯德律師

碧淳環律師

蘊哲敏律師

壽持祿律師

覲光宸律師

遍照燦律師

布金洞廓知律師

兼宗臨濟

秉慈一律師法嗣

拙峯覺律師

兼宗曹洞

瑞應
四世

五臺山吉祥寺碧雲寶律師法嗣

離塵徹律師

保定
宣文

澄朗雲律師

玉璽律師法嗣

隆印律師

慶雲律師

真諦
五世

惠文靜律師法嗣

守樸真律師

融三性律師法嗣

性蓮果律師

隆福戒真慧大師法嗣

道源成大師

瑞雲道明宗大師法嗣

勤脩成大師

孝貞在山明大師法嗣

道德如大師

道成來大師

瞻佛淨月明大師法嗣

慧輪脩大師

許關 白衣庵戒定聖大師法嗣

道善能大師

福壽道庵松大師法嗣

湛禪緣大師

北禪
三世

道生本律師法嗣

北禪恂公謙律師

法宏坤律師

再安林律師

宗明姚律師

清涼
一世

天鏡忍律師法嗣

北禪一雨濟律師

清涼顯清耀律師

泗州恒覺源律師
廣慧梵谷求律師

法輪位律師法嗣

北禪淨山幻律師

歿伽一世九成益律師法嗣

月朗律師

濬質鑑律師法嗣

慧覺願律師

勅賜萬安山白龍寺耀乾煜律師法嗣

南山

卷十 千華八世

八

自堅
律師

敏卓志律師

蓮池
四世

白衣菴省安立大師法嗣

月賢成大師

自在妙果性律師法嗣

開學弘律師

自在祥元勝律師法嗣

曉達徹律師

紫雲覺海涌律師法嗣

純一高律師

韋航渡律師

楚堂祥律師

慧德緣律師

聖叅鸞律師

觀音慧宗章律師法嗣

大徹信律師

天權成律師

極樂
五世

宿遷極樂印可貴律師法嗣

極樂坤傳微律師

輝禪法律師

大圓成律師

觀止善律師

道心微律師

玉真際律師

兼宗
賢首

慈應
四世

慈應古雲澄律師法嗣

悉證照律師

崇德悟律師

明見悟律師

嵩山高律師

中勝智律師

繼宗脉律師

全潮
三世

全潮寶珠玉律師法嗣

全潮天滋潤律師

京江海
潮三世

京江海潮寺至誠利律師法嗣

方泉淋律師

恒修遠律師

自安明律師

寶峯誠律師

正法傳律師

誠修果律師

昆涯蕃律師

玉野燦律師

般若
四世

般若崑源淮律師法嗣

慧源舫律師

徧知語律師

湛衡渠律師

道宏峻律師

惟信炎律師

東林月堂湛律師法嗣

湛海律師

召南律師

大杲照律師法嗣

寶華慧鑒大師法嗣

性明觀大師

宗統

卷十

十一

千華七世下 見傳

余曩者官於浙爲平湖令於邑中氏族頗詳
傳有子林徐公以儒世其業其妻俞氏常齋
奉佛于 康熙戊子歲佛誕前三日生一子
岐嶷穎悟骨相非凡稍長雖遵家訓而攻儒
業然超然有出塵之思焉其後二親終慨然
曰幻軀浮脆四大非真卽堅如鐵石寧有不
歸磨滅者乎於是造德藏寺謁 兩曇禪師
而釋形入道焉余聞而異之以爲是殆靈根

夙具因緣現世欲爲禪林闡教立大功德者
耶迨 乾隆乙酉歲余迎

鑾江南見有主治平寺長老呼祝

萬歲奏對之下喜動

天顏賜之聯額以輝其梵宇維時桂林 陳相國

爲江蘇撫軍語人曰治平雖稱古剎然棟折
礎崩久已委諸灌莽是乃予延自千華故爾
重興寶地非具大力量者烏足當此擔荷耶
余益心異其人問其號則理筠也問其名則

性言也門其譜宗則受法於千華之文翁
律主而分席天隆也問其出家則雜染於德
藏寺之雨曇禪師也問其本姓則徐氏也
問其里居則浙之平湖也余乃恍然知是卽
向者所聞徐氏之子以幻軀爲浮脆以四大
爲非真而皈空門者也不洵足爲禪林闡教
立大功德也哉厥後五年余由浙江藩司
簡任太僕來京師寓居法源寺東鄙與其寺之方
丈遇隆禪師時相往來詢其宗派亦係出自

千華乃語及理筠律師云於雍正辛亥歲曾
隨千華 文翁老和尚奉

詔入京建慈壇於

帝都廣法戒於海內護持贊襄功無量焉嗣是主
天隆者三年主治平者六年至乾隆乙酉仲
秋 文翁老和尚謝世以師遠未及赴虛席
以待衆同門默喻其意焚香恭請復迎入千
華主嗣法席珠林明燈賴以弗墜于乾隆戊
子歲深荷

天顏欽賜梅花一軸

恩綸榮寵世所難逢頓於乾隆己丑春二月九日
召衆沙門及嗣法弟子於蒲團上宣其遺教
令掌跏趺而逝嗚呼此誠所謂功德圓滿終
歸正果者乎師世壽六十一僧臘四十有八
坐夏三十有四荼毘時金光燭天雲霞四布
門人收遺骨舍利奉歸於塔焉余以向所聞
見合之遇隆禪師所稱述爲序其始末如此
賜進士出身太僕寺正卿浙江承宣布政使司布

政使分巡杭嘉湖兵備道杭州府知府杭州
府東塘同知海寧縣知縣平湖縣知縣加三
級紀錄十一次東武劉純煒序

源法

天月律師

師

性實號澄菴江南山陽劉氏裔

也寶華南望歸心隨斷續之雲迦葉西還
香氣散繽紛之雨望松風於舊塢尋師欲
入亂峯分芋火於寒爐證道猶留淨土叢
蘭瘦竹石床清課從容片石疎花寶鼎餘
香澹遠數戒珠而微笑僧臘長多敲仙磬
以忘言禪心自定帝城春雨三千之說法

有緣佛界流沙百萬之度人無量惟我

天月律師青蓮作骨生從烟水釣臺黃蘗爲
心證向雲山覺路送僊胎於碧落遙空瞻
大士慈容留瑞氣於紅雲宿世本定光古
佛當其辭家鵲浦訪道獅壇爰瞻地肺之
洞天遂入雷音之佛座空山蘭若戒行深
巖古洞蒲團勤修勇猛負丰萬峯之曲盡
日忘饑燃燈一室之龕終宵入定二十年
密行驚人千萬劫因果不苟舉步而師門

器重知志願之懇誠低眉而性海圓通識
道心之堅固于華縹緲經壇共振宗風雙
樹婆娑法席還爲都講餘霞句曲藤蘿之
舊路依然涼月瞿曇檜栢之前遊無恙冷
暖一泓流水清間只愛住山高低幾片孤
雲性嬾何心出岫旣而 本師文海老和
尙袈裟

內召趨朝瞻有喜

天顏鈴鐸高壇說戒聚無遮大會于時 天月

律師情殷輔弼首作龍衛虎從位居教擯
同灑香風花雨海內之緇黃雲集毘盧羣
仰莊嚴日邊之金碧烟凝頂禮同生悲悟
道場圓滿瑞鶴摩空梵唄悠揚金貌現相
禪燈月朗諸天盡化光明戒鼓雷鳴大地
都爲震動乃承恩人

覲垂青正眷齋筵而拜疏求歸 賜紫遙還舊
壑潞河餞後祇懸清夢於歸舟鍾阜唵回
尚帶 御香於老衲望雲山於北地十三

陵別夢茫蒼尋烟雨於南朝五百寺詩懷
清曠然而琳宮福地可無住錫之高僧紺
殿祥雲遂擇傳衣之法嗣於是 天月律
師就日瞻雲遵

王言而登寶座結衣徹屢率大衆而守清規闕
鐘魚於靜室地偏自遠塵喧供瓶鉢於幽
軒客久頻經歲月觚稜突兀雲開遠響霜
鯨簷角琅璫風動齊喧鐵馬雖郵書招隱
懷鄉欲返東林而 優詔堅留祝國宜憐

西苑愛一拳之繩瘦石骨同癯憐四面之
紛垂槐陰已老慈航廣渡婆心之接引何
窮冷竈分餐苦行之薰修益固猶且念師
恩之未報馨香願肅丹青傳

帝澤於無疆誦美誰書碑碣遙尋廢寺徘徊破
瓦頽垣偶訪偏隅惆悵荒烟冷露遂布金
而購地藏將舍利瑤函爰掃石以成壇建
出波羅寶閣宜其證真如於般若金剛留
不壞之身宣律教於迦羅玉帶鎮多情之

客也哉詩也憶對床之風雪曾眠薜荔山
房歌介爵於雲霞屢餽葡萄乃頻遊京洛
青眼猶存而話舊山河白頭相慰菩薩之
飛行何處每因離合關心維摩之棒唱多
年已悟升沉若夢食盡粳榔麩味齒牙盡
帶旃檀吟歸芍藥花欄肺腑初嘗蔬茗偶
然一笑清談已過虎溪且約三生後會重
逢圓澤云爾

宗統

卷十

十一

勅賜維揚傳千華八世智珠寺開山第一代德增
賢律師傳畧

師名性賢號德增淮郡之安東嵇氏子也嵇
故中散後裔世爲甲族父祥生處士有隱德
母孫氏夢慶雲入懷而孕產時異香滿室時
康熙癸未正月二十二日亥刻也生三日不
乳稍長不茹葷具夙慧好禮佛已有出塵之
志父母異之不拂其意十一歲遂出家於郡
之廟灣祇園寺爲子敏師弟子寺故以法事

狗世俗之請吹螺唱隕日紛如也師廁其中
鬱鬱不得志慨然曰吾聞如來大法將以明
心見性顧爾作劇耶吾其行矣二十一歲遂
決計詣寶華山受具足戒於文海大和尚文
公一見師卽器之令侍中瓶依左右師服勤
執事惟謹凡朝夕之所容叩出入之所見聞
薰心砭骨如奉龜鑑數年復遍叅知識造虎
邱謁洞明和尚繼謁諸大尊宿師慧悟超凡
勇往精詣洞徹宗旨豁如也雍正十二年恭

遇

世宗憲皇帝特召本師文海和尚入都

皇壇傳戒師從襄事

賜絳衣臨壇作證戒期圓滿於

圓明園引

見奉

命內庭參禪

恩賚優渥師勤慎小心寒暑不懈

今皇帝御極奉

勅還山復佐理華山事師已甘心遁世無何維揚
有吉祥院者地臨河濱窪雜囂塵爲諸無賴
逼處漸就圯廢郡有檀護汪交如載南翁等
敦請師住錫師堅辭不允繼以三請諄諄遂
慨然擔荷敗壁頽垣藿粥不繼晏如也鳴之
縣尹趙公將無賴懲治門庭以清詳碑記中
師精持律儀嚴攝一衆羯磨布薩規條肅然
人漸嚮信檀護寢廣今 藩憲何公等爲之
勸募經營殿閣寮廡以次修建基址式廓不

數年遂成巨刹乾隆十六年辛未

聖駕巡幸南服師率衆迎

鑿蒙

賜智珠寺額

天章璀璨炳曜日星復奉 齋使今少司農高公

發帑重修梵宇巍峩益增鉅麗於是創造戒
壇並構精藍五處續置齋田四百餘畝資接
雲衆稟戒食指數千寂然無譁隱然華山一
大支派也 師言貌伉朗風骨森峻見者望

而敬之而居心和易遇人以誠接人以慈親
疎一體敏鈍同誨學人一涉其庭依依不忍
去道風彌震而處之退然其自律甚嚴寒必
露頂暑必搭衣食必持鉢襯施填積一錢不
私每鉅工大役一身肩之不動聲色而衆力
所趨不言而信不約而嚴故其所成就規撫
宏整若此南豐曾氏有云佛之徒凡有所興
作其用力也勤刻意也專不苟速成不求急
效故善以小致大以難致易豈不信哉師之

嗣法弟子圓亮化等多人余與師同里戚誼又
方外交多年故爲之標其梗槩以勒諸石且
俾後之嗣居茲寺者遵循不替刻苦修持以
爲可大可久之規則智珠律院之興與華山
並峙永永無極矣時乾隆三十有二年三月

震旦

賜進士出身原任

日講起居注官翰林院編修山陽阮學濬拜撰

宗統

卷一

一一一

維揚旌忠寺德滋律師傳

維揚旌忠寺律師諱性泰字德滋淮安山陽人也俗姓董氏卅角時性好佛經不茹葷酒每於嬉戲間向空合掌作禮拜狀父母曰此子是蓮池會上再來人也不可昧其前因年十五卽訪本郡普應菴 洞聞和尚道德純修准干稱爲第一送求剃度 洞和尚見其幼年而信根早具行端而動止安詳雍雍有大人之態將來必爲法門之梁棟遂欣爲薙髮焉師命日則灑掃

誦習夜則禮拜潛修年二十赴華山求 文公
老和尚受戒後砥礪修行臨事不苟持身謙謹
人莫能及雍正甲寅春隨 老和尚奉 詔入
都開放 皇戒於法源廣濟兩寺師爲侍者
兼巡視之職期畢隨 文公於圓明園引見
御賜高麗布齋帛等物復隨本師奉 旨還山
不離老和尚左右者三十餘年愈見操立深堅
輔弼辛勤遂以衣偈囑之命開戒天隆五載規
模大振道風譽滿金陵嗣因 本師老人示寂

之後乃讓法弟隱迹海陵僧俗咸稱其義焉丙戌春復邗江當仕紳縉之請住錫旌忠寺爲中興第一代將見律法之興維揚又翹出一支矣至於敦厚持重資敏才藏緇素之歸依四衆之欽遵無不奉之尊之益徵師之雨化之感且遠也是爲傳

楚易髮弟徐步嶠拜撰於芙蓉書屋

宗
統

卷
一

三
一

維揚江都慈雲寺復聞律師諱性廣江南淮安
鹽邑蔣氏子也然蔣氏乃鹽邑中之巨族而
代多顯著者師生於康熙辛丑年九月二十
八日子時居童穉時舉止靜默不近葷羶凡
父師之教聰穎迥異尤其厭聽歌喧欣聞梵
唄蓋師之願力所基信非偶然歲年二十依
投本邑之普利菴于賢和尚出家未幾叅遊
白塔依止日生老和尚二載和尚知其非樊
籠器也訓以戒爲入道根源于九年春指造

寶華山依文祖老和尚圓具戒品老和尚深
加顧重格外提撕命侍中瓶復擢維那于十
五年冬親拈付囑師念佛祖淵源西來大義
疑碍于中終非所得遂造高旻遊天童朝南
海禮育王親覩大士之真容躬瞻舍利之瑞
相至於江浙名刹當代堂頭無不遍叅而後
妄情頓息究知天涯海外殊無勝於本地風
光也于二十一年棲心金山復究楞嚴將謂
衝關之旨其在是乎何其寶華本師老人親

命還山監理院務恭迎

聖駕恩錫優隆至二十三年秋致受宜陵合鎮紳士檀護等公啓主席慈雲緣其諄切義難辭謝于是勉荷住持漸後寺宇重新于三十一年而始宏傳戒法雲衆翹瞻稱古道場也師之生平勞瘁爲法忘軀利濟之念可謂曲盡婆心矣余因素親言教梗槩周知僅述大畧以供海內英賢幸勿倦於倣效云

宗統

卷

三

千華第八世

寶華理筠言律師法嗣

寶華渾儀先律師

東魯登律師

自性安律師

見可微律師

慧如覺律師

含虛境律師

極樂寺慧善曜律師法嗣

菩提轉周輪律師

隱空援律師

仙寓怡然悅律師

無上海印源律師

極樂澤周福律師法嗣

怡章泰律師

逸山慧律師

慧遠元律師

廣露塵律師

京都法源天月實律師法嗣

法源遇隆升律師

清虛林律師

智海理律師

德圓因律師

聖德成律師

永清燦律師

智達通律師

圓明日律師

敬天法律師

杲堂融律師

愚慧柱律師

福山超律師

濟連瀚律師

慧月明律師

輝玉徹律師

悟修柱律師

京都廣濟寺

松巖修律師

潔清廉律師

元亮炎律師

貫之文律師

得空恒律師

正因祐律師

廣度忻律師

朗然徹律師

一峯元律師

慧清經律師

福安泰律師

月溪靜律師

乾象興律師

振基緒律師

杲中本律師

五台秘魔寺

萬和春律師

覺一智律師

栢峯壽律師

京都
福源箇中意律師

一週體律師

智寬法律師

悟源真律師

福洪德律師

慧實貴律師

京都
賢良石憨寧律師

妙義光居士

霞暉朗律師

金陵
見真修大師

天玉供大師

雙修慧大師

在如環大師

和光來大師

慧明穩大師

聞見悟大師

毘陵法雲澹園素律師法嗣

洪量然律師

覺融如律師

瑛燦芙律師

西曉一律師

德源溪律師

四誠性律師

道宏悟律師

自省海律師

東魯任城玉露誠朴慈律師法嗣

清濤松律師

鉄峯山律師

求智慧律師

慧然智律師

曉真進律師

大潤然律師

勅賜維揚智珠寺德增賢律師法嗣

智珠 厂山源律師

龍華 曉蒼亮律師

鵠峯泰律師

再先基律師

靜安愷律師

魯陽泰律師

松崖蝸律師

南山

卷下 千華九世

三三

金陵天隆如登從律師法嗣

綉文本律師

善倫英律師法嗣

如愚塵律師

海陵福慧嵩山善律師法嗣

萬壽昱旻有律師

維揚旌忠寺德滋泰律師法嗣

映霞燦律師

洪遠悅律師

衛叅梅律師

寶爲善律師

不昧明律師

利生化律師

樂山仁律師



青雲正大師

悟生柱大師

善音聞大師

金陵觀音瑞符泰律師法嗣

蕪湖荆山無量海律師

維揚泰州光孝寺炳一慧律師法嗣

光孝西林能律師
自覺悟律師

太邑常樂智融志律師
天中永律師

維揚開元寺震蒼靜律師法嗣

朗月墜律師

維揚江都勅賜慈雲寺復聞廣律師法嗣

慈雲

却塵崙律師

亮賓耀律師

靜遠智律師

鏡堂鑑律師

石雲潤律師

道成慧律師

越三悟律師

明仁律師

賓遠佩律師

瑞雲祥律師

信源相律師

受言益律師

維揚觀音啟源如大師

海陵觀音朗照山大師

姑蘇治平寺潤恒澍律師法嗣

德睿慎律師

姑蘇太平重義齡大師

海陵壽聖寺濟度能律師法嗣

南厂慧律師

維揚觀音寺息凡慧律師法嗣

悟一明律師
執中芳律師

真修悟律師

徽州黃山雲谷寺明覺峰律師法嗣

忠政福律師
容璋上律師

圓極下律師

上方西爽昭律師法嗣

曉凡遷律師

金陵天隆寺慧周廣律師法嗣

金陵天隆寺懌安順律師法嗣

幻如險律師

鳳陽府宿州地藏寺修德美律師法嗣

龍含珠律師

揚州敬佛菴叅一學大師法嗣

敬佛澄如緒大師

蘇州福生聖轉澄大師法嗣

蘇州 圓通慈雲世大師法嗣

靜凡智大師

靜融慧大師

聞思
六世

淮陰觀音涵空長律師法嗣

蘊洪海律師

貫哲賢律師

繼善興律師

耀瞿法大師

定遠壽律師法嗣

蒼雲隆律師

淮陰吉祥院侶賢濬律師法嗣

吉祥碧溪湛律師
天然慧律師

智先德律師法嗣

冠倫仁律師

真諦
六世


瞻佛慧輪脩大師法嗣

德文愚大師

全潮
四世

全潮天滋潤律師法嗣

叅峯禪律師



極樂
六世

宿遷極樂坤傳微律師法嗣

中和寬律師



南山

卷十 千華九世

三

保定宣文寺澄朗雲律師法嗣

宣文霞雲明律師 敬遠濟律師

戒庵法律師

京都法源寺第三世遇隆升律師傳

承派嗣法誼同父子天月和尙退院時薦弟子遇隆以代遂主方丈席遇隆係江蘇徐州府銅山縣董氏子也名了升性木訥寡笑言應接事務不求甚解取友必端天月知人矣清規修飾勤儉克稱以量出入以約衆寡若居室者之經費善承天月筋力之所不逮無遺憾焉天月和尙示涅槃時遇隆若失所怙哀以送之律門戒行身後輒燒化擗踊哭泣

無異執親喪者然不違其戒而不汨其良出
於天性之不自知觀者咸爲感泣不檢者常
忽率真者近愚後果以誤投藥餌而終豈不
惜哉豈不憫哉戊戌春界空持師遺像浼余
爲題未果其請其光陰瞬息已結夏云爲之

讚曰

太璞貴完

混沌不鑿

性海淵沉

天懷廓落

孝深易箴

性通膈膜

華山鐘靈

千年香閣

皇六子題

京都廣濟寺崧巖律師諱圓修河南開封府祥符縣人氏本籍天王寺出家得戒得法於天老和尚律行精嚴夙夜匪懈居輔弼職十餘年矣道貌巍巍言論丰采學問綜貫才識超羣晝夜踟躕而坐脅不着席真有古人風焉時廣濟乏人京畿諸刹尊宿公請師主席方丈於是宏揚律法傳戒數次率衆清修不憚勤苦乾隆四十年二月二十七日端坐說偈而逝世壽六十有二安居三十五夏塔於平

治門外普濟菴之東

京都福源寺箇中律師諱圓意號硯北江南新安人也幼習儒業常懷出塵之志旣冠遍訪名宿祝髮五臺南山寺於都中法源寺澄菴天老和尚求具戒法監院教授十有餘夏內官請任福源遵行毘尼奉

皇六子質郡王選補萬善殿教習兼行繙譯經館與士大夫究論竺墳退公之暇造就後學入室者得數人焉

宗統

卷十

目次

千華第九世

寶華渾儀先律師法嗣

京都法源寺遇隆升律師法嗣

法源界空眼律師 大智銘律師

如琢寶律師

慧珠寬律師

慧山田律師

翰章儒律師

智臨慧律師

海濡有律師

端化成律師

鑒元真律師

從義明律師

秀玉珏律師

文勝明律師

慈光有律師

祥光霞律師

瑞祥望律師

清虛林律師法嗣

定一學律師

祥臨晏律師

朗鑒起律師

凝川漢律師

鑑空明律師

淨善祿律師

順庵便律師

承修山大師

京都廣濟崧巖修律師法嗣

廣濟萬鍾祿律師

景峯春律師

彬伏文律師

顯理悟律師

得空恒律師法嗣

顯若現律師

務本行律師

京都祇園正因佑律師法嗣

文慧智律師

宛平觀音寺朗然徹律師法嗣

永安有律師

瑞安山律師

金陵文昌庵月溪靜律師法嗣

默堯澤律師

栢峯壽律師法嗣

寬如量律師

京都福源箇中意律師法嗣

慶雲玉律師

明本德律師

無生常律師

聞意持律師

澤九潤律師

京都滙通祠福洪德律師法嗣

天禪福律師

京都延慶慧實貴律師法嗣

亮如仁律師

蘊修法律師

保定宣文霞雲明律師法嗣

文宗註律師

瑞光祥律師

杲堂榮律師

涿州普慶寺德林秀律師法嗣

聖峯仁律師

吉祥
二世

吉祥院碧溪湛律師法嗣

慈濟珠律師

聯輝燈律師

滌塵睿律師

南山

千華十世

涼勅賜會音寺慧如覺律師法嗣

映霞燦律師法嗣

三乘秀律師

普為出資及讀誦受持
輾轉流通者回向偈曰

願以此功德
消除宿現業
增長諸福慧
圓成勝善根
所有刀兵劫
及與饑饉等
悉皆盡滅除
人各習禮讓
讀誦受持人
輾轉流通者
現眷咸安樂
先亡獲超昇
風雨常調順
人民悉康寧
法界諸含識
同證無上道

佛曆二五六〇／西元二〇一六年六月

恭印：一〇〇〇本

流水號：14151
書號：CH611-04

南山宗統

發行人：簡豐文

出版者：財團法人佛陀教育基金會

地址：100 台北市杭州南路一段五十五號十一樓

網址：<http://www.budaedu.org>

E-mail：budaedu@budaedu.org

電話：(〇二)三三九五一一九八傳 真：(〇二)三三九一一三四一五

劃撥戶名：財團法人佛陀教育基金會 郵局劃撥帳號：〇七六九九七七九

銀行名稱：台灣銀行城中分行（請於電匯或轉帳後告知本會用途）

銀行帳號：〇四五〇〇四五九七五〇三

本會經書免費結緣之請取方式如下：

(一)親臨本會三樓講堂。(二)利用傳真：(02) 23965959

(三)撥打電話：(02) 23951198 分機：11、12

(四)網址：<http://www.budaedu.org/books/>。(五)寫信指定：本會法寶流通股。

為提高服務效率，請您嚴謹考量，慎選所需經書；儘量少用電話，多利用文字方式

請取，並請詳寫經書名稱、冊數及收件人姓名、地址、電話、郵遞區號，以減少本會之

處理時間；若大量申請，請註明用途，且避免姓名、地址等文字上書寫之錯誤

◎本會經書，歡迎翻印（請勿增刪），贈送流通，功德無量。

◎本會交通：

※捷運：善導寺站5號出口，至杭州南路右轉，過兩個紅綠燈。

※公車站牌：審計部站→212、299、232、205、276、605、257、262

台北商業技術學院→253、297、237 仁愛路二段→253、297 開南商工→208

仁愛路、杭州南路(紹興街)口→630、270、263、245、621、651、37、261

行政院新聞局出版事業登記證局版臺業字第三八六九號



